

UTL AT DOWNSVIEW



D RANGE BAY SHLF POS ITEM C
39 11 09 02 01 001 8

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

Z

4

Z9Y3

Yaziksiz, Necib 'Asim
Kitab



نجیب عاصم

معارف نظارت جلیله سنک رخصتیه طبع اولمشدر

مطبعة صفا و انور

خواجه پاشا جاده سی نومرو ۳۲ و ۳۴

قسطنطنیه

۱۳۱۱

2

4

Z943



بِسْمِ اللَّهِ الرَّحْمَنِ الرَّحِيمِ

مقدمه


الحمد لله رب العالمين والصلاة والسلام على سيدنا
محمد وعلى آله وصحبه اجمعين .


جناب ترتیب فرمای کتابخانہ کائنات، وجمع
کننده اجزای ممکنات، شیرازه بند کتاب
دولت، و سر لوحه خلافت و سلطنت، حافظ دین
و مملکت، حامی ارباب معرفت، پادشاه فاروق -
سیرت افندیمز حضر تکرینه تألیف کتب و رسائل
عادتى اقلام محررینده جاری اولدجه عمر طویل،
وطبع ملوکانه لرینه مطابق آثار واجراآت خیریه
موفقیتله، ادعیه مفروضه جناب ملوکانه لرینی السنه

انامه و اوراق مطبوعهٔ جهانہ ساری بیورسون،
آمین .

آمال خیر اشتمال شهنشاهییری استکمال
اسباب سعادت ملک و دولته معطوف، و اکثر
اجرات سنیه حضرت شهریاریلری ترقی معارف
عمومیه به مصروف اولان پادشاه معلاجه، خلیفه
منصور و مؤید من عنداه، افندیمر حضر تلیرنک
اثر جلیل مکارم دلیل خسروانه لری نه اقتفا، جمله
بندکان صداقتنشان خلافتنپناهییری ایچون جالب
منافع لایحصا و موجب سعادت دنیا و اخر
اولدیغنه مبنی، چا کر بی نصیب، یعنی عسا کر شاهانه -
لری یوز باشیلرندن « بال حسن اوغلی نجیب » دخی

مأمور اولدیغی وظائف مقدسه بی حسن ایفایه جهد
وسعی ایتدیکی کبی، اوقات خالیه سنی دخی محضا
محبوب قلوب عالمیان و قره اعین جهانیان افندیمر
حضر تدرینه استجلاب دعوات خیریه ایتمک امل -
خالصیله منافع عمومیه یه خادم اثرلر جمع ونشرینه
اقدام کوسترمکده در . آثار منتشره یه بر لاحقہ
ناچیزه اولمق اوزره، بوکرده ده « کتاب » عنوانیله
شو اثری تنظیم و کتابخانه اصحاب عرفانه تقدیم
ایتمشدر .





قارینه

قاره، منده، بنم کپی، کتاب محبی اولدیقله شهرم
یوقدر. محبوبده اشتراک، بزی بری بربرمزه رقیب ایتمز؛
تقریب ایدر.

والده ویدر محبتی نه اولدیقلی ادراک ایده مین بد-
بختلرده اولدیقلم ایچونه، ایلاک مجلوبی اولدیقلم محبوب
کنابدر؛ بو محبت کونده کونه آرتقمده در؛ فقط محبتم بنی
چون کتاب صامبی ایدی ظمه ایتمه! انسانه بوسه کیسه ایلد
کنابخانه طولدیره پیلیرمی؟

به سود کلرمی، بوسه دقت بولدق، عمومی کنبخانه لرده،
صحاف دکانلرده، زیارت ایدرم.

بنی بوسه بتونه ده کتاب سز ظمه ایلمه. آرتیره بیلدیلم
یاره لرله آلمسه، نشر یاتمه اوغراشد یقلم ایچونه، مؤلفین
دمنریمین کرامت طرفنده اهدا ایلمسه اولم اوزره

ایکی کتابخانه طولوسی کتابم وار ! لکمه بونلر بنم کپی بر
کتاب عاشقی ایچونه لافیمی یا ؟ اوده کی کتابلرملک هیمی
نظر مطالعه مده کچمشر . اوله مده ، کندی عاظمده ،
بولند یغم زمانه ، اوقدر کتاب ایچنده اوقونه چوه بر شی
بوله مام .

کناجیلرک روایت و تخمینه کوره ، هر یکی باصیلرله
کتابده ، ایملک دفعه اولورو ۲۰۰ نسخه صاتیلور ایچمه .
شوهسایجه استانبولزده ۲۰۰ مجبانه کتب وار دیملک .
دوستلرملرک بوقدر آزلغه تأسف ایتمم . سایه معارفوایه
حضرت یاشاهیده یلک آز زمانده بومقدارک یلک چوه
آرتنه جفته شهره ایتملم . عصرمزه ، هر کتجه ؛ دیمیر یولی
وزقیات فکریده ؛ الکتریلر عصری دیورلر ؛ دیملک که ،
بز الکتریلر سرعیتله کیده چکلر .

ایته بوکونه مقداری ۲۰۰ ویاقنده ۲۰۰۰ اوله چوه
دوستلرملر ایچونه محبوب قلوبملرک نامه بر اثر یازیورم .

موکيليمزك تاريخ و اوصافي بويده بيه اوده يابراقده اهاطه
ايديله مز . فقط بنم بو يازديغم ، اوصاف محبوبی مسهر
برقطه در ؛ قصيده لرینی ده بنده دها مقتدراری تنظیم
ایتسونه ، سوه سوه اوقویه لم .

بال اوغلی

نجیب عاصم

فی ۲۵ صفر سنه ۱۳۱۱





— کتاب —

بوفصل ، اصل سوکيلمزك تاريخ واوصاف
مخصوصه سندن باحذر .

قدما ، احوال عاديه ده ، کتابلرني مصرده يتشن
وبرنوع قامشدن عبارت بولنان (پاپيروس) زارلری
اوستنه يازارلردی . بوسبيله يونانليئر کتابلرينه پاپيروس
ديمك اولان (بيلبوس) ديرلردی . کتابت ايچون ترشه ،
ياخود قويون دريسي ، فيل ديشی ويا غایت اينجه قورشون
لوحه لر ، کتان بزلی وسائر قوللانيلور ایدی .

مسوده يازمق ايچون اوزری مومله طلا ايدلمش
لوحه لر ايديلور وبونلرک اوستنه دميرقلم ويا اينجه
خنجر ايله يازيلور ، ودها طوغريسي چيزيلور ، وصوکره
بوالات تحريرک يصی طرفيله بوزيلور ودها طوغری
برتعبير ايله ، دوزلتيلور ایدی . پاپيروس وترشه ايچون قره ،

قرمزی ، روی ودها بشقه رنگکرده مرکب استعمال
اولنورایدی . اسیرلر ویاخود آزادلیلر ال یازیلرینی
استنساخ ایدرلردی .

کتابلر یاه طومار شکلنده ویاخود درت گوشه‌لی
کاغدلردن عبارت اولور ایدی . طومار ییچمنده اولان
کتابلر صولدن صاغه طوغری آچیلور . و اوقت سطرلر
افقی برطاقم سستونلر تشکیل ایدرلردی . ویاخود طومار
یوقاریدن آشاغی آچیلور سه ۴۵ سانتیمتری تجاوز ایتیش
سطرلر بتون عرض استقامتنده بولنور ایدی . بر برینه
یاپشیدیرلش پاپیروس یا پراقلرندن عبارت اولان کتاب
بردگنک ویاخود فیل دیشندن یاپلمه برعمود اوزرینه
صاریلور ایدی . بزم اسکی (ملهمه) لر حالا بو طرزده
یازلمش اولدقلری معلومدر . شو صورتله حاصل اولان
جلدلر ، طبیعی پک بیوک اوله ماز ایدی ، یا اوافق بر رساله‌یی
ویاخود بر کتابک آنجق بر باب ویا بر شاعری بر قصیده‌سنی
حاوی اوله بیلوردی . بو جلدلر کتابخانه رافلری اوزرنده
افقی اوله رق ترتیب اولنور ایدی . بر کتابک اجزاسنی
تشکیل ایدن جلدلر ایسه اکثر یا بر چکجه یه قونور ایدی .

رومه لیلرک (قودیحجه) دیدکلری درت کوشه لی
کتابلری آنجق ایمراطورلر زماننده شیوع بولدی .
صحیفه لک هرایی طرفی یازیلور ایدی . صحیفه لر ایکی اوج
ستون اوزرینه یازیلور واطر افلرنده کنار براقیلور ایدی .
بوکتابلر یابر قماش ایچنه صاریلور ویاخود باقر رزه لی
تخته محفظه لر دروننه قونیلور ایدی . بونوع کتابلر
طومارلردن زیاده یازی آلیرلردی .

رسل سالفیه ، انزال بیوریلان اوامر الهیه یه (صحف)
اطلاقنه باقیلورسه بونلرک صحیفه لر اوزرینه یازیلی اولدینی
آکلاشیلور . وتورات شریفده الواح اوزرینه یازلمش
ایدی .

بعثت نبویه دور مبارکنده سور جلیله قرآنیه تخته
ویاتر شه لوحه لر اوزرینه محرر بولندینی وحضرت ابابکر
وعثمان جانب والالرنندن الواح مزبوره طوبلانونوب قرآن
کریممز جلد حالنه قونلندینی معلومدر . قرون وسطاده
طومار اصولی قالدی ، مربع جلدلر رواج بولدی .
بویالی ویایلدزلی کتابلر چیقدی ، بهالری ده یوکسلدی .

نسخ شریفه قرآنیہ نک ۱۰,۰۰۰ غروشلہ ۱۰۰۰
 بیندہ ہدیہ سی اولدینی معلومدر . سائر کتابلردہ یازی
 وایشلرینک نفاستہ کورہ بہالرایلہ صاتیلور ایدی . حتی
 ۸ غروشہ صاتون آدیغم . وقاضی کویدہ کی (جلال بک
 رشیدیہ سی) کتابخانہ سنہ ھبہ ایلدیکم . عادی یازیلی بر اختر
 لغتک آرقہ سنہ ، اسکی صاحبی ذات ، ۵۰۰ غروشہ آدیغم
 قید ایتشد .

اووقتلردہ کتاب تدارکی مشکل واغیا ایچون کتاب
 عادتادی قیمت امتعہ انواعندن عبارت اولوب مجوہرات کی
 ترھین اولنہرق استقراضلر ایدیلور ایدی . بوسبیلہدہ
 برچوق ناسخ ، خطاط ، مذهب ، مجلد وسائرہ
 کینور ایدی .

شوسطرلری ، بزده طباعتک ظہورندن اولکی حالی
 تصویر ایچون یازدیم ایسہدہ دنیانک ہر طرفندہ کی حالہدہ
 بویلہ ایدی .

طباعتک میدانہ چیقمہ سی ایشلری دیکشدیردی ؛
 کتابلر چوغالدی ، فیئاتلری اوجوزلدی ، شمدی

اودرجه يه کلدی که، کتابلرک چوقلغندن شکایت ایدنلر بيله
باش کوستردی . زمانمزدده هرکیسه يه ال ویریشلی کتابلر
بولیور . بوکون، کیم اولورسه اولسون، هرکس مطالعه سنه
کافی برکتابخانه جک تدارک ایده بیلور .

فقط زمانمزدده کی کتابلرک چوقلغنی ايله اقتخارده عجله
ایتمه لم . بویه برابر داق صو بهاسنه قدر کتاب بولغنده حالا
اونده برکتابی بولمیانلر وار ! بونلر نه دیه لم ؟

وقتيله، یوقاریده تعریف ایتدی کمز کوجلکلرله برابر،
خیلی زنکین کتابخانه لر اولدیغنی ده اونوتیه لم . فراغه -
مصریه دن (اوزیماندیاس) واسع برکتابخانه تدارک
ایده بیلدیکی کبی، آنه ده (پزیسترات) برعمومی کتابخانه
تأسیس ایتمش و (اورپید) ايله ارسطونک کتاب طاقلری ده
شهرت آلمشدر . مشهور اسکندریه کتابخاسنده ۷۰۰،۰۰۰
جلد کتاب بولدیغنی مرویدر . رومه لیلرک ده کتاب
طاقلری و عمومی کتابخانه لری وار ایدی . قرون وسطاده
کتابخانه لر اوروپاده یالکز مناستر، بسقپوسه خانه و قرال
سرایلرنده بولنورکن اووقت عرب شهرلرنده جسمیم

کتابخانه لږ پک چوق بولنور ایدی. (هولا کو) نځ بغدادی
تخربینده دجله یه آتیلان کتابلردن برهفته نهرک صوینی
قرار دینی مشهوردر.

سلطان سلیمان قانونی حضرتلرینک وزیر اعظم
وداماد مکرمی رستم پاشانک مخلفات دفتردنده :

مصحف شریف باحسن خط باجلد مرصع کتب متنوعه

۵۰۰۰

۱۳۰

۸۰۰۰

دیه برقید کورلمکده درکه اوپله بروقتده بو قدر کتاب
تدارکی نه قدر علوهتمه محتاج اولدینی شایان تأملدر .

کتابلر نادر اولدینی زمانلرده ، اگرتی کتاب
تدارکی مشکلات اموردن ایدی . حالا کتابخانه لرمزک
وقفیه لرنده کتابلرک کتابخانه خارجنده کی اوطه لره
چیقارلمه سی بيله منع ایدلمشدر .

اوروپا مناسترلرینک کتابخانه لرندن عاریت ویريله جک
کتاب دیشاری چیقارلمدینی حالده بيله پک بیوک رهنلر
ایستلردی .

فرانسه قراللرندن اون برنجی لوئی پارس مکتب

طیبه سندن، زاری، نک بر کتابی استعاره ایچون ۱۲ کو موش
مارق، ۱۲۰ استرلین ایله، ۱۰۰ آلتون (ا کو) تضمینات
ویرمگی تعهد ایدنمش ایدی.

کتابلرک اوزرینی تخته و بونک اوستنی ترشه ویاخود
درلو اویمه و رسملرله تزین ایدرلردی. دهها زیاده تحت
امنیتده بولندرمق ایچون زنجیرلرله باغلارلر، وحتی ایشی
دها صیقی طوتهرق، پارمقلقلر آرقه سندن مطالعه
ایستیرلردی.

بزم کتابخانهلر حالا اسکی نظامنده در، ایام
مخصوصده، طلبه ایستدیکی کبی کتابخانه او طه سنده مطالعه
ایدر و شوقدر وارکه بر آدمه بر کتابدن زیاده ویرلمز.

بزم کتابلر مزده اک زیاده آرانان شی حسن خط،
تذهیب، غایت ظریف و متین جلدلردرکه، یالکیز او جلدلردن
بوکون یوزلیرا قدر دگر لیلری واردر.

عرب، ترک، عجم کتب قدیمه سی؛ هولاکو، چنکیز،
تیمور، اهل صلیب فتنه لرله اندلس خرابیتنده هان محو
اولمش و آثار قدیمه دن آنجق بوکون دوده قولا ق تعیرینه

لایق دینه جک قدر الدہ قالمشدر . طبقات ، تراجم و تذکر
کتابلرنده کوریلن اسامی کتب بوکون عنقا حکمندهدر .
یونان ولاتین آئارندزده بوکون موجود اولانلری
۱۶۰۰ قدردر . اسکندریه ، رومه ، قسطنطنیه کتابخانهلرنده کی
آثار غربیه یاغینلرده غائب اولمشدر . پترستلر ، یهود
ونصارا کتابلرینی ، نصرانیلرده آنلرکیکی یاقشملردر .
مذهب دعوالری ، داخلی محاربهلر وسائر چوق کتابلری
یوق ایتشدر .

واقعا بعض مناسترلرده کتابلرک محافظه سنه اهتمام
اولنور ایدیسهده ، اکثریسنده ییچاره لر کندی حاللرنده
براقیله رق ، چوریدیلور ، گووه لر یدیریلور ، یاخود یوق
بهاسنه صاتیلور ، دها اولمازسه . صحیفه لر سیلنوب یاپراقلری
کسیله رک چوجق وقادینلر ایچون دعا کتابلری یاپیلور
ایدی . ایشته شوصورتله دعا کتابنه تحویل ایدیلن آثار
قدیمه علم کیا اغانه سیله ، ممکن مرتبه ، احیا ایدلمکدهدر .



❦ یازی ❦

— ۲ —

اسکی قوملردن چوغی یازینک اختراع شرفی دعوی
 ایدر ؛ ایلك یازی یی ایجاد ایدن مصریلر و بونی یونانستانه
 نقل ایدن ده « قادموس » اولدیغنی مؤرخلر عموماً بیان ایلر.
 فقط مصریلرک یازی یی ایجاد ایلدیکی و فنیکه لیلرک ده
 بومعرفت جلیله یی یونانستانه کوتوردیکی احتماله پک یاقیندر.
 خطوط مختلفه یی اوچ دوره تقسیم ایدر لر ۱ «
 (دور تصویر ویا ایه روغلیف) درکه اشیا و افکارک
 صور مختلفه و مناسبه ده ترسیمندن عبارتدر ؛ ۲ « دور
 انقلاب) درکه اشیا و افکارک بوزوق و فقط مقرر بر طاقم
 اشارات مخصوصه ایله تصویرندن عبارتدر ؛ ۳ « صرف
 دور الفبائی) درکه مفاصل صدای بشرک اشارات
 صوتیه ایله افاده سندن عبارتدر .
 مصر ، ایه روغلیفلری ، چینلیلرک ایلك اشارتلی ،

مکسیقالیلرک رسملری برنجی دوره عائددر ، مصرلیلرک
ایهروغلیف آزمانی اولهرق قبول ایلدکلری خط-
مقدس، چینلیلرک شمديکی یازیسى ، ژاپون، آنام وسائر
بوقیل قوملرک یازیسى ایکنجی دورده بولنیور . اصواتی
ادایدن ومرتب الفباسی اولان یازیلرده اوچنجی
دور کالدهدرلر .

بونلره، وقایع ماضیه نك تذکارینه وسیله اولمق اوزره،
برطاقم اشارات معینه ده علاوه ایدیله بیلورکه، آنلرده مکسیقاد
جاری اولدینی کبی، ایسه دوگوملر اورمق، پهرولیلرک
(کیوس) دیدکلری اشارتلر، چینلیلرک قوردله اورگولری،
اسکی روسلرک چتله لری کبی شیلردن عبارتدر .
یازیلرک مشهوری شونلردر :

چین یازیسى . — اولا برطاقم خط مستقیملردن ،
صوکرده آزچوق اشیاوافکارى محتله بیان ایدر اشارتلردن
عبارتدر ، زمان کچدکجه بویازینك .دها طوغری برتعبیرایله
اشارتلرک، شکلی بوزلمش ایسه ده ، هر حالده دور انقلابی
آتلايه - امش وضبطی او قدر کسب مشکلات ایتمش که

بر انسان عمری آنجق تعلیمنه کفایت ایدر . چینلیلرک
ترقیات فکریه جه کیری قالمه لرینک سببلرندن بری ده
بو اولسه کرکدر . چین یازیسی احوال عادیه ده یوقاریدن
اشاغی به چیزیلور .

چینلیلره قومشو اولان قوملردن قوره ، تونغ کین ،
ژاپون لر چین یازیسی قبول ایتشلر سه ده بویازیلری کندی
لسانلرند . او قورلر ؛ ژاپون یاده بواشارات ممثله دن لسان
عادی کلمه لرینک هپسنی هجا طریقله افاده یه مخصوص ایکی
الفا بیقه قارلمشدر .

« رسم ، لسانه عمومی ر . » سوزی بوشنه دکدر .

بروحشی ویا مدنینک ذهنده او ، قهوه ، آغاج مفهوملرینی
اویاندرمق ایچون برواسطه طبیعییه مراجعتله افهام
ایده جکمز شیئک شویله جه بررسمنی چیزر ایسه ک مقصد مزی
آکلاتمش اولورز . ایشته بویله رسمله تفهیم مرام ایدر
برهیئت تصور ایدر ایسه ک بونلرک هرکون برطاقی رسم
ترتیبی ایله یکدیگرینه افهام مرامه موفق اوله جقلرینی ،
وبوصنعتده برقی ایده ایده رسملری ساده لشدیردک کمال

سرعت و سهولتله مقصدلرینه موفق اوله جقلرینی استدلال
ایده بیلوروز. حتی بر زمان کله بیلورکه، بورسمارکنیدیلرنجه
- اشارات معهوده - یرینه کچهر، بربرلرینک فکرلرینی
عادتا اوصورتله اوقودقلری حالده، اولره یباججی اولانلر
بو اشارتلردن برشی آکلایه ماز اولورلر. ایشته اقوام
قدیمه دن اکثریسنده یازی بو صورتله میدان کلدی. بونک
الک بیوک مثالی (ایهروغلیف) دینلن خط مقدس -
مصری در.

تاریخ بیلنلرک پک اعلا معلومی درکه، بوندن آلتی یدی
بیک ییل اول مصر متمدن برمملکت ایدی. «مدنیت
وبشریت» مفهوملری دائماً «ترقی» ایله همان مترادف اولدیتندن
قنون و صنایع ترقی ایتدکجه بونی دها ایلری کوتورمک،
اخلافه و غائبلره بیلدیرمک آرزولری ده حاصل اولدی،
لسانه وجود ویرلمک و کلامی تصویر ایلمک چاره لری
دوشونلدی. ابتدا معبد دیوارلرینه، دیکیلی طاشلره
حاصل اولان مائثری حک ایتمک آرزو ایدلدی، بوسبيله

«خط برائی» دینلن «ایہروغلیف» ک اساسی اولمق اوزرہ. پک طبعی ارلہرق تصویر وترسیم مرامہ باشلاندى.



شو رسملره هر کیم باقارسه شویله جه : اوکوز، آرسلان،
قاز، بالق، ییلان، آغاج، کوپ، باجاق دیه جکنه شبهه یوقدر .
انسان رسمی؛ یالکز ارکک ویا قادین مفهومی افهام
ایتمکله قالمیه رق، حیثیت، رتبه، مشغولیت کی اوصافنی
ودها صوکره، پک طبیعی بر تعمیم ایله ، انسانک خواص -
ممتازهنی تفهیم ایتمشدرکه شومثاللرده بونی پک اعلا
ایضاح ایدر :

عادات اركك وقادين .

ایچمک ، یمک ، لاقردی ، فکر .

استراحت ' سکون ' ضعف .


نیاز، عبادت .


بر کره ذهن یالکز جوهری دکل، بوکا مرط مفهومی
 مراسم اوله رق کورمه آله دقن صوکره، آز چوق
 اشیایی اخطار اید بیلجک بر طاقم اشارات لازمه قبولی
 و بونلره بر طاقم قیم متممه وضعی، همان همان ضروری
 اوله رق، نخطر اوله جق شیردندرکه آشاغیکی اشارتله
 بونی دها زیاده تفهیم ایدر :



- 一، طاوان، کوك، ارتفاع، تفوق .
 二، کونش، آیدنلق، کوندوز، تقسیم ازمه .
 三، طاغلق مملکت، مصره نظراً بلاد اجنبیه .
 四، حدود اراضی، شهر، قصبه .
 五، جدول، آقارصو، صوسزلق .
 六، صولامه، ییقامه، تمیزله،

- 七، آتش، حرارت، آلاو .
 八، روزکار (شیشرلش یلکن) .
 九، یکیتلک (آرسلان باشی) .
 十، سونج (اوینار آدم) .



بورومك . 







كورمك . 

جمع ، چوقلق (برشيك تكررى) .  

ایشته بونلر برطاقم اشیاء، حرکات و مفاهیمدرکه اشکال طبیعییه ویا اونلرک تمثالی مقامنه کچمش اشارات مقننه ایله اشعار ایدلمشدر . شوصورتله ترسیم ایدیلن لسان عادتا (rébus) یعنی (رسملی معمار) . رسملی معما مرتبی عینی مفهومملری ادا ایچون عینی اشارتلیری قوللانورسه حلی قولای اولور . لکن بعض رسملی معمارلر واردرکه آنجق معانیء عمومیهیه استناد ایله حل اولنور . مفتاح - کفایت ایتمز ؛ بعض معلومات متممیهیه احتیاج کوریلور . بوایسسه شدتلی برزکا ایستر ، بوسنبیله اوروپا جریدهلریله نشر ایدیلن اوکی معمارلرک حلنده خیلی مشکلاته تصادف ایدیلور وحتی چوقلری یا کلش حل ایدر . ایشته « تصویر مفهوم » اساسی اوزرینه مؤسس اولان ، یعنی مفهومملری رسمله کوسترن ، یازیده بویله رسملی معما کبیدر . بونده ملکهسی اولانلر چاپوق


























وقولایچه اوکلرنده بولنان لوحه‌لری اوقور . فقط
بوسهولت، دقت وسعیسنر حاصل اوله‌م‌دیغندن هرکسده
بولنه‌ماز . رسمی معما انسانی اکلندره بیلیر؛ لکن اومعما
برقاچ صحیفه‌لک برشینک ترجمه‌سی اولورسه وای اونکله
اشتغال ایدنک باشنه !

یوقاریده سویلدیکنر اصول تصویر ده‌ایلری
کوتورلمش ؛ بشقه بر اصوله ده‌امراجعت ایدلمشدر .
« لسان‌ربائی » دینلن اسکی مصر لسانی، اکثریا، برر هجالی
کلمه‌لردن عبارت ایدی . بوکلمه‌لر طبیعی اوله‌رق شویله‌جه :






ترجمه‌لری	مصرجه‌لری	
چاپه .	میر	
کوز .	ایر	
طورته ،	بی	
صو .	فی	
آغز .	رو (ro)	
ال .	دو (dou)	

شکلنده کوستریلورکن، مثلاً ، میر (چاپه) کلمه‌سنه
دلالت ایدن اشارت آرتق اوشیئه دکل، بلکه کړك منفرداً

و کر که از متلفظ ردیکر کله به مربوطاً یا الکر «میر» صداسنی
 افاده به تخصیص ایدیلرک، آرتق «میر» کله سنک اشارتی «میری»
 سومک، (میر و) مربوط، معنالرینه وضع ایدلدی . ایشته
 شو صورتله وقتیلر بر مفهوم تصویر ایدن اشارتار، صوکره
 لسان ایله افاده اولنان بر مفهومک صداسنی افاده به تخصیص
 اولنه رق، آرتق مفهوم مدن خارج صدا، هجایی بیلدیرر
 اولدی . یازی بوندن صوکره «خط هجایی» صورتنه
 کیردیکندن هر مفهوم ایچون بر خصوصی اشاره حاجت
 قالمیه رق هر صدا ویا هجا ایچون بر اشارت ال ویردی .
 بناء علیه «الف با» جزؤلری ترتیب اولنمه لزوم کورلدی .
 ایشته سزه اولردن ده بر نمونه :








آ	•   
آب	•     
آم	•   
آن	•   
آر	•   
آس	•     
آت	• 
آد	•  

تحریر و قرائتی قولایلشدیردی . هر هجایی بر اشارتله

کوستره جک یرده :     
صون مس من فا ما

صورتيله هر صدایه مخصوص بر حرف اتخاذایدلدی .

مع مافیه اسکی اصولدن بوس بتون واز کچلمدی :

آ	
ی (i)	
او (u)	
م	
ن	
س	
ت	

برده، بر طاقم اشارتله، « خط مفهوم » ویا « معما » ده

اولان قیمت ابتدائیه لرینی عرفاً محافظه ایتدیلر . خلاصه


مصرلسانی یازمق ایچون بش یوزقدر حروفاته لزوم

کورلدی : اوقومق یازمق ایچون چوق وقت وزمان

ایستر اولدی : « ابرو غلیف » دینلن (خط مقدس) ی


قوللانمق ایچون اولدقجه عالم اولمق اقتضا ایتدی .

— برطاش اوزرندە بولنان ایهروغلیف —







کدم ؛ تاهی «کنفاه» دیاری رؤسانک المحاسنه
مساعده ایديورم ؛ اولری ایاقلرله برابر ایاقلرک آلتہ
آيورم .

بویازی معبد وستونلرک تزیننه پک مساعد اولدیغندن،
کرک معبدلرک دیوارلرینه وکرکسه دیکیلی طاشلر اوزرینه
برطاق اوامر دینه، قانونیه ومواد تاریخیه حک ایدیلور
اولدی . فقط خصوصات عادیه ایچوز مصرلیلر تختہ ،
مشین ، بز ونهایت اختراع ایلدکاری پاپیروس «قوغهلق»
حصر اوتی «اوزرینه فورچه ایله تصویر مرام ایدرلردی .
قوغهلقک ابداعیله چوق کچمدن یازی تعمم ایتدی .
برچوق کیمسه لک مهارتسزلکی، ایشده سرعت
احتیاجی، کی برطاق سبیلر «ایهروغلیف» خطنک طبیعتنی
براز بوزدی .



ایشته تقریباً بوئدن ۳۳۰۰
 بیل اول یازلمش « کتاب اموات » دن
 آلمان شو طرزله کیردی . شکک
 معاینه سندن ده اکلشلا دیغی اوزره
 یازیزی ، چینجه کبی ، یوقاریدن
 آشاغی عمودی اوله رق یازلمشدر .
 معناسی : « آجملکله ، صو -
 صابانه صو ، جیبلر اولانه لباسله
 ویردی . »

محلو کاتده طرز عتیق محافظه ایدیه بیلدیرسه ده
 قوغهلق اوزرینه یازیلانلر کیتدکجه اسکی طرزدن چیقیدی .
 مثلاً (م) حرفه دلالت ایدن بایقوش  رس - منک
 پنجه و آرقه سی غائب اوله رق شو ۳ شکله کیردیکی کبی (و)
 حرفه دلالت ایدن — آغز اشارتی بر قلمده یازیله رق

۵ شکله کیرمش . آدم رسمی ده  انسان  
کولکھسی صورتنه قونمشدر . بعض اشارتلرده بربرینه
ربط ایدلمشدر ؛ خلاصه یازیده سرعت پیدا اوله رق
(علما یازیسی) دینلان شو :

الله اکبر حمدای الله

« ایلک فنا اولور . »

صورته کیرمشدر . بویازی بی ، همان همان علم کندیلرینه
مخصوص اولان کهنه قوللانور ایدی . دهاصوکرده ، تجار ،
ارباب قانون ، مؤلفر ، دفترلرینی یازمق ، اعلام تنظیم ایتک ،
اثرلرینی تحریر ایلیمک ایچون ، اشارتلی یالکر تحریف
ایله ده قالمیه رق ، برنوع « استوغرافیا » (خط مستعجل)
صورتنه صوقشدر درکه بوکاده (خط عوام) دینلمشدر .
بعض مبانی اوزرینه برعباره بو اوچ درلو یازی ایله حک
اولندیکی کبی بعض کرده روجه ترجمه سی علاوه ایدلمش
وبوترجه یاردیمی ایله بو قدر زماندن بری (غیر قابل حل)

ظن اولسان (ایهروغلیف) ك (شامپولیون) واسطه سیاه
مفتاحی الیه ایدلمشدر .

اوزمانك انكلیزلیری حکمنده اولان، فنیکه لیلر تجارت
طریقیه، مصر ایله مناسبتده بولندقلرندن یازیلرینی
اوکرندیلر . فقط بونلر، « وقت تقدردر »، حکمتنی رهبر
ایدنمش بر قوم اولدقلری جهته مصر یازیزی کندیلرینه
آغیر کلدی، علما یازیزی اصلاحه تشبث ایتدیلر .
برحما ویامفهوم افاده ایدن اشارتلرینی حذف ایله صوته
دلالت ایلینلری ابقا یعنی، حروفاتی قبول ایتمشلردر .
کندی لسانلرنده ۲۲ صوت بولندیغندن آیردقلری ۲۲
اشارتی ده چابوق یازیه بیلیر بر صورتده تعدیل و اصلاح
ایله بر (الفبا) تنظیم ایتمشلردر . فنیکه لساننده حروف
مصوته همان حس اولتماز درجهده اولدیغندن بونلرایچون
اشارته لزوم کورمه مشلردر .

قدمای مورخین یونانده هرودوت تاریخنك بشنجی
کتابنك ۵۷ و ۵۸ نجی ماده لرنده، وسچلیالی دیودور
اترینك (بشنجی کتابنك ۷۴ ماده سنده) یونان الفباسنك

فنیکه لیلردن آلمه اولدیغنی یازارلر . فی الحقیقه قدیم یونان
 الفبایله فنیکه الفبای قارشولشدرلدیغنی حالده یونانیلرک
 ۲۲ حرفی تمامیله فنیکه لیلرککینه مطابق اولدیغنی آکلاشیلور .
 هر نه قدر فنیکه حرفلرینک انواعی وارسهده (آخنی)
 حکمدارلری زماننده کی مدالیهلرده کوریلن الفبانک
 اشکال واسامیسی آشاغنییه درج ایدلی :

اشکال حروف اسامی بونلرک مقابلی اولان

حروف عربیه

ا	آلف	۴
ب	بت	۹
ج	کمیل	۶
د	دات	۹
ه	هه	۶
و	واو	۴
ز	زین	۱
ح	حته	۱۵
ط	طت	۵
ی	یود	۴ ×
ق (ك)	قاف	۴

ل	لامد	4
م	مم	۳۱
ن	نون	4
س	سامش	۴
ع	عین	۵
ف	ف	۸ یا خود ۲
ص	صاد	۳
ق	قوف	۶
ر	رش	۹
ش	شین	۴۱
ت	تاو	۱۱

شوجودله سطحی برنظر ایدلیدیکی صورتده شکلاً
اولمازسه ده، فنیکه القباسنک صورت ترتیبی، تمامیه « اجد،
هوز، حطی، کلن، سعقص، قرشت »، ترتینه موافق
اولدینی کوریلور. ینه براز تأمل ایله لاتین القباسنک
ترتیب حاضری ده بوکا موافق اولدینی آکلاشیلور.
مثلاً باشند a, b, c, d حرفلری تمامیه (اجد)
کلمه سنک حرفلرینه مقابلد. هله c حرفی آلمان تلفظنه
اویدر دق (چ) صورتنده اوقور سه ق، کیمسه نک دیه جکی

قلم از . بوندن صکره e, f, g حرفلرنده ترتیب
 بوزیلیورسده h, i حرفلری (حطی) ترکیینک
 (حی) شکلنه تمامیلہ اویار . k, l, m, n تمامیلہ
 (کلن) اولدینی کبی آرادن o, p حرفلری چیققدن
 صوکره q, r, s, t حرفلری ده (قرشت) ک
 (قرست) شکلی کوستر .

فنیکه لیلر تجارت مناسبتلرینی توسیع ایلدکلری اقوام
 وقبائل اراسنه (الفبا) نعمتی تعمیم ایلدکلردر . بوندن
 یالخاصه متعم اولانلر ایسه هندلیلرایله یونانیلر وقومشولری
 بولنان اسرائیللردر . ایشته اوروپا - اکر وارسه -
 اسرائیلی مدنیتک مؤسسی فنیکه لیلر اولمشدر .

یونانیلر فنیکه حرفلرینی عیناً قبول ایله کنندی
 لسانلرینه مخصوص اولان برقاج حرف علاوه ایلدیلر ؛
 وحی فنیکه لیلردن آلدکلری حرفلرک آدلرینی بیله محافظه
 ایتدیلر .

حروف مصوته، لسان یونانیده پک زیاده مهم بروظیفه
 ایفا ایلدیکندن، یونانیلر بو حرفلری یازیلردن حذف

ایتمدیلر . فنیکه لیلر، عادتاً بزم کی، قامش قلم ایله صاغدن
 صوله یازدقلرندن، و حال بوکه بوصورتله یازیشده براز
 کوجلک اولدیغندن سطرلری صولدن صاغه یازمغه
 و بوکیدیشه حرفلری ده ترسنه چویرمکه برسائه طبیعت
 ایله مجبور اولمشلردر . اوللری صاغدن صوله یازارلرکن
 مثلا e حرفنک باجقلری شو یله جه E صوله متوجه ایکن
 سطرلرک جهت تحریری دکشمکه H صورتنه گیرمشدر .
 بورایه قدر صورت ابداعی حکایه ایلدیکمز یازیلر
 یالکز عرب و اوروا خطلرینک اساسی حقنده در .
 شرق یازیلری میاننده اهمیتی اولان « چیوی یازیسی »
 حقنده در براز معلومات ویرم :

خط میخی، آثور، بابل، ایران . مدیا، سوس ،
 کردستان و سائر خطله لرده بولنان مبانی قدیمه محکوکاتنده
 مستعمل بریازیلر . مرمر و حتی طوغله اوزرنده بولنان
 بویازیلر بابل و نینوا خرابه لرنده بولنمشدر . بویازیلر
 (کوسکی coin)، چیوی، تمرن شکلرینک اوضاع
 مختلفه در وضع و ترتیندن حاصل اولمشدر .

خط میخی اون یدنجی عصر میلادی یه قدر اوروپالیاره معلوم اوله مامشدی . و برخیلی آثار عتیقه اربابی او عصر دن بری حلقه اوغراشمش ایسه لرده هنوز قطعی بر معلومات آله مامشدر .

بتون کلدانی و آتوریه شهرلری خرابه لرنده ، حتی اک اسکیلر نده ، برطاق محکوکات بولمقده در . شو حسابه میلاددن ۳۰۰۰ ییل اول کلدانیلرک یازی بیلدکلری آکلاشیلور .

یازیلرک چوغی پیشمش طوغله لر اوزرنده کی محکو- کاتدن اقتاس ایدلمشدر ؛ بو طوغله لرک برطاقی یاصی صحیفه لر حالنده ، کیمیمی توالت صابونی شکننده ، کیمیمی ده فیچی بیچمنده در . یازی یازمق ایچون اوجی یاصی و مثلث شکننده معدن قلملر قوللانورلر ایدی . طوغله لر هنوز چامور حالنده ایکن یازیلر یازیلور و بونلره اکثریا اوق تمرن ، چیوی شکلی ویریلور ایدی . یازیلرک شوشکلی کندیسنی ابداع ایدن قومک آلات حربیه ایله اشتغالنه

دلالت ایدر . دینه بیلیرکه یازی موجدی منسوب اولدینی
قومك خصمنه مرام آکلاتمق اوزره قوللاندینی آلات
حربیہ نك اشکائی تصویر مرامه خادم ایتمشدر .

هرنه ایسه یازی یازلدن صوکره طوغله چاموری
فرونه قونور، ثابت قلنور ایدی . (آسور بانپال) ك سرایی
کتابخاسنده بولسان یازیلر هپ ایکی طرفی یازیلی
طوغله لردن عبارت ایدی .

بویازی یالکز آثور وکلدانی لسانلرینی یازمغه مخصوص
دکل ایدی ؛ بونلره قومشو اولان سوس، قاپادوقیا، ماد،
ایران خلقی ده بویازی پی قوللانور ایدی .

آثور وکلدانی یازیسی پك قاریشیق برشی ایدی .
هرحرف برطاقم چیویلرک برلشمه سندن حاصل اولمش
ایدی . اسکیدن هرکله ایچون بر اشارت قبول ایدلمش
ایدی . صوکره بعض حرفلر یالکز بره جایه تخصیص
ایدلدی .

تی - ایت - تی - زی - ها - ایر - ساد - نو - نو - ها

۵ ۴ ۳ ۲ ۱

ری - سو - مو - ماب - تان - سیل - و - ساب

۹ ۸ ۷ ۶

قا پال - پیس - ای - نا - آ - می - پی - را - ایر - اینا

۱۸ ۱۷ ۱۶ ۱۵ ۱۴ ۱۳

تی - لو - ایت - یا - هاس - نا - آ - تا - ها - ز - او

۱۰ ۱۲ ۱۱ ۲۰ ۱۹

آثور محکوکاتندن برینک بر پارچه سی

معنای : « غازا (غزه) قرالی (هانوه) ، مصر

حکمداری (ساباتوه) اید (رافیا) شهرنده بر محارب و حرب

ایتمک اوزره ، اوستمه واردیلر . »

ایشته شو صورتله اکثر کله لر یازیلور ایدی .

فقط ایکی یوزدن زیاده بر برینه بکزر هجا حرفاری

واردی، بونلری بربرینه قارشیدیرمق قولای ایدی..
 بونکله برابر یالکز برکله بی ادا ایدن اشارتلر هم اوکله
 ایچون وهمده صوکره تخصیص ایدلیکی هجا ایچون
 قوللانیلور ایدی. حتی برکله ایکی درلو بیله اوقونور
 ایدی. کلدانیلر بیله بونی استعمالده دوچار مشکلات
 اولورلردی.

(آخه مه نید Achéménide) لر معبدنده بولنان
 محکوکات، معنای بربرینه مشابه و برلسانده اوچ درلو
 حرفله یازلمشلردر. پارسی، اگر محکوکات جبهه یه ناظر
 ایسه، صول ستونده، اگر یکدیگری اوزرینه موضوع
 ایسه لر، اک مرتفع یرده بولنیور: مدیا و آثور حرفلری
 ایله اولان یازیلر ایکنجی و اوچنجی موقعده درلر. آثورجه
 السنة سامیه یه بکرمیور؛ یازیمی، ایهروغلیف کی، قسماً
 تصویری و قسماً تصویری؛ چیزکیلری بالخاصه عمودیدر.
 مدیا یازیسنده لسان، السنة تورانیه (اورال و آلتای) یه
 منسوب کی کورنمکده، القباسی ده همان اکثریسی آثورجه دن
 اقتباس ایدلمش و صور مختلفه ده مائل و یا بربرینه عمود

خطرله ترکیب ایدلمش یوز قدر حرفدن مرکبدر . دها
 از قدیم اولان پارسی الفباسی حروف صوتیه و صدائیہ یی
 حاویدر . چیزکیلی یافقی و یا عمودیدر ؛ لسان (زندگیه)
 دن محرفدر .

خط میخی یه دائر اور و پاچه برخیلی کتابلر نشر
 ایدلمشدر . آثار عتیقه متخصصلرینک روایت و قبوللرینه کوره
 خط میخی یی آثور یالیلر ترکلردن اوکر نمشدر .
 شو حسابجه شعشعه مدینتلیله و قتلرنده کی اقوامک
 کوزلرینی قماشدیران آثور یالیلرک معلمی ترکلر دیمک
 اولور . و بوندن ترکستان مدینتی دها قدیم اولدینی
 آکلاشیلور .

خطوط سامیه (یعنی فنیکه ، سامری ، عبری ، کلدانی ،
 سریانی ، کوفی ، عربی) ایهر و غلیف یازیلرینک مفتاحنی
 کشف ایدن شامپولیونک قوانجه مصر یازیلرندن مقتبدر ؛
 فقط الفبا طرزینه کیره جک صورتده ترقی ایتمشدر .
 بویازیلر عموماً صاغدن صوله یازیلور .

سانسقری یازیسی الفبائی در ؛ هند ، تبت و سیلانده

استعمال ایدیلن الفبالر هپ بوندن آلمشدر؛ کنیدیسی
 صولدن صاغه یازیلور، حروف صوتیه و مرکباته مخصوص
 ۱۴ اشارتی ۳۴ حروف صوتیه سی واردر؛ الفباسی
 اک مکملردندر. (یرمان) لرك لسان مقدسی اولان
 (پالی) ایله سیام لسانک الفباسی بوندن مقتبسدر.

زردشتک کتاب مقدسک یازدینی زند، سانسقریجه
 پک زیاده مناسبتی اولدینی حالد صاغن صوله
 یازلمشدر.

یونان یازیسک فیکه لیر طرفدن یونانستانه ادخال
 اولندیغنی یوقاریده سویلمش ایدک؛ وقتیه بوده صاغن صوله
 یازیلور ایدی. حتی Boustrophedon دینلن و برسطری
 صاغن صوله و دیگر صولدن صاغه یازمق اصولی بیه
 واردی. صولدن صاغه یازمه اصولی یونستانه (اومیروس)
 زمانده ادخال ایدلمش و اورادن ایتالیا اقوامی آلمشدر.
 اسقاندیناویا، آلمان، و غوللرک کنیدیلرینه مخصوص الفبالری
 اولدینی معلوم ایسه ده نه شکل شیر اولدینی هنوز
 بیلنه مامشدر.

یونان حرفلرینک فنیکه لیلردن فصل آلدینی واسملریله
 شکلری یازی تاریخچه اولدقجه مهم اولدیغدن شوزاده
 اشکال واسامیء حروف یونانیه یی قید ایتدک :

یونان حرفلری	اسملری	مصر، عبرانی و فنیکه جه دن مقتبس اولملرینک احتمالی
A	آلفا	الف اوکوز ، فیل [*]
B	ویتا	بت (بیت) [**] او
Γ	غاما	کیمیل (جمل) دوم
Δ	دلتا	دالت قابو
E	ایسلون	دلیک
Z	زتا	زاین سلاح
H	ایتا	
Θ	ثتا	ته یومروق
I	یوتا	یود (ید) ال

[*] بونلر اسملرک ترجیه لیدر .

[**] معترضه دروننه فنیکه و عبرانی حرفلرینک اسملرندن
 عربجه ایله مشترک اولانلرینی اشارت ایلدم .

K	قاپا	قاف (کف)	آیا
Δ	لامبدا	لامد	جداغو
M	می	میم (مأ)	صو
N	نی	نون	بالق
Ξ	کسی		
O	اومیقرون	عین (عین)	کوز
Π	پی		
P	رو	رس (رأس)	باش
Σ	سیگما		طیانه جق
T	تا	تو	خاج
Υ	ایپسیلون	واو	چیوی
Φ	فی	فه (فوه)	آغز
X	حیی	خت (خط)	حواله، پرده
Ω	اومه‌غا		

(تصویر افکاره) خادم اولان حروفاته متأخرین
 دهابر طاقم واسطه‌لر علاوه ایتمشلردرکه اونلرده : موسیقی
 نوطه‌سی، ریاضیه، هیئت، کیمیا علامت‌لری، تلغراف و دکر
 اشارت‌لری، استنوغرافیا، برطاقم نقطه و چیز کیلردن عبارت
 تلغراف الکتیریقی الفباسی، دیلسز الفباسی وسائر مدر .

فندك مظفريات اخيره سى ايسه بربرندن پك اوزاق
 مسافه ده بولنانلرك عادتاً قارشو قارشويه اوطوروب
 قونشدقلرى كېيى مكاله سنه مخصوص (تله فون)، و طور به يه
 كېرەش لافى چكەمجه سەندە حفظ ايدن « فونوغراف »
 آلتىر نى ابداع ايلمىشدر . باقەلم ديو آديملر يله كيدن بو عصر
 ترقى بزمە دها نەلر كوسترەجك ؟ اولاد واحفاد منر عجب
 نەلر كورەجك !!!



﴿ الفبا ﴾

« الفبا » عرب و عثمانلی حرفلرینک ایکی حرفنک اسمی اولوب بتون حرفلره علم اولمشدر . سائر لسانلردهده بتون حرفلر بوکایاقین بر صورتله تسمیه ایدلمشدر . فقط بوتعیر ، تعبیرات ادبیهدن اولوب لسان ناسده « الف به » سوزی زباتزددر .

هر لسانک کندیسنه مخصوص الفباسی وار ، بزم یعنی ترکارک اک اسکی یازیسی ، یوقاریده اشارت ایتدیکمز وجه ایله ، خط میخی ایدی . صوکره « اویغور الفباسی » نامیله یاد ایدیلن حرفلری قبول ایتمشلردی . بوالفبایی نسطوری پاپاسلری دکیشدرده رک برنوع سریانی یازیسی اورالرده نشر ایتمشلردی . ترکارک اسلامله تشریفندن صوکره ایسه ، جهت جامعه اسلامیت حبسیله ، عرب الفباسی قبول ایدلمشدر .

امادیہ جسکے کز کہ عرب بلرک الفباسی کندی ایجاد لریمیدر؟
 خیر ، افندم ؛ بونلرده ، وقتیلہ بزم یادیغمز کبی ،
 ابجد ، هوز ، حطی ، کلن ، سعقص ، قرشت کلمہ لرنده
 بولنان حرفلری ، تا زمان جاہلیتده ، سریانیلردن آلمش
 و سریانیلرده «ثخذ ، ضغط» حرفلری اولدیغندن عربلر
 کنڈیلرنده مخارجی بولنان بو حرفلره صوکره دسترس
 اولمشدر .

عرب حرفلری ابتدا بنی حمیر ، و بونلردن ده مصر
 و فلسطین خلقنه انتقال ایلمشدر .

عهد فاروقیده دائرۃ اسلامیت توسع ایتمکله ممالک
 مفتوحه نك كافه سنه بوالفبا انتشار واولدن اورالرده
 قوللانیلان الفبالر الغا ایدلمشدر .

ایشته ایران و توران خلقی ده اسلامیتہ کیردکری وقت
 کندی حرفلری یرینه عرب حرفلرینی قبول ایتشلردر .
 فقط عرب الفباسی نه فارسی ونه ده ترکی ایچون کافی
 اولدیغندن عجملر پ ، چ ، ژ حرفلرینی و ترکلرده صاغر

کاف ایله کاف ترکی دیدیکمز کاف نونی بی عرب الفباسنه ضم
ایلدکلرندن عددی ۲۸ اولان الفبای عرب لسانمزده
اوتوزدرده چیقمشدر . برده کاف واوی واردرکه بونک
ایچونده شکل مخصوص قبول اولنورسه عدد حروف
عثمانیه اوتوزبشه وارر . فرانسرلر الفبالینی رومه لیلردن
واولردمه یونانیلردن آلمش ویونانیلردمه فنیکه لیلردن اقتباس
ایتمشدر .

آلیت علاقہ سی اعتباریله یازی یه (قلم) اطلاق
ایدیلور .

خطوط اسلامیہ اون ایکی قلمدرکه اولردہ : کوفی ،
ثلث ، نسخ ، غبار یعنی سیاق ، ریحانی ، محقق ، توقیع ،
تعلیق ، رقعه ، دیوانی ، مثلث و مسلسلدر .

کتاب وحی جناب پیغمبری یگیرییدی اصحاب کزیندن
عبارت اولوب اک زیاده مالک حسن خط اولانی ایسه
امام علی (ر.ض) حضرتلریدر .

اوزماندن خلیفه عباسی المقتدر بالله جعفر بن احمد
زمانه قدر خط کوفی قوللانیلور ایدی . بونک وزیر

ابن مقله خط کوفی فی (عربی) یه تحویل ایتشدر . وابن مقله نك باشلادیغی تبدیل خط تشبته ابن البواب ویاقوت مستعصمی دخی دوام ایله کماله ایصال ایتشدر در .

یاقوتك شاگردانندن (ارغون کامل) خط محقده عبدالله صیرفی نسخه ، یحیای صوفی ثلثه ، مولانا مبارک شاه سیوفی خط ریخانده ، مبارک شاه قطب نسخه ، شیخ احمد سهروردی نسخ جلیده شیخ اولمشلردی . بونلره (استادان سبع) دیرلر .

چپ نویسلرک پیری حسین باقرانك منشیسی اولان خواجه شهاب الدین عبدالله مرواریددر . بو خطده عثمانلیلر ایچنده مولانا ادریس کبی اشتهار ایدنلر واردر .

خط دیوانی تمامیه عثمانلی خطاطلرینك ثمره ابداعیدر موجدی مطراقچی نصوح اسمنده برذاتدر .

سیاقتده عثمانلیلرک اغتراعاتندر . مخترعی فاتح سلطان محمدخان غازی اوقاف کاتبی حسام رومی در .

تاج بك زاده لرکی عندی یازی ایجاد ایدنلرده واردر . ۸۰۲ ده تولدو ۸۳۷ ده وفات ایدن سلطان بایسنقر

زماننده « فرق نفرخوش نویس هزوررشك نكارستان
اولان كتابخانه جنت نشان ودبستان بهشت اشهار نزهت
مكان خدمتنده جمع اولمشردی » نسخه خط تعلیقندن
مركب نستعلیق بودورده اختراع ایدلمشدر .

خط ثلثه الكزباده اشهار ایدن شیخ حمدالله افندی
مرحومدر . بونك مخدوم ودامادی خطاط ایدیلر .
مشارالیه ۹۲۵ تاریخنده ارتحال ایتمشدر ، فقط شیخ
نامیله حالا کمال حرمتله یاد ایدیلور .

§

فنیكه لیلك حرفلرینه روملر برطاقم حرفلر علاوه
ایتمش ایدیلر . رومه لیلر ابتداروملردن ۱۶ حرفی قبول
ایتمشركن مؤخرأ g, h, j, k, q, v, x, z حروف غیر
صوتیه سیله y حرف صوتیسنه دسترس اولمشدر دركه تمام
شمدی ۲۵ حرفه مالك اولمشدر دیمكدر .

رومه لیلك محكومی اولان اقوام، یعنی غول، برتانیاء،
اسپانیاء، جرمانیاء، جنوبی طونه دهده بو حرفلر شایع

اولمشر. (جرمن) لساننده اولان w حرفی صوکره اونلر طرفندن علاوه ایدلمشدر .

آلمانی، اسوج، دانیمارقه، ایسلاند، فینلاند، بوهیمیا، استونیا، لیتوانیا و سائر لسانلرنده دردنچی عصر میلادیده راهب «ولفیا لاس» طرفندن ادخال ایدیلن غوتیک حرفلری قوللانیلور: بونک لاتن الفباسندن جزئی فرقی اولوب چفته w (v) کبی اوقونور و عادی v ایسه (ف) سسی ویرر. روس، صرب، اولاخ، بلغار و سائر لسانلرینک حرفلری ده بوجهنک براز تغییریه حاصل اولمشر. فقط لاتین حرفلری هر حالده روم حرفلرندن منتظم اولدیغندن اوروپانک هر طرفنده حرفلر اوشکله یاqlاشدر لمقده در .

حرفلرک شکلری حقنده برچوق مناقشه اولمقله برابر اصلی معلوم اوله مامش و فقط بونده تصادفک خیلی تأثیری اولدینی هان قبول ایدلمکده بولنمشدر. حقیقه هیچ برلسان الفباسی بر اصول دائره سنده دکلدر. حروف صوتیه و غیر صوتیه آیری آیری اولدینی کبی حرفلرده

مخرجلرینه کوره یعنی بوغاز ، دیش ، داماق ، وودواقلردن
چیقان حرفلره کوره طاقم ایدلمه مشدر .

لسانلرده حرفلرک عددی ده بردکلدر : مثلاً عربی
۲۸ ، فارسی ۳۲ ، ترکی ۳۴ ، روسجه ۳۵ ، اسلاوجه ،
۳۸ ، سانقری حرفلری ۵۰ در .

دنیا ده موجود اولان الفبازلرک عموماً ناقص اولدیغه
دقت ایدلمش وهیچ بریسنک لسانده موجود اولان
اصواتی افادهیه قابلیتی اولمدینی تسلیم اولنمشدر . اشارات
حروف دخی بیان ایتدکلری صدا ایله مخالف دوشیور ؛
مثلاً فرانسزجه ده کی e حرفی بش مختلف صدا افاده
ایتدیکی کی x حرفی ده cs, gs, gz, ss, s صدالری
ویریور .

بو حال ترکیجه مزده ده موجود اولوب ح ، خ ، ه ،
حرفلری تلفظه تفریق ایدلمدکلری کی ز ، ذ ، ظ ،
ض ، ده کوچ فرق ایدیلور . د ، ض ، ط ، و (ت ، ط)
حرفلری ده بویله در .

حرفلر مزک واملامزک تبدیلی فکری چوقدن بری

شونك بونك لسان و قلمنه دوشمش ايسه ده بو كي اصلاحات
پك قولای اوله ميه خغندن وقتي كلوب قرارى و يريلنجيه
قدر لسانمزی قواعد صرفيه و اشتقاقيه سنه موافق صورتده
املا ايتمكدن بشقه چاره يو قدر .

برده اوروپاده بر الفباى عمومى فكرى ميدانه آتلمشدر .
بونلرده ايكي فرقه در . برنجيسى و اك غلبه لکلیسی هر مفهومى
ادا ايچون بر شکل قبولنى تصويب ايدر لر . مثلاً « کتاب »
مفهومى ادا ايچون بر شکل اتخاذايديله رك هر لسان
اربابى اونى كندى لسانجه اوقويه جق . فقط بو تكليف
پك مشكل اولسه كر كدر . ديكر فرقه ايسه هر لسانده
موجود اصواتى ادايه كافى حرفلر ابداعنى تكليف ايله
مكلف اثرلر يازمشلر ، دغدغه لى مباحثه لرده بولنمشلر در .
بونلر ككنه براز عقل ايرسيور .

بو قدر اقدام و همتله برابر تمللشوب قالان الفبا لرى
قالدير مق ويايكي الفبايى قبول ايتدير مك ممكن اوله ميه جنى
بوكون اوروپا عقلاسنجه ده تسليم ايدلمشدر . فقط جمعيات
انجيله موسيولپسيوس Leipsius اسمنده بر ذاتك ترتيب

ایتدیکی ۲۰۰ حرفلی برالفبایی قبول ایله آفریقا، آمریکا، اوقیانوسیا و آسیا اقوامنه مخصوص ترجمه ایتدیردکلری کتب دینییه بو حرفلرله طبع ایتدیرمشلردر. بوتشبت هنوز ادبیاتی اولیان لسانلر ایچون مناسب اوله بیلور.

حرف

الفبایک مرکب اولدیغی اشارتلردن هر بریسنه حرف دینور.

حرفلر، صروف صوتیه و صامه دیه ایکیه تقسیم ایدیلور.

عثمانلی الفباسنده ا، و، ه، ی حرفلری، اکثریا حرکه مقامنده قوللانقلرندن، حروف املا نامیله یاد ایدیلورلر.

حرفلرک صورت تلفظنه، یعنی مخزجنه کوره ده برطاقم اسملری وادردز. مثلاً ب، پ، ف، و حرفلری دوداقدن تلفظ ایدلکلرندن حروف شفویه دینور؛ بونلره (م) حرفی ده علاوه ایدیله بیلور. تلفظی لسانک

بعض مرتبه اوینامه سینه احتیاج کوستن، مثلا حروف
سینه دن اولان ت، د حرفلریله داماقدن چیقان ل، ر،
بروندن کلن گ، ن حرفلری حروف لسانیه دندر .

مخرجی بوغازده اولان حرفلره « حروف حلق »
دینورکه ح، ع، غ، ق، کبی

ث، ذ، ز، ژ، س، ش کبی حرفلره ایصلاق حرف
دیرلر .

ارقام هندیه نك شیوعندن اول الفبا حرفلری رقمه
دلالت ایلردی . حالا آزچوق قوللانديغمز « ابجد
حسابی » واسکیدن قوللانیلان « ارقام دیوانیه » حروف
اوزرینه مبنیدر .

علم جفر ، سیمیا و طلسمات دینلن واسرار حروف
اوزرینه مبنی بر علم وارد درکه : « بوفنده حروفدن و حروفك
ینه حروفدن عبارت اولان اجزاسندن کنوز حروفده
مخزون اولان حوادثه دلالتی حیثیتله بحث اولنور ، [*]

[*] ترجمه مقدسه ابن خلاوت — جودت پاشا .

بو علمى آكلامق بزم كارمنز اولمديغندن يالكنز
 حرفلرك بويله بر علمى اولديغنى خبر ويريورز .
 حرفلر رقم خدمتنى كوردكلرى كېي بعض شيلر
 كلهلرك اختصار چوندق قوللانيور . مثلاً (ع . م)
 عليه السلام ج (جاذالولى) فلان كېي .
 حرفلر علامت يرينهده قوللانيور . مثلاً منديل
 وچاشيرلره صاحبي اسمنك ايلك حرفى ايشلنور .
 (اوقزى) نام اثرمده تركچه من ايجون ايلك دفعه اوله رق
 مارقهلق برالفبا ترتيب اتمش ايدم .

حرکه

اوللرى عرب حروفنده نقطه وحرکه يوق ايكن
 حجاج ظالمك تنسييله علامات معروفهك اتخاذايدليكي
 مرويدر .

قاموسك بياننه كوره (تقييدالكتاب) كه يازى يه
 نقطه وحرکه وضعيله ضبط ايلمكدن عبارتدر كه التباسه

مانع اولور . مترجم عاصم افندی مرحوم : « بوقیید
 حادثدر . سلفده بعض اشکال والتباسدن ناشی اختراع
 اولمشدر . ازان جمله حضرت عثمان رضی الله عنه فتنه سینه
 سبب اولمشدر . زیرا مصره ارسال ایلدکری محمد بن
 ابوبکر الصدیق یدنده اولان منشورنده (فاقبلوه) کلمه سنی
 (فاقبلوه) قرائت ایلملری اساس فتنه اولدی . وبورسمه
 کتابتی اعجام وتقیید وتشدید مقوله سی علامتله معلم ایلمکی
 حجاج ظالمه نسبت غیر واقعدر . زیرا محمد ابهری
 تصریحی اوزره قلم عربی یی اوچ کسه وضع ایلدی . اولا
 مرامر بن مره وضع صور حروف ایلدی ؛ ثانیاً اسلم
 وصل وفصل ایله ترکیب کلمات ایلدی ؛ ثالثاً عامر بن خدره
 اعجام ونقطه وشده ومد وجزم امثالی اشکالی ترتیب
 ایلدی . وبواسودالدلی آندن تعلم ایلدی « دیور . فقط
 حجاجك نقطه وحركة وضع ایتدیکی متواتردر .

اشکال حروفک تعلیمی

بزده وقتیه اشکال حروف تعلیمی ایچون ایکی

صورت قوللانیلور ایدی . بونلردن بریسی حرفلرک
شکلری و دیگر ی نقطه لری اعتباریله ایدی .

شکل اعتباریله حرفلر برطاقم آلات وادواته بکزه -
دیلور ایدی . بوتشییه هر مملکتده زیاده قوللانیلان شیلردن
آلغق عادت ایدی .

بواصولده کی صورت تشبیهدن بریسی مثال اوله رق
یازده جغز؛ ا چبوق کیجه، ب بلی ا کرجه، ت اوکا بکزر.
ث اوکا بکزر، ج اوراق کی، ح اوکا بکزر، خ اوکا بکزر،
د دوه دوداقلی، ذ اوکا بکزر، ر قارغی کی، ز اوکا بکزر،
س اوچ دیشلی، ش اوکا بکزر، ص بادم کوزلی، ض اوکا
بکزر، ط تک قوللی، ظ اوکا بکزر، ع آغزی آچیق، غ
اوکا بکزر، ف قوزی باشلی، ق قیون باشلی، ک ا کری
بوکری، ل چوکان کی، م طوپوز باشلی، و چیوی کی،
ه ایکی کوزلی، لا مقاص کی، ی ستیل قولی .

ایکنجی صورت حرفلرک نقطه لری اعتباریله درکه
اوده شوویه ایدی . الفده یوق، ب آلتنده بر نقطه ، ت
اوستنده ایکی نقطه، ث اوستنده اوچ نقطه، ج قارنده

بر نقطه، ح ده یوق، خ اوستنده بر نقطه، د ده یوق، ذ
 اوستنده بر نقطه، ر ده یوق، ز اوستنده بر نقطه، س ده
 یوق، ش اوستنده اوچ نقطه، ص ده یوق، ض اوستنده
 بر نقطه، ط ده یوق، ظ اوستنده بر نقطه، ع ده یوق، غ
 اوستنده بر نقطه، ف اوستنده بر نقطه، ق اوستنده ایکی
 نقطه، ک ده یوق، ل ده یوق، م ده یوق، ن قارنده
 بر نقطه، و ده یوق، ه ده یوق، لا ده یوق ی آلتنده ایکی
 نقطه .

واقعا اشکال حروفی بللتمک ایچون شوایکی اصول
 پک فائده لی ایسه ده تدریسه قصور ایدیلور ایدی . اکر
 بونلری بویله تعلیم ایله دکل شاگردانه : شو حرف نهیه
 بکزه یور، نقطه سی وارمی؟ قاچ نقطه؟ آلتنده می اوستنده می؟
 دیه صوریه رق انظار دقتلری جلب ایدلسه ایدی ده
 فائده لی اولور ایدی .

قارغه جق بورغه جق

وقتیله مکاتب ابتدائیه مزده او قودیلان صوپاره لرده،

یعنی الفبا جزو لرنده یالکز حروف عربیه بولنور ایدی .
 لام الف هر نه قدر (ل) ایله (ا) ك اتصالنده مرکب
 بر حرف ایسه ده، هرایکی حرفك شکلی همان بوس بتون
 دکیشدیکندن لا شکلی ده آریجه بر حرف اتخاذا ایدیلهر ك
 حرفلرك عددی یکر می طقوزده ابلاغ ایدیلور ایدی .

حال بوکه ۲۹ حرف هر سطرده دردر، بشر، آلتیشر،
 اونر اولمق اوزره یازلسه بر حرف یری بوش قالیردی .
 بو بوش یری طولدی رmq وچوجقلره اشکال حروف
 یایه قدر اولان حرفلردن عبارت اولدیغنی کوس سترمك
 ایچون هیچ بر حرفه بکزه مین عجیب بر شکل یاپارلر
 و آدینه ده « قارغه جق بورغه جق، یر آلتنده چوربه جق »
 دیرلردی .

فرانسز الفبا الینك ده یکر می آلتیجی حرفی اولمق
 اوزره صوکره، کچن عصرده، چفته zz زد حرفی یازیلور
 وعموماً et coetra دیه اوقونور ایدی که، بونك ده بزم
 قارغه جق بورغه جقدن فرقی یوقدر .

اعمال الفباسی

کتابلر تدوین ایدیلرلی خیلی زمانلر اولدینی حالده نعمت بصردن محروم اولانلرک تعلیم و تدریسنه اهمیت ویرلمه مش ایدی. فقط ممالک اسلامیده بونلرکده تعلیمنه اهتمام اولنه رق ابوالعلی و ابوالعیناکی اذکیانک ذکاسندن استفاده ایدلمشدر. حالا یاقن زمانلره قدر ایاصوفیه جامع شریفنده براعمی خواجه افندی برخیلی طلبیه درس ویرر و رمضان شریف آیلرنده خلقه وعظ و نصیحت ایدر ایدی. هله حملاه قرآن کریم اوله رق برچوق اعمالر واردر.

فرانسه ده ایلك دفعه اوله رق اعمالر ایچون ۱۷۷۸ سنه سی بردارل تعلیم تأسیس ایدلدی. شمدی پارسک اعمالر مکتبنده قبارتمه یازی ایله باصلمش برکتابخانه واردر؛ افقی وعمودی اوله رق مختلف طرزده ترتیب ایدلمش نقطه لرله الفبا حرفلری، رقملر، اصول تنقیط ایچون قوللانیلان علامتلر، موسیقی نوطه لرینک مقابلی

تعیین اولمشدرد . اعمالر چقورلمهسنه یازارلر . بومکتبده تحصیل ، موسیقی و صنایع تعلیمی ایچون درس جدوللری یاپلمشدر . ۱۰ یاشندن ۱۴ دینه قدر اولان چوجقارلر اورایه قبول ایدیلور .

سایه مکارموایه حضرت پادشاهیده نائل اوله کلدیگمز الطاف مخصوصه مائر جمیله سندن اوله رق بزدهده بواصول تدریس قبول بیورلمش ونعمت جلیله بصردن محروم اولان ییچارکان جمه مؤسسات خیریة حضرت خلافتپناهیدن اولان بودارالتربیهده تحصیل ایتمکده بولنمشدر .

دیلسنر و صاغرلرک تعلیمی

دیلسنر صاغرلر دنیا قوریلله لی بری وارددر ؛ فقط بونلرک تعلیمی فکری اون آلتنجی عصرده کمال ترددله میدان قوندی . ۱۵۰۱ سنهسی (زهروم قاردان) دیلسنرلرک تعلیمی ممکن اوله جغنی بیلدیردی . بونلرک تعلیمنه ال ویرشلی معلم ابتدا اسپانیاده بولنمشدر . صوکره انکلتزه ، آلمانیا ،

هوللاند و پورتکیزلیلرده تجربه قالدیلر . فرانسه پاپاسلرندن (اپه) : « دیلسزلره مخصوص اولان لسان اشارتله ، اشارت تحریریه نك افاده ایتدیکی ممنايی ترجمه ممکندر » قاعده سنه طیانه رق دیلسزلری حقیله تعلیمه موفق اولمش ولساندن محروم اولان ییچارکانی سائر انسانلر درجه سنه چیقارمشدر .

دیلسزلره لسان تعلیمی ایچون بش اصول واردرکه اولنرده : اشارات معهوده ، یازی ، تقلید صوتی ، ال الفبایی ، رسمدر . بواصوللردن بر ویابر قاجی ترکیب اولنهرق هر دارالتعلیمده بر طاقم اصوللر قبول واجرا ایدیلور . فرانسه اصولنجه لسان اشارت بر از اهل اولنهرق ، تلفظ کلماته زیاده اهمیت ویریلور ؛ آلمان اصولنده ایسه فکرک کمالیه تشککنه مکالمه الزم بر آلت اولمق اوزره تلقی ایدیلور ؛ اوتنه کی اصوللر ایکنجی درجه ده واسطهلردن بشقه برشی دکلدور .

اشارات معهوده دیلسزلره مخصوص برلساندرکه بونی هر دیلسز و بونلرک مربیلری تمامیه آکلار ، بولسانه

عادتاً لسان طبعی دینه بیلور. ارباب دقتدن بونی آکلامیه -
 جق کیمسه یوقدر دینسه مبالغهیه جمله ایدلر . بزده
 اوتهدن بری دیلسزلرک یازی اصولیه تعلیمی عادتق مرعی
 ایدی . اوقور یازار دیلسزلره چوق دفعه لر تصادف
 ایدیلور . فقط بونلرک اوقویوب یازماسی پک عادی
 بر درجه ده اولدیغنی ده انکار ایتیمز . دیلسزلر اوتهدن بری
 حکومت سنیة عثمانیه مزك نظر شفقتی جلب ایتدیکندن
 سرای هایونده ونظار تارده اولدقجه مستوفی معاشلرله
 استخدام اولنورلر .

سایة عنایتوایة حضرت ظل اللهیده ابتدا دیلسزلر
 ایچون بر مکتب آچلمش وصوکره اعمالر ایچونده
 بومکتبه مخصوص صنفلر تشکیل اولنمشدر .

یوقاریده صایدیغمز « ال الفباسی » ال وپارماقلره
 ویریلن مختلف وضعلر برر حرفه دلالت ایتک اوزره
 قبول ایدلمش وبوصورتله تصویر مرام ایچون ایجاب
 ایدن وسائط تحریر ومکانه حصوله کتیرلمشدر .

— ارقام —

عبرانی، یونانی و رومانیلر کندی الفبالرندہ بولسان
 حرفلره برر قیمت ویردک ارقام حرفیه قوللانورلرایدی.
 بوعادت اوروپاده قرون وسطاده (ارقام عربیه) اطلاق
 ایلدکلری ارقام ہندیہنک شیوعنہ قدر دوام ایتدی.
 رقمک شرف ایجادی مسئلہسی ہنوز حل ایدیلہمدی.
 برفکرہ کورہ عربلرک ہنددن آلب غربہ نقل ایتدکلری
 ظن ایدیلیر. اشارات معہودہیہ بوسبیلہ «ارقام ہندیہ»
 دینور. فقط اجرا ایدیلن تدقیقات شمعی اوروپالیلرک
 قوللاندقلری رقمک شکی تحریف ایدلمش حروف اولہرق
 یونانیہدن عبارت اولدیغی میدانہ قویدی. برچوق علمانک
 تحریاتی نتیجہسی اولہرق میلادک بشنچی عصرندہ یعنی،
 عربلرک اوزویایہ مرورندن اوچ عصر اول رومہدہ یالکز
 رقمک دکل، بونلرک بولندقلری موقعہ کورہ حائر اولدقلری
 قیم اضافیہ بیلہ معلوم اولدیغی اورتیہ قویمشدر. حتی
 کرک رقمک وکرکسہ قیم اضافیہ فیثاغورثک شاگردانجہ
 بیلہ معلوم اولدیغی مروی ایسہدہ ہنوز اثبات ایدیلہممشدر.

حمیر یارکده رقمی اولدیغی معلوم اولدیغندن
عربلرکده رقمی هندیلردن آمدقلمی ثابت اولیور .

هر نرهدن آلمشلسه آسونلر عربلر اون عدددن
عبارت اولان اشکال معلومه وقوانین حسابیهی اوروپایه
ادخال ایلمشلدردر . عربلرک اسپانیایه دخوللرندن اوچ
عصر صوکره اوروپاده حساب دائر لاتینجه کتاب یازلمهیه
باشلامشدر ؛ یعنی فرنکستانده شمیدیکي حساب اون اوچنجی
عصر میلادیده باشلادی .

وقتیه رقم اشارتلمی طقوزدانه ایدی . صفر یرینه
اوروپالیلرده بزم کی بر نقطه قوللانورلرایدی . اون ایکنجی
عصرده ایسه صفر یرینه 0 قبول ایدلمش و بوکالاتینجه
برچوق اسملر طاقلمشدر . صفرك او وقتکی آدلرندن
ایکیسی (Cyphra ، سیفرا) ، (Tsiphra تسیفرا) ایدی که
بونک (بوش) معناسنه اولان (صفر) کلمه عربیهسندن
آلندیغنه شبه یوقدر . ارقام عربیهنک اوروپاده استعمالی
هر مملکتده برتاریخده باشلامدی . ایتالیانلر اون اوچنجی

عصرک باشند، انگلیز لر اور ته سنده، آلمان لر اون در دنجینک
بدایتنده استعماله باشلامش لر در .

فرانسه ده اون برنجی عصرده رقم معلوم اولمش
ایتمشده تعممی بش عصر صوکره یعنی اون آلتنجی
عصرده میسر اولمش در .

زدهده معلوم اولان ابجد حسابی و بونک دور کیر
واکبر دنیلان صورتلری بعض خصوصاتده قوللانلایغی کبی
عربلردن سلیچوقیلره واونلردن ده بزه انتقال ایتمش
ویاقین زمانلره قدر یعنی مالیه نظارت جلیله سنده صورت
وسرکیلرک سییقت قلمیله یازلایغی وقته قدر استعمالی
دوام ایتمش اولان « ارقام دیوانیه » دنیلان اشارت لر
قوللانیلور ایدی .

اصل رقملرک سلیچوقیلر ده استعمالنه موجود اولان
سکه لری دلالت ایتیمور . بوکا حجت اولور دیگر بر اثرده
کور یله مدی .

عثمانلیرک همان بدایت تشکندن بری رقملره واقف
اولدقلری آثار موجوده ایله ثابتدر . حتی ییلدیرم بایزید

خان حضرتلرینک سـ کهنری اوزرنده ۷۹۲ تاریخی
کورولمکده در .

اسکی عثمانلی رقلری ایله شمیدی رقلر بیننده آز
چوق فرق واردرکه بوبابده سـ عادتلو غالب بك افندی
حضرتلرینک « تقویم مسکوکات عثمانیه » نام اثر بی نظیر -
لرنده معلومات کافیه واردر .

کتاب صحیفه‌لرینه رقم قویق بختنه کلنجه : اوروپاده
طباعتک بدایت ابداعنده صحیفه نومرونی قویق عادت
دکل ایدی . بوخدمتی کتسابی آلانله یوکلدرلردی .
صحیفه‌لری رقلنمش ایلك اثر مطبوع ad populum prae-
dicabilis اسمنده کی فورمه‌سی سکز صحیفه‌لی برادررکه
۱۴۷۰ تاریخنده (آرنود ترونن) طرفدن کولن
(قولونیا) شهرنده طبع ایدلمشدر . صوکره بو عادت ،
فقط کتاب یاپراقلرینک ایلك صحیفه‌لرینی رقلمق اوزره
تعمم ایتیش و کیت کیده هرایکی صحیفه‌یه نومرو قونمق عادت
اولمشدر .

ابراهیم متفرقه‌نک نظارتی آلتنده بولنان ایلك عثمانلی

مطبعه سنده باصیلان کتابلرک باشنده کی، مقدمه، فهرس
کی مباحثه صحیفه نومروسی قونلما مش ایسه ده متن کتابک
هر صحیفه سنه رقم وضع ایدلمشدر.

عثمانلی مطبعه سنک طاغیلان ادواتی جمع ویکیدن
احیاسنه همت ایدن بکلکچی راشد ووقعه نویس صبحی
افندیلرک ۱۱۹۱ سنه سی طبع ایلدکلری سامی، شا کر
وصبحی تاریخنک یالکز صول صحیفه لرینه ورقه نومروسی
قونمشدر.

یازمه کتابلر مزده ایسه رقم قونمق عادت دکل ایدی.
صاغ صحیفه نک جلده یاقین کنارینه صوکره کله جک صحیفه نک
ایلک کله سی یازیلیر ایدی. حال بوکه اجزاسی طاغیلان برکتابی
جمع ایتک ایچون بویله کله لر کافی اوله ماز. ابراهیم متفرقه، صحیفه
نومروسی قویدینی بی صول صحیفه نک ایلک کله سنی صاغ
صحیفه نهایتنه قویمق عادتی ده محافظه ایتمشدر. وبکلکچی
راشد افندی مطبوعاتنده ایسه یالکز ورقه نومروسی
قونلدینی مثللو صاغ صحیفه نک صوک سطرینک نهایت
کله سی صاغ صحیفه نک ایلک سطرینک باشنده تکرار

ایدمشدر . دورسلیم خانیده احیا ایدیلان مطبعه‌لرده ایسه
صحیفه نومرولری ایله کله اشارتلی برلکده استعمال
ایدمشدر .

خصوصی آچیلان مطبعه‌لرده ایسه صحیفه رقی ایله
اکتفا ایدلمش ایسه‌ده طلبه مطالعه‌سینه مخصوص کتابلرده
صحیفه نومرولری کله تکرری ایله طبع ایدلمکده‌در .

کتاب صحیفه‌لرینک بریسنه عنوان کتاب و دیگرینه
اوصحیفه‌نک هانکی بحثه متعلق اولدیغنی یازمق مطابع
خصوصیه‌مزده قبول ایدلمشدر . مقدمه‌لری متن کتابدن
آیری صحیفه‌لرله یوروتلک‌ده عادتدر . فرنکلر بونی اکثریا
«رومه‌ارقامی» دیدکلری حرف‌لرله رقلارلر . ابجد حرف‌لرله
مقدمه صحیفه‌لرینی رقله‌مق ابتدا عطف‌و قتلو احمد مدحت
افندی حضر تلرینک (کائنات) عنوانلی کلیات تاریخ‌لرینک
ایلک جلدینی تشکیل ایدن مقدمه مفصله‌لرنده کورلمشدر .

§

— مالزمه تحریریه —

معلوم اولان الک‌قدیم یازیلر تخته اوزرینه یازلمشدر .

مصر قرالاردن (میسهرینوس) ك تابوتندن قومه Sicomor
اوزرینه محكوك یازی الده ایدلمشدر . چینلیر بامبودنیلن
هند قامشی لوحه جککری اوزرینه یازارلردی . صولونك
قانونلری بال مومی ایله طلا ایدلمش اخشاب برلوحه
اوزرینه محرر ایدی . رومه قانونلری ابتدا میشه تخته سی
اوزرینه یازلمشدر . پاپالرك یازدقلری وقیعی حاوی
آلبوملر بیاض بویالی لوحه لر ایدی . آغاج یاپراقلری
وقابوقلری اوزرینه ده یازیلر یازیلهرق جلدلر تشکیل
ایدلمشدر .

مصرلیر بز اوستنده یازمشلردر . (سامنیوم)
خلقنك دعالری کندی اوزرینه محرر ایدی . محكوكات
ایچون زمین اولهرق طاش ، طونج ، مرمر ، قورشون
قوللانلمش وبونلر اوزرینه یاحك ویاخود رسم طریقله
یازلمشدر . آتھیلیر بعض رأیلرینی حیوانات بحریه قبو -
قلری اوزرینه یازارلردی . دباغلنمش دری استعمالی
خیلی قدیم ایسه ده ترشەنك ایجاد ویا اكالی میلاددن ایکی
اوج عصر اولدر . مصر : سوریه ، کلدانیه ده بولنان

پاپيروسك استعمالی دهاسكيدر . پاپيروسكانغلك شیوعنه
یعنی اون برنجی عصر میلادییه قدر غربده قوللانیدی .
پك اسكى زماندن بری قوللانیلان الواح برطاقم فیل دیشی
یاپراقلربنك ، آغاجلرك ، یاخود معدن لوحه لرینك یان یانه
کتیرلمسندن حاصل اولان واوزینه ییشیل ویا قره برموم
سوریلهرك دمیر قلم ایله اویولور ایدی .

مرکبك یازی قدر وبلهکده اوندن دهاسكى اولدیغی
کوریلور . حتی یازیدن اول بنالری بویامق ، رسم یایمق
ایچون مرکب قوللانلمشدر . مصرلیلر ، رومهلیلر ،
یونانلیلر پاپيروس اوزینه مرکبله یازمشلردر . توراتده
مرکبدن بحث اولندیغی کبی یومپهی خرابهلرندن چیقان
یازیلرده پك کوزل مرکبلرله یازلمشدر .

اسلام آثار قدیمه سنك حالا حسن حالده محافظه سنه
باقیلورسه کوزل بر مرکبله یازلدقلری آکلاشیلور .

وقتيله استانبولده مرکبجیلر چارشوسی بولندیغی
معلوم اولوب شمدی بوصنعت رواجدن قالمشدر .

حتی مرکبجیار مزدن انوری وهوائی اسمنده آثاری
مستشهداتدن شاعر لر بيله يتشمشدر .

§

— کاغد —

اسکی مصر اها ایسی، اورا باتا قلقلرنده يتشن و «پاپیر -
وس» دینلن برنوع قامشك يپراقلری اوزرینه یازاوردی .
دیمك اولیور که سودیکمز قامشله قامش اوزرینه
یازیلور ایمش .

پاپیروسك برای جنسی محررات دینهیه مخصوص
واوقومق یازمق ایسه کهنهیه مختص اولدیغندن خارجه
چیقارلمه سی قطعیا ممنوع ایدی . بوسبيله رومه زنکینلری
بك آغیر بهالره مصرکتب مقدسه سنی آله رق ، یازیلرینی
کمال دقتله سیلیدیروب استعمال ایدرلردی . عادی پاپیروس
ایسه هر طرفده بولنور ایدی . قدما برده ترشه اوزرینه
یعنی قویون ویاجیلان دریلرینك اوزرینه یازی یازيله جق
مرتبہ تربیه ایدلمشلرینه ده یازارلردی .

بونی قوللانا نلر ایرانیلرله، ایونیا یونانیلری ایدی .

خلفای راشدین عثمان و علی رضی الله عنهم حضراتنک
مصاحف شریفه‌لری دخی ترشه اوزرینه محرردر .

میلاددن ۲۶۳ : ۲۴۱ سنه مقدم بر حیات اولان
برغمه قرالی (اومن) زماننده مصریلر یاپیروس اخراجاتی
منع ایلدکلرندن ترشه اعمالی ترقی ایتشدردر . بورادن
ترشه استعمالی یونان ، رومه و قرون وسطی اقوامی
آره سنه انتشار ایلدی .

ترشه اوچ نوع ایدی : بیاض ، صاری ، قرمزی ،
بونلر اوزرینه - فقط نادراً - ایکی یوزلرینه یازیلیور
ایدی . ترشه پارچه‌لری بربرینه یاشدیریلهرق اوزونلا -
شدریلور . و بردکنکه صاریلوب طومار شکنه قونور
ایدی .

بدنجی عصر میلادیده ترشه ندرت پیدا ایلدی .
بوسبيله ترشه‌لر کسـیله رک اداره ایله قوللانلمغه واسکی
کتابلری سیلوب یرلرینه یکیلری تحریر اولنمغه باشلاندى .
۱۵۴۵ : ۱۵۵۰ فرانسه‌ده برترشه‌جی اصنافی تشکیل
ایدلمش و اون دردنجی لوی زماننده بواسنافک تعلیماتی

تعدیل ایدامشدر . بر آدم ترشہ جی اولق ایچون اولادرت سنہ چراقلق ایتک و اوچ ییلده اوستہ سیلہ برلکده چالشمق و بونک نہایتندہ بر اثر نفیس میدانہ کتیرمک مشروط اولدی . پارس انجمن دانشی ترشہ جی لونجہ سنہ وصایتینہ نظارت ایدر ایدی . پاموق وبالخاصہ پاچاورہ دن کاغد یامہ صنعتی ترشہ جیلکی کوزدن دوشورمش وزما ۔ نمزدہ بعض دارالفنون شہادتنامہ لرینک طبعی و یک دقتلی کتابلر ایچون آرہ صرہ قوللانیلمقدہ بولنمشدر . متقدمین پاپیروس و ترشہ ایلہ برلکده قرہ آغاج ، چنار ، اخلاموز ، کورکن کی آغاجلرک زارلرندن یاپلمش ورقہ لری دہ یازی دہ استعمال ایدرلر دی .

چین و ژاپون کی شرق مملکتلرندہ ایپک . پرنج صمانی ، پاموق ، کتاندن کاغد یامق یک ارکن باشلامشدر . پاموق کاغدی چیندن ایرانہ واورادن عربلرہ کچمش و بونلر دہ بوصنعتی یونانیلرہ اوکرتدکاری کی صقلیہ (سچلیا) یہ ، اسپانیایہ ادخال ایتمشلر در . اورالردن اون ایکنجی عصر میلادی دہ ، یک چابوق ، بتون اوروپایہ یایلمشدر براز صکرہ

پاموق بهالیجه اولدیغندن پاچاوره یعنی کندیر وکتان بزی اسکیلرندن کاغذ یایمق فکری حاصل اولدی . اون دردنجی عصر میلادیده بویولده کاغذ یایمق اوروپانک هر طرفنه یایمیدینی ائنده طباعت اورتیه چیقهرق رواجنی آرت- دیغندن هم فابریقهلری چوغالمش، همده صنعت ترقی ایتمشدر .

اوروپاده کاغذجی اصنافی دیکرلرینه بکره مز برطاقم امتیازلری حائز ایدی . کاغذجیلق اولاد واحفادینه منحصر ایدی . فابریقه صاحبلری عمله نك محکومی اولوب حتی بر مجبوریت اوزرینه کارخانه سنی تعطیل ایتدیکی زمان بیله اجرتلرینی آلیرلردی . فابریقه یی قیامق، صاحبی یولسز ایتک بونلرک ائنده ایدی . بونلر ۱۸۳۰ تاریخنده ماکنه نك کاغذجیلغه تطبیقنه یعنی غلبه علمییه مقاومت ایدمه مشلدردر .

بزم خطاطلر آراسنده کی مشهور آبادی کاغذ هندو بخارادن کلور ایدی . وقتیه شرقد قوئلانیلان کاغذلرک انواعی : دمشق ، دولت آبادی ، خطائی ،

عادلشاهی، حریری سمرقندی، سلطانی سمرقندی، هندی، نظام شاهی، قاسم ببکی، حریری هندی، لوی تبریزی، مخبردن عبارت ایدی.

بونلرک الکفناسی دمشق در. حریری هندی اوفاق قطعه ده اولوردی. تبریزی، شکررنگدر.

دور سلطان عبدالمجید خانیده بکقوزده برکاغد فابریقه سی احداث اولمش واحتیاجاتمز تأمین بیورلمش ایکن نصلسه دوام ایده میهرک فابریقه تعطیل ایدیلهرک خراب اولمش ایدی.

حتی خلقمزک اوفابریقه کاغذینه کوستردیکی رغبتدن طولای اوروپا فابریقه جیلری (اثر جدید عهد هایون) تمغالی برنوع کاغد یاپه رق حالا مملکت مزده سورمکده لردر. ترقیات صناعیه مزک ده صباح الخیری اولان روز فیروز جلوس هایون حضرت پادشاهیدن بری ممالک محروسه حضرت پادشاهیده برچوق دارالصنایعلر تأسس ایتدیکی کبی بوزدن برقاق سنه اول بیروتده برکاغد فابریقه سی آچلمش ایدی. سایه مکارموایه حضرت پادشاهیده بر

ایک: جیسی وحی پک مکملی اوله رق اسکی فابریقه یرینه
بکقوزده بر « حمیدیه کاغد فابریقه سی » ده احدات
اوله رق دوائر دولته وسائر حوایج ضروریه مملکته کافی
کاغد اعمالنه موفق اوله جنی آکلاشلمقده بولنمشدر .

§

— پایپروس —

متقدمینک کاغد یرینه قولاندقاری ، ولاتینجه
« چیمپروس پایپروس » ، عربلرک « کولان ، بردی » وترکلرک
« حصیر اوتی » و « قوغهلق » دیدکلری ماده برنوع
سعد [*] یعنی طوبالاقدن اخراج ایتدکلری ماده
خشیه در .

پایپروس باتاقلقلرده یتشیر ، غایت طوغری اولان
ساعد معرالری صویک سطحندن یوقاری چیقار ،
بوساقلرک یالکز قاعده جهتلری یاپراقی اولوب


[*] (السعد) سینک ضمیمه و (السعادی) اجباری وزننده
طیب معروف اسمیدرکه ترکیده « طویلکی » دیدکلری کوکدر
[ترجمه قاموس : جلد ۱]

متحدہ امرکز برچوق اینجہ دریلردن مرکبدر ؛ ایستہ
 بودریلر چیقاریلوب پاپیروس اعمال ایدیلور ایدی .
 صورت اعمالی ایسہ اینجہ دریلر برماصہ اوزرینہ
 تمامیلہ یایلور واوستلرینہ بشقہ دریلر یاشدیر ایدی .
 بوصورتلہ تہیہ ایدیلن زارلر اوزینہ مرکبلہ یازیلہ بیلور دی .
 پاپیروسک درلوسی واردر : علمی ویامقدس دینانی
 ایلککلہ یاشدیریلور واوستنہ مذہبدن بحث ایدن کتابلر
 یازیلور ایدی .

قیصر آوغستوسک قاریسی « لیویہ » نامنہ یاپیلان
 (لیویان) پاپیروسی اون ایکی رومہ پوسی عرضندہ
 ایدی . آنپورمٹیک Emporétique دینلان پاپیروس
 ۶ پوس عرضندہ اولوب تجارتہ مخصوص ایدی . ۱۰ پوس
 عرضندہ اولان (فانیاق) ؛ (آنفی تیاتریک ، سائیٹیک)
 وخارجی قشرلردن اعمال اولنان (لنہ ٹوتیک) دینلان
 نوعی دہ اک قباسی ایدی .

مقدمینک پاپیروسی (پاپیروس آنتی صورتوم) ابتداری
 یالکز مصرده نشوونما بولور ایدی . شمعی اورالردہ

اندر اوله رق کورلمکده اولوب آرتق حبشستانده سوريه
ولایتک بعض باتاقلقلرنده، سچلیاده (سیرا کوزه)
شهری جوارنده تصادف اولمقده در . متقدمین پاپیروسی
یالکنز کاغد اعمالنده قوللانمازلردی : کوکلرینی ییرلر،
ساقلرندن اورمک واوزلرینی قطرانلمق صورتيله
خفیف قایقلر یاپارلردی . ساقلرک صولی اولان قسم
اسفلندن آز شکرلی برنوع ماده مغذیه حصوله کلور؛ وینه
بو قسم اسفل مشعله لره فکیل یایمق ایچون قوللانیلورایدی .
(پاپیروس آنتیصو روم) دن بشقه پاپیروس
لاقیسفلوروس، پاپیروس اودورانوس، یاخود استلانوس ،
پاپیروس لاتیفولیوس، وپاپیروس قوموسوس کی ازاعی
وارایدی .



قلم

علوشانی قرآن عظیم الشانك برقاج آیات معجزاتیله
 رهین تصدیق اولان قلم، وسائط تحریرك یكانهسی اولمق
 حسبیله کاتب، منشی، محرر و سائر ناملرله یاد اولنان
 ارباب عرفان «اصحاب قلم» سرلوحهسی آلتنده برلشورلر.
 رومه لیلرده حالا بزم قوللان دیغمز قامش قلملری
 قوللانورلر واسمنه (قالاموس) دیرلرنی. بونوع قامش
 بالخاصه، او وقت مصرده یتشوردی. عادتاً قلملرمن
 طرزنده تربیه ایدیلوب یونتیله رق یازیلور ایدی. قلم
 آوروپاده اونجی عصر میلادییه قدر استعمال ایدلدیکی کبی
 بالجمله امت محمدیه ده حالا قوللانمقده در.

بزم قلملرك یازارکن کاتب دن طرفه کلن قسمنه
 «انس» دیکرینه «وحش» دینور.

توی قلملرك استعمالنه آوروپاده بشنجی عصر میلایده

باشلانمش وقاز، قرتال وقارغه تویلیری آلت تحریر اتخاذا
قلمشدر .

هله قازتویی پك چوق زمانلردن بری یازی ماصه لری
اوزرندن اكسیك اولمامشدر . اون سكرنجی عصر
میلادینك اورتهلرینه طوغری فرانسه ماكنه جیلرندن
(ژ . آرنو) اسمنده بر آدم دمیر قلمی اختراع ایتمش
ایسه ده عموماً استعمالی ۱۸۳۰ دن صکره باشلامشدر .

شو یاقن زمانلارده بوریسنه مرکب طولدیریلور . stilo
graphe دنیلن برنوع حقه لی قلملر اختراع ایدلمش وکمال
سهولت ونظافتله امر تحریری یرینه کتیرمکده بولنش
اولدیغندن بزم کبی آزمانده چوق یازمق هوسنده
بولنانلری ممنون ایتمشدر . حتی شوائر عاجزی اویولده
برقلم ایله یازلمشدر .

فرنکار خطوط عثمانیه ایچونده دمیر قلمك قطعنی
اویدرمغه چالشمش ایسه لرده، حسن خط اربابنك آرزوسنه
موافق اولدیغنی کورلمش وخطاطین ایله ناسـخـلـر مـزك

دها چوق زمان قامش قلم استعمالی مجبوریتند بولانه -
جقلری تخمین ایدلمکده بولمشد.

برده برنوع یازی ماکنه سندن بحث ایدیلیورسه ده
هنوز خرج عام اوله جق برشی اولمديغندن یالکیز بدایع
صناعیه دن برشی اولق اوزره تلقی ایدلمکده در .

عربک قلم، رومه لیلرک قالاموس، روملرک قالامیس
دیدکلری هپ (قامش) دیمکدر .

معدنی قلملرک اختراعی (۱۷۵۰ سنه سی) فرانسه
ماکینیستلرندن (آرنو) یه اسناد ارلنیور . حال بوکه
(مایبون) ک قولنجبه معدنی قلم پک اسکی برزماندن بری
معلوم اولوب استانبول پطریقاری امضالرینی بر آلتون
قلم ایله آتارلردی . بعض مناسترلرده ده بویله قلم قوللانلدیغی
موجود اولان کتابلرک یازیسندن بللی اولیور . هر نه
اولورسه اولسون معدنی قلملر پک خصوصی و محلی اوله رق
مستعمل ایکن اون سکزنجی عصرک اورتهلرینه طوغری
انکلیزلر بوقلملردن چوقیجه یاهرق تعمیمنه سبب اولدیلر .
فقط بوقلملر رغبت عامه یی قازانه مدیلر . نهایت باقریرینه

چلیک استعمالی دوشونیهلرک محظوری برطرف ایدلمکله
یکی بر تجارت یولی آچلدی . انکلتره یاقین زمانلره قدر عالمه
بو قلملری صاندی . ۱۸۴۷ تاریخندن بری قرق سنهک
بر سعی متمادی اثری اوله رق فرانسزلر انکلیزلره رقابت
ایتمکله باشلادیلر .

قلم اوچلری چلیکدن یاپیلیرسه ده زنکیملری ممنون
ایتمک اوزره آلتون ، کوموش ، پلاتیندن ده اعمال ایلدیلر .
بونلره صلابت ویرمک ایچونده یاقوت و ایریدیوم
طاقیدیلر .

آسریقالیلر ایسه آلتون قلملرک اوچلرینه رودیوم
علاوه ایلدیلر . رودیوم بهالی برمعدندر ؛ غرامی ۲۲
فرانق حسابیله ساتیلیور ؛ بوتقدیرجه آلتوندن یدی کره
دها قیمتلیدر .

بر کره حقیه باتیردقدن صوکره برقاچ صحیفه یازا -
جق قلملر رودیوملی قلملردن صوکره ایجاد ایدلدی .
بونلری حائز اولدقاری خاصه کیمیویه دن ناشی
صویه باتیرمقله یازان (معجزه لی قلملر) تعقیب ایتدی .

قلم فابریقه جیلری قلمارینه ذوات مشهوره نك اسمارینی
ویررلر . مثلاً (بیرمنیغام) ده یاییلان قلملره مشهور
آلکساندر هومبولده حرمة (آلکساندر قلمی) ديه آد
ویرلمشدر .


قولکسیونجیلر یعنی ، برنوع اشیادن طاقم یاپانلر ،
قلملری ده خاطر دن چیقار مامشلدردر . بونلردن بفرانسز
اکثریسی بو عصر معمولاتندن اولمق اوزره یوز قدر قلمی
حاوی بر قولکسیون جمع ایدیه یلمش ايسه ده ۱۸۷۱ ده
پارسك قومون عربده سنده ضایع اولمشدر .
متروکات مشاهیر جمعنه مراقی اولانلرده قلملری
اونوتماشلر .

۱۸۴۵ سنه سی (آمیانس) معاهده سنك امضاسنده
قوللانیلان ایکی قلم ۱۲۵۰۰ فرانقه صاتلمشدر .
۱۸۵۶ سنه سی پارسده عقد ایدیلن معاهده نك
امضاسیچون قوللانیلان قلم ایمپراطوریچه اوژهنیه
ویرلمش ایدی .

آرژنتین جمهوریتك نظامنی امضاده قوللانیلان

قلملر (بوئه نوس آرس) شهرنده نشر ایدیلن (لاتریبونا)
 غزته سنک باش محرری موسیو (وارلا) یه اهدا ایدلمش
 ایدی. صوکره بوقلماری محرردن (گوستا ویتسفلید)
 اسمنده برانکلینز اولدقجه چوق برها ایله صاتون آلمشدر.
 ویقتور هوغو (سفلر) حکایه سنی زوجه سینه املا
 صورتیله یازدرمش ایدی. حکایه بیتدکن صوکره مادا-
 مک خدمتچیسى رومانی یازمقده قوللانینی قلمک
 کندیسینه یادکار اوله رق ویرلمه سنی رجا ایتسیله مادام
 بوطلبندن ممنونیتی حاوی برده تذکره یازهرق یادکارینه
 شهادتنامه مقامنده ویرمش ایدی.

براز صوکره مادام وفات ایتسکه خدمتچینک النده
 بولنان قلمی برانکلینز ۴۵۰۰۰ فرانقه صاتون آلمش
 وتذکره ایچوند ۵۰۰۰ فرانق ویرمش ایسه ده خد-
 متچی یوز بیک لیرا ویرسه تذکره بی فدا ایتک احتمالی
 اولدیغنی افاده ایله ولیة النعمی حقننده کی حرمت و محبتی
 اثبات ایتشدر.




قورشون قلمی

بونوع قلملر یازی ایچون قوللانیلیورسدهده ، چزیکی
ورسمده استعماله مخصوصدر . وقتیلله ترشه اوزرینه
اشارت ایچون اوجی سیوری بر معدن قلم قوللانیلورکن
کاغذک احداثی مناسبتیلله قورشون قلمه لزوم کورلدی .
هر نعلسه قورشون قلمی دیدیکمز بو آلت ترسیم
بری اولوقلی و دیگر قیاق اولمق و هر ایکسی براسطوانه
تشکیل ایتمک اوزره ، ایکی تخته پارچه سی ایچنه مواد ترابیه ،
حجریه و یا معدنیه طولدرلمقله حاصل اولمشدر . اونجی
عصر میلادیده ایتالیا ده فرانسه ده و سائردهده قورشون قلم
قوللانیلمغه باشلانندی .

برچوقانواعی و مختلف رنگلیسی واردر . پک چوق
مستعملی ۱۷۹۵ سنه سی اعمال و صناعی نامنه نسبتله
اشتهار ایدن (قونته) قلملریدر که غایت خالص کل ایله

پلومباژیندن مرکبدر . مع مافیه پلومباژین قلملرینک
احداثی اون دردنجی عصر میلادیدن اول انکلتزده
باشلامشدر . رنگلی قلملرک اساسی ینه کل طوپراغی
اولوب مواد ملونه اوله رق پروسیا ماویسی ، قیاقوروغی ،
استویج ، زنجفره و سائرده در . بیاض قلملر ؛ ییقانه رق
تصفیه ایدلمش و دوگولوب خمیر حالته قوندقدن صوکره
شکل مخصوصه قونمش تباشیردن عبارتدر .

دولکرلرک قوللاندقاری قلملر شیدست انواعندن
برمقدار فحیمی حاوی Anpéise نام طاشدر .
رنگلی قلملرک اکثریسی آشی طوپراغی انواعندن
اولان رنگلی طوپراقلردن یاپیلور .



﴿﴾ چاقی — قلمتراش ﴿﴾

صنعت طبعك ظهورندن اول كتاب استنساخيله گچين
آروپا خطاطلری چاقی یی حك خطا آتی اولق اوزره
قولانورلردی . حالا بزم مستنسخ و مبیضلر قلم یونتمقدن
زیاده چاقی ویا قلمتراشی کلمه قازیمقدہ استعمال ایتدکاری کی .
چاقینک زمان ابداعی معلوم دکلسده اسکی تاریخلرده
اکثریا اسمی کچر . میلاددن ۶۰۳ سنه مقدم (زره می) نک
سیرانیایه متعلق اولان کتابلری روم قراللرندن (یواکم) ه
تقدیم اولنمش ایدی . قرال بو کتابلردن لذت آله مدیغندن
کاتبی (الیزما) نک قلمتراشيله جمله سنی پاره دینی تاریخلرده
کوریلور .

اسکی زمان چاقیلری بزم قلمتراش تسمیه ایتدیکمز
آلتلرک عینی ایدی .
روماده زمان قدیم آثارندن برچاقی بولنمشدر .

بونك معاینه‌سندن چاقی صاپلرینك فیل دیشی ویا کمیکدن
یاپلدیغی ودمیری بوکولنجه صاپ ایچنه کیردیکی
آکلاشلمشدر .

حکمداران ایله کبرانك غایت مصنع چاقیلره مالک
اولدقلری تاریخك روایتله ثابتدر .

کیخسروك خنچری اولدیغی ایران تاریخنده روایت
ایدیلور . ذاتاً خنچرلرک کوچکی ده قلمتراش اولور .
اون دردنجی عصر شرقیلرینك بعضلرندن آکلاشلد-
یغنه کوره او وقتلر مکتب شاگردانی آره‌سنده چاقی
وقلمتراشلرک وسائط مدافعه‌دن ده معدود اولدیغی
آکلاشیلور .

اون یدنجی عصرده بر اورشده قلم یونتان چاقیلر
مودا اولمش حتی ۱۶۶۶ ده انجمن دانش بونلری تقدیر
ایتمش ایسه ده مؤخرأ بوموده زوال بولهرق علیه نه هجویه‌لر
بیله یازلمشدر .

تاریخچه ، صنعت نقطه نظر نجه اك زیاده دفته شایان
اولان چاقی آلمان هنورلرندن (له‌پروز) اسمنده بر آدمك

کندی الیه یابوب اوستریا آرشیدوقنه تقدیم ایتدیکی
چاقیدر .

بوچاقینک صابنده ۱۳ اوفاق چکمجہ ، وبونلرک
ایچننده ترشه اوستنه یازلش ۲۱ لسانده الهی موجود
ایدی . صابده دها فضله اوله رق ۱۵۰۰ مختلف آلت ،
۱۰۰ آلتون سکه ، ۱۰۰ حلقه لی و ۱۵۰ سانتیمترو
اوزونلغنده برزنچیر ، اوزری اصلزاده لره مخصوص آرمه لرله
مزین رکر از چکردکی ، قلایدن ۲۴ صحن ، صاپلری
آغاج کندیلری چلیکدن ۱۲ ییچاق ، شمشیردن ۱۲ قاشیق ،
وعرضاً اون تله تقسیم اولمش برچوق صاج تلی موجود
ایدی . ای بو قدر شی نصل اولیورده برچاقینک ایچنده
بولنیور ؟ بونلرک هپسی خرده بینی ایدی . چاقینک طولی
۱۰ سانتیمترو دن زیاده دکل ایدی .

خنچرک محل ایجادی ایران اولدینی کی قلمتراشکده
محل ایجادی اوراسیدر . بوکا اسمنک برجزئی ایلہ ترکیبی ده
شاهددر . ایران قلمتراشلری صابجه ودمیرلرینی ترین

خصوصیجه مصنوعات بدیعه دن معدود ایسه ده دمیرلری
مطلوب اولان لطافت و مکملیتی حائر دکلدر .


بزه قلمتراش ایراندن کلشدر . یاوز سلطان سلیم خان
حضرتلرینک ایراندن کتیردیکی و غنائمک الک قیمتداری
عدایلدیکی تبریز ارباب صنعتی میاننده قلمتراشجیلرده وار
ایدی . فقط عثمانلی قلمتراشلری ایله ایرانکیلر مقایسه
ایدیلیرسه ، بزمکیلرک ده ظریف و مکمل اولدینی و ایران
قلمتراشلرینک برچوق سوس ایله برابر غایت قبا ، عادی
یچاق نوعندن اولدینی برباقشده بللی اولور .

عثمانیلر ایچنده قلمتراشجیلق و قتیله صنایع بدیعه دن
صاییلور و هر دورده صنعتنده ماهر برقاچ قلمتراشجی
صاییلور ایدی . قلمتراشجیلرک الک مشهوری بوندن ایکی
عصر اول برحیات اولان غلطه لی واستانبوللی ایکی
رجائی ایدی .

بورجائیلردن استانبوللیسی یالکز دمیره صرف دقت
ایدر و حتی صاپنه اهمیت و یرمیه رک یابدینی دمیری بهندی
باجاغنه و یا قاشیق صاپنه اویدوروب تسلیم ایدر ایش .

حالا زمانم از ارباب قلمی میاننده آدلری حرمتله
 آکیلان فنی ویمنی رجائیلردن صوکره کلن اوستالردن درلر.
 دها صوکره لری یعنی اون اوچنچی عصر ابتدالرنده
 صافی، کمالی، صدقی، بروسدلی حسنی کبی مشهور قلمترا-
 شجیلر یتشمش وهله صافی (کابی) دینلن شکله کی
 قلمتراشیله ابقای نام وشهرت ایتمشدر .

دها یاقین زمانلرده حاجی رسمی اسمنده بردوریش
 قلمتراشچی تورهمش وائرلرندن اسکی قلمتراشجیلری
 اونتدیره جنی آکلاشلشمش. ایندیهده بیچاره یاشایه مامشدر.
 یکریمی بش سنه اولده برعزمی تورهمش وهرنه قدر
 حاجی رسمی قدر مهارت کوسترمامش ایندیهده اولدقچه
 اهل هنر اوله جغنی اثبات ایتمکده بولنش ایدی . بونکده
 ارتحالی قلمتراشجیلر صنعتمک بادی زوالی اولمشدر .



❦ حقه ❦


بر چوق زمانلر قوطی شکلنده کی محبره لر قوللانلمشدر .
 حتی بوسبيله لسانمزده عربیده قوطی معناسنه اولان
 (حقه) کلمه سی شایع اولمشدر . وقتيله محبره لره ليقه قويمق
 معروف اولدیغندن مرکب تأثیرات هوايئدن محافظه
 ایديله مز و قلمه لزومی قدر مرکب آلديريله ماز ایدی .
 بوسبيله حقه لره بال مومی طلاسیله مرکب صوینک جذبیه
 ممانعت ایدلدیکی کبی حقه و مرکب ملاصق اولدینی ایچون
 (ليقه) دنیلان ابریشمک علاوه سی ده مرکبی دوکمه مک
 و قلمی زیاده ایصلا تمامق ایچون اختیار ایدلمشدر .

قوطی شکلنده کی حقه لر قلم او طه لر نده ماصه اوزر لر نده
 قابل استعمال ایسه ده سیار مأموریتلر ده بولنانلر ایچون
 نقلی قابل اولدیغندن « دوات » دیدیکمز شکله قونمش یعنی
 قلمدانلی و مرکبکی قباقلی دویتلر احداث اولنه رق پرنج ،

توئج، کوموش و آلتوندن معمول بل دویترلی میدان
المشدر .

عثمانلیرده ادوات کیتابه پک زیاده اهمیت ویریلور
والقیمتدار معدنلردن یاییلور ایدی حتی ۱۳۲۷ تاریخنده،
حسب الایجاب ، اسلحه و ادوات کتاب ایله حلی نسا
مستثنا اولق اوزره ، سائر شیلرده زر و سیمه واستعمالی
منع بیوردینی تاریخ جودتده محکیدر .

مرکبک دو کوله منی و تأثیرات هوایی دن محافظه منی
تأمین ایچون فرنکار انبویه لی و طولومبه لی حقه لر ابداع
ایتمشلردر . ۱۸۳۱ سنه سندن بری حقه لرک انواعی میدان
چیقمشدر .



﴿﴾ یازمه اثر لر ﴿﴾

طباعتدن اول کتابلرک یازمه اولدیغنی خبر ویرمش
ایدک . یازمه کتابلردن اله کچنلرک اک اسکیسی ، مصر
مزارلرنده بولنان پاپیروس اوزرینه یازمه جنازه مراسمنه
عائد اولان محرراتدرکه بونلر بوندن اوتوز عصر اوله
عائدر . بوندن صکره « پومپه ی » و « هرکولانوم » شهرلر -
ینک « وهزو » ینارطاغنک شدتله فورانتدن لاولر آلتنده
قاله سی حسیبله مؤخرأ اورالرده اجرا اولنان حفریاتده
بولنان یازیلر کلور؛ رومه امپراطورلنی زماننه عائد ال
یازیلری پک آزددر . « شارلمانی » زمانندن قاله بعض اثرلر
حالا موجوددر .

آثار اسلامیه دن چوغنی جنکیزکی ، هولاکوکی ، تیمور
کی ارباب شدتک استیلالری واسپانیا حریقلریله محو اولمش
ایسه ده ینه خلفای راشدین زمانندن قاله مصاحف شریفه

بولمقدمه اولدیغی کبی اسپانیانک (اسکوریا) کتابخانه سنده
و کتابخانه هایون ایله، استانبول، قاهره، بغداد، قونیه،
قیصریه کتابخانه لرنده آز چوق متبرکات اسلاف بولمقدمه در.
عثمانلیلرده حسن خط اربانه پک زیاده رعایت ایدلیدیکندن
ووکلائی فخام و سائر رجال دخی هپ ولی نعمتلی
اولان پادشاهان عظامک اثر هایونلرینه اقتفا ایلدکلرندن
همان هر قوناقدی بررکتی کتابخانه بولنور ایدی. و قتیله اکثریا
عثمانلی کبارلرینک قوناقلرینه هر کون بر خطاط دوام
ایتدیریلرک قرآن کریم، بخاری و یاشفا شریف کبی کتب
دینیهدن هیچ اولمازسه بر ایکی سطر اولسون مطلقا
یازدیریلرک تبرک ایدیلور ایدی.

طلبه اکثریا کتابلرینی کندیلری استنساخ ایتدکلری کبی
علماء عظام دخی یومیه بر مقدار وقتلرینی کتاب استنساخه
حصرایدرلردی. حتی فاتح سلطان محمد خان ثانی حضرترلرینک
اک بنام علماسندن اولان و پادشاه مشار الیه کبی فضائل
علمیه سیلهده بحق سلطان علما اطلاقه شایان اولان بر
خاقان قدردانک «زمانمزک ابوحنیفه سیدر» قول مشهوریله

ستایشنه مظهر اولان ملا خسرو مشاغل قضا و تدریس
ایله فوق العاده متوغل بولندیغی حالدده کتب اسلافدن
برینی استنساخ و هر کون ایکی یاپراق مقداری تحریر
ایتمکی اعتیاد ایدنمش ایدی . بوجهته حین ارتحالنده [*]
کندی خطیله برچوق کتب معتبره نسخه لری بولنمش
و بوجهله دن ایکی نسخه شرح مواقف، علمادن بعضلری
طرفندن تبرکاً - اوزمانه کونه خیلی پاره دیمک اولان -
آلتی بیک آچیه اشترا ایدلمشدر .

مؤرخ عالی افندینک ۹۹۴ تاریخنده تألیف ایلدیکی «مناقب
هنروران» نام اثرنده بیان اولندیغی اوزره سلطان سلیمان
ثانی دورنده حسن خطه رغبت ایدیلهرک میرعلی و مشهدینک
«هربری دوبیت ایکی قطعه سی یوز فلوری یه صاتلمق
واول دخی مالا کلام هزار ابرام و تضرع و اهتمامله آلمق
پای تخت دولت علیه ده وقوع بولمش ایدی . و منشیان
ارکان دولت و محلیان دیوان سعادتدن نجه لره قرق بیک

آلتونی و بعضی قونجه اندن افزون مشابه مال قارونده
خزانۀ متکثرۀ کونا کونی بر مرقعہ خرج اولنق ودخی
ترتیب وتذهیبنه بذل مقدور قلنمق بین الاہالی شیوع
بولش ایدی . »

ایستہ بووقتلرده ناسخلر بیننده ۴۵ : ۵۰ حرف بر
بیت اعتبار ایدیلور و یازدیریلہ جق نسخہلر بیکر بیت
اوزرینہ حساب ایدیلور ایدی .

ادنا خطلہ اولہ جق شیلرک بیک بیتی بر فلوری یہ ،
اوسطی ایکی فلوری یہ ، اعلامی ایسہ اوچ آلتونہ ایدی .
اگر خطاط مشاہیردن ایسہ بش آلتون بیلہ آیردی .

علی مشہدینک تلامیذنن ۹۵۷ دە ماورأ النہر دە وفات
ایدن میر علینک بر قطعہ سی استانبولده بش آلتی بیک
عثمانی یہ ، وخواجہ سنگکی ایسہ نہایت درت بش یوز آچہ یہ
صاتیلور ایدی .

شاہ اسماعیل صفوینک پک زیاده مقبولی اولان شاہ
عمود نیشابوری صنعتندہ پک زیاده ماہر بردات ایدی .
حتی سلطان سلیم اول حضر تلرینک اعلان ایلدکاری ایران

حربنده بوخطاط ایله مصوراندن استاد بهزادی، شاید ایران اردوسی بوزیلور و بونلر عثمانلی اله کچر، دیه بر مغارمیه قیامش و چالديران مغلوبیتندن فرارنده اورایه اوغرایوب بونلری آله رق برابر قاچیر مشدر .

فرنسکلرده ده ناسخلره پک رعایت ایدیلهرک هر منا - سترده برر او طه اونلرم تخصیص اولنش ایدی . یازلمش بر اثرک مکافات مادیه و معنویه سنه نائل اولورلر و حتی بونلرک کناهلرینک یارلغه لئمنسه اثرلری واسطه اوله جفی اعتقادنده بولورلر ایدی .

اوروپاده کتابلرک غلاسی فوق العاده اولوب آنرو قوتسلرندن بریسی انجیل اوزرینه بر مصاحبه کتابی صاتون آلمق ایچون ۲۰۰ دیشی قویون، بر چوق زردوه دریسی، ۲۶۸ لیتره بغدادی، بر اوقدر چاودار، بر بو قدرده داری ویر مشدر . یازمه کتابی چالانلری عذاب جنهم ایله ترهیب ایدرلردی . اوروپاده اون ایکنجی عصرده کتابلرک رسم، یالدر، منیا و سائر ایله تذهیب و تزینی موده اوله رق

بویله کتابلرک اورته حالیلری زمانمز حسابجه دن بش یوز
فرانق ایدر ایدی .

بزده ایسه هر درلو اسباب تزین ایله کتابلرک ترصیی
بیله اسباب احتشامدن عد ایدلدیکندن اويله بر اثر نفیسک
نهر ایده جکنی ابتدا جواهر جیلردن صور مق لازم کلور
صانیرم .

حالا بزده آثار اسلاف کاملاً طبع ایدیلرک ضیاعدن
محافظه ایدیله مدیکندن یازمه کتابلرک چوق بها ایدرلر .
کتابلره مینا کاری رسملر یایمق تا روملر و رومه لیلر
زمانندن بری معلوم ایسه ده اک زیاده رواجلی دوری
قرون وسطادر . کتابلرک اويله رسملی اولمه سی عادات
واخلاق اسلافک بیلنمه سی چون غایت مهم اولدیغندن
اوقیلدن اولان آثار پک زیاده قیمتداردر . متقدمیندن
بویله مصور اوله رق تخریب زماندن مصون قالمش ویرثیلک
« واتیقان » کتابخانه سنده بر اثری واردر .

اوروپایه رسملی کتاب عادتق استانبولدن سرایت
ایتمشدر .

مهره نقاشان عجم اویولده خیلی کتابلری تزیین
ایتمش والحق برچوق آثار نادره وجوده کتیرم رک بونلردن
شوراده بوراده بولنانلر تاریخ قدیمه خیلی خدمت ایتمکده
بولنمشدر .

نقاشانک سرفرازی استاد بهزادده صنعتک اوائلی
حسین بیقرا و اواخری شاه اسماعیل صفوی زماننده
رغبت عظیمه نائل اولمش وفوق العاده کسب شهرت
ایتمشدر .

ایرانلردن مصور، نقاش، طراح، مذهبیلر پک چوق
یتشمش و حتی روغنی جلدلر تصویرنده وسائر مجالس
ترسیمنده محمد بیک کبی استادلر یتشمشدر .

حتی ایران نقاشلرندن (شاه قولی نقاش) نام کیمنسه
سلطان سلیمان قانونی حضرتلرینک دورنده استانبوله
کله رک، سرای عامرده مستقل نقاشخانه ترتیب ایتمش
وکندیسنه یومیه ۱۰۰ آچمه وظیفه ویرلمش ایسهده
اخلاقسز چیقمشدر .

سلطان سلیمان خان قانونی نقاشخانه سنک استادی


مذهب (قره‌مئی) و ۹۹۴ تاریخ‌نخنده بر حیات بولنان شعبان اوسته
 نام ذات‌لردر . سلطان محمد ثالث عهدنده مصور سنان بك كه
 اصلی و نديكلى اولوب اوراده ماستورى پاولیدن او كر نمشدر .
 سنان بكدن بروسه‌لى شبلى زاده احمد تحصيل ايتمش و شبیه
 يازمه‌ده بك زياده مهارت كوستر مشدر .
 سلطان سليمان حضر تلرينك اوائلنده قنجى محمود
 تصويرده شهرت آمشدر .

مذهب‌لردن ده مصرلى حسن اوستا و بونك شا كرد -
 لرندن مصور (ابراهيم چلبى) ، غلطه‌لى محى چلبى ، عثمان
 اوستا شبیه يازمقدمه مهارت كوسترديكى جهتله بونلردن
 اکتسـا بر معرفت ایدن رئيس حيدر يتشمش و سلطان
 سليم ثانى حضر تلرينك تصوير همايونلرينى يامشدر .
 برده صنايع تزئينيه دن قطع اصولى واردركه بوكا عوام
 « اويمه » تعبير ايدرلر . قاطعلرك اولى عبدالله قاطعدر .
 عثمانلى قاطعلرينك مشهورى بروسه‌لى فخرى دركه « قطعه
 قطعنده لانتظير عالم و بانچه ترئينده و شكوفه زار و ازهارك
 انواعنى كسمكده صنايع بدايع شمار هيرده مقبول

ومسملدر «یه توصیف ایدلمش و «فخری اویمه سی»
 ضروب امثال صرمه سنه کچمشدر .
 کتابلرک اوزمانلرده نه قدر غالی اولدیغنی یوقاریلرده ده
 سویلمش ایدک .

کتابلرک تحریر وتذهیب ایدلمه سی نه قدر مصرفه
 باقار اولدیغنی یوقاریدن بری تعریف ایتدیکمز احوالدن
 آکلاشلدی .

شمدی بو قدر امک وزحمتله الده ایدیلن کتابلردن
 هدیهلر ترتیب وتقدیم ایتک نه بیوک فداکارلق اوله جغنی
 حساب ایتلمیدر. حال بوکه بو عادت کرک ماورأ النهر ترکلرنده
 وکرکسه عثمانلی کبراسنده بک زیاده مرعی ایدی .



حسن خط و خطاطی

کوزل یازی یازمه به حسن خط اطلاق ایدیلور. بونک
اربابی خطاطلردر. ناسخلر خطاط دکلدرد؛ اونلر یالکیز
کلیشی کوزل برکتابی یازارلر.

عربده حسن خط اربابی نادر کلشدر. بوقدر
حکومتلری دوام ایتدیکی حالدده یاقوت مستعصمی ودها
بر ایکی ذاتدن بشقه کسب اشتهار ایدنی یوقدر.


ترك وعجملر حسن خطه فوق العاده اهمیت ویرمشلردر.
حقیقه ده پك کوزل یازانلر یتشمشدر. عجمك عمادی،
بزم شیخ حمدالله افندی الك مشهور خطاطلردندر. عادتاً
بوایکی ذات صنعتلرنده امامدرلر.

وقتیله كرك ممالك عثمانیه وكرکسه ایرانده غایت نفیس
یازیلی کتابلر، لوحه لر مراقی همان عمومی اولدینی کبی بنالر
اوزرینه یازیلان طاشلر، مزار طاشلری وسائر اوزرینه ده
غایت کوزل یازیلر یازدرلمق عادتدر. بوسبيله حسن خط

عادتاً بر صنعت اولوب بر چوق کیمسه لر بونکله کینور
ایدی .

طباعتك بزرده احداثدن صوکرده مصاحف شریفه
طبع ایدیه مدیکندن ینه خطاطلره زیاده جه ایش بولنور
ایدی . فقط کیت کیده بو صنعتك رواجی قلمدی . اربابی ده
آزالمقدمه در . بوکا تأسف ایدیلور .

وقتیله اکا بردن بیله بر چوق ذوات حسن خط ایله
قازانیلان پاره یه اصل حالال پاره نظریله باقهرق هیج
احتیاجلری اولمدیغی حالد کتایب یازهرق پاره قازانورلردی .
از جمله فرهاد پاشا زاده ، سلطان سلیمان قانونی حضر -
تترینك شهزاده لرندن سلطان محمد خان مرحومك
کریم سیله ازدواج ایدر ك شرف مصاهرته نائل اولدیغی
حاله « حسن خطه مالك اكثر بیله مصاحف شریفه کتابت
ایدردی . ویوزر آلتون بهایله فروخت ایدردی و تجهیز
و تکفینی اول مال حالالدن وصیت ایتمشیدی بر مصحف
شریف اولان بایزید مرحوم تربه سنده موجودر » . [*]



﴿﴾ عنوان کتب ﴿﴾

متقدمین نزدنده، کتابك عنوانی بریافته یازیله رق ،
طومارك باشنه قونور وبردیکری ده برترشه اوزرینه
یازیلوب، طومارك آرقه سنه یاشدیریلور ایدی .

بزده کتابلرك کاغدی اوزرینه ویاخود محفظه سنك
یان طرفنه یازیلور ایدی . بواصول کتابخانه کوزلرندن
کتابی قولایجه بولمق ایچون اولوب کتابك برنجی ویا
ایکنجی صحیفه لری بالاسنده جلی وکرفت یازیلرله عنوان
یازیلور ایدی .

باصمه لرده کتاب عنوانی بزده بر آراق ایلک ویا
ایکنجی صحیفه یه یازلمشدر .


صوکره لری عنوان ایچون آیری برکاغد تخصیص
اولنه رق ایلک صحیفه سنه کتابك اسمی ، مؤلفی ، طابعی ،
نظارت جلیله معارفدن آلمان رخصتنامه وبونك تاریخ

و نومروسى، باصلدينى شهر، سنه سى، طبع ايديلن مطبعه نك
اسمى يازلىق و ايكنجى صحيفه يابوش براقلىق و ياخود نامه
تقدمه ايديلن ذاتك اسمى، ويا مطبعه نك علامت فارقه سى،
وياخود مؤلفك آثار مطبوعه سى يازلىق عادت اولدى .
اثر صاحبلى اسملىرى عنوان كتابك يوقارىسنده يازارلر .
جلد لرك آرقه سنده اولاك كتابك ويا مؤلفك اسمى
وصوكره كتابك عنوانى و جلد نومروسى، كتاب صاحبك
اسمى يازيلور . هر صحيفه يه يا كتابك عنوانى و ياخود برينه
كتابك عنوانى ايله قارشوسنه او صحيفه يه تصادف ايدن فصل
كتاب يازيلور .

كتابلره ويريله جك اسم ساده و معناسى قولاي اولق
لازم ايسه ده بعض آدملىر پارلاق و طمطراقلى اسملره
الاندقلىرندن ويا بعض محررلىر اويولده شيلردن خوشلاند-
قلىرندن بك غريب و بر ايكي سطردين عبارت كتاب
عنوانلىرى كورلمشدر . اسكى روم و رومه مؤلفلىرى كتابلرينه
اسم بولق ايچون اوزون اوزادى دوشونور و استشاره
ايدىرلردى . اقوام شريفه دن عرب و عجملرده ده برنفسده

تلفظی ممکن اوله میه جق در جهده اوزون و سجعلی فلانی
عنوانلر چو قجه در .

بوعات اوروپالیلرده وقتيله وارايدى . حالاده بوكا
اوزنلر يوق دكلدر . هيچ اولمازسه كتاب قاپلرينى پك
زياده تزئين ودرلو رنك و شكلده كتاب اسملرى يازمق
موده اولمش وحتى بزه بيله سرايت ايتمشدر .



❦ کتاب مراقیلیری ❦

کتاب مراقیلیری ایکی صنفه تقسیم اولنورکه بولردن
برنجیسی «محبان کتب و دیکری مجانین کتب» در .

محبان کتب

ازمنه قدیمده کتابلرک ندرقی حسبيله بتون ادیبلر
کتاب محبی ایدی . ملوک مصریه دن بریسی کتابخانه سنک
قیوسنه «خزینه ادویه روح» عباره سنی یازدرمش
ایدی .

قرون وسطی محبان کتبی قرون اولادن زیاده
ایدی .

کتاب محبلرینه طرفدار چوق بولندیغی کبی علیهنده
بولنانلرده واردی .

وولتر کتابلرک چوقلغندن شکایت ایدردی . حتی

مشار الیه کندی زماننده فرانسه تاریخی حقنده کی
فرانسز کتابلرینک مطالعه سنه اڤ اوزون عمرلی بر آدمک
عمری کفایت ایده میه جکنی حساب ایتیش ایدی .

واقعا برفنه متعلق ایریلی اوفاقلی یوز قدر کتاب
اولسان اربانبنه کافیدر . وولتر بر مکتوبنده کتابلرک
چوقلغندن شکایتله برابر شویله دییور : « کتابلرک
چوقلغنی انسانی ییلدیرر ؛ فقط اونلر حقنده کی معامله یی
انسانلره ایتدیکمزه تطبیق ایتلی یز یعنی موجودلرندن
انتخاب ایلملی یز ،

دالامبر شویله برفقره نقل ایدیور : افکار حسنه
اربانبندن برینک اولدقجه غریب بر صورتله پک منتخب ،
اولدقجه کلیلی فقط آذیر استیعاب ایدر بر کتبخانه ترتیب
ایتدیکنی ایشتم . بوذات مثلاً صاتون آلدیغی اون ایکی
جلدلی بر ائرک ایچنده شایان مطالعه بولدیغی آلتی صحیفه -
منی آیره رق کتبخانه سنه قور . باقیسنی آتسه آتارمش .
شو صورتله بر کتبخانه تشکیلی اولدقجه بنده ایشمه
یارایه جق . »

بیچاره کتاب مجلرینه نهلر سویلنمش ؟ بونلرک
 طرافدارلری نهلر یازمش ؟ بورالرنی خبر ویرمک اوزوندیر .
 بر کتاب محبی نصل اولور اونی تعریف ایدم .
 کتاب محبی کتابک قیمت نقدیه و علمیه سنه دقت
 ایدر . کتابه فوق العاده بر صورتله باقار .

شریعتمز و اوکا منبی اولان عادات ملیه من کتاب
 محبته بزی مجبور ایدر . حتی بو محبت عوام قسمنده برار
 ایلری واردرق بر شینک صحتی « کتابده وار ! » دیه دعوا
 ایدرلر ، فقط او کتابک نصل اولدیغنی دوشونمز لر . برار
 دقت ایدم جک اولور سهق یازیلی یازیسز کاغدلره ایتدی کمز
 حرمت عموماً مجبان کتب و معرفت اولدیغمزه دلالت
 ایدر . چینلیلرده عموماً کتابه رعایت و محبت ایدر لر .

اوروپاده مجبان کتب چوقدر حتی فرسوده لشمش ،
 لکه لشمش ، حاصلی اله آلمانز بر حاله کلمش کتابلری اصلاح
 ایچون بر علم بیله وجوده کتیر مشلر در . بو علمک آدی
 « bibliatrqe طب کتب » در .

انکلز و آلمان کتاب مجلری بینلرنده شویله برقرار

ویرمشلردر : « یاتاقده اوقونیمیه جق ؛ کنارینه حاشیه
 یازلمیه جق : یکی کتابلرک یپراقلری اولدم اوله سییه
 کسيلمیه جک ؛ یپراقلر ایچری قیویرلمیه جق ؛ بش غرو شلق
 جلد یاپدرلمیه جق ؛ صحیفه لری قولالایقله چویرمک ایچون
 پارماقلر ایصلادلمیه جق ؛ طعام ائناسنده اوقونیمیه جق ؛
 عجمی مجلدلر جلد یاپدرلمیه جق ؛ کتابک یپراقلری
 پارماقله کسيلمیه جک ؛ کتابلر کندی حالنده بریره قونوب
 آچیق طوتلمیه جق ؛ اوزرلرینه سیغاره کولی دوشورلمیه -
 جک ؛ بصره ضعف ویره جکندن ؛ اوقورکن سیغاره
 ایچيلمیه جک ؛ اسکی کتابلرک سر لوحه سنده بولنان
 محکوکات کسيلمیه جک ؛ کتابک لوحه لری اوزرینه ال
 یازیمی یازلمیه جق ؛ کتابلره یوز سورلمیه جک ؛ کتاب
 آرہ سنده چیچک ، یپراق قوریدلمیه جق ؛ کتابلر قاب
 ویا آلتندن طوتلمیه جق ؛ کتاب اوزرینه آقصرلمیه جق ؛
 صحیفه آرہ لرندہ بولنان محافظه کاغذلری قوپارلمیه جق ؛ ایشه
 یارامیان کتابلر ساتون آلمیه جق ، کتابلر سردار پاچاورہ
 ایله سیلنیمیه جک ، کتابلریمک دولابنه وقونصوللرہ تولدیرلمیه -

جق؛ مختلف کتابلر بر آراده جلدلنمیه جک؛ هیچ بر بهانه ایله کتابک شکل و خریطه لری ایچندن چیقارلمیه جق؛ کتابلر صاح، طویلی ایکنه سی ویافر کته ایله کیسلیمیه جک؛ جلدلرده روسیه مشینی قوللانلمیه جق؛ آیقلری بوزوق ماصه ویا صندالیه اوزرینه کتاب قونمیه جق؛ کدی ویا چوجقلرک آرقه سندن کتاب آتلمیه جق؛ دقتسزلکله آچه دن کتابلرک آرقه سی قریلمیه جق؛ صوبه ویا آتسه پک یاقین کتاب او قونمیه جق؛ کمی ویا آصمه یا ناقده کتاب مطالعه ایدلمیه جک؛ کتابلره رطوبت آدیرلمیه جق. « بوکا کتبخانه اصوللرندن برده شونلر علاوه ایدیه بیلور: کتابلر آچیق ایکن بربری اوزرینه قونمیه جق و اوزرلرینه کاغذ قویه رق یازی یازلمیه جق برده چوجقلر مزک زیاده قوللان دقلری چیقارتمه تعبیر اولنان رسملر چیقارلمیه جق. »

کتاب مجملری آله جقلری کتابلرک بر طاقم شرائطه موافق اولمسه نی آرزو ایدرلر. اولرده آله جق کتابک یاپراق و جلدلری تمام اولمسه سی در. حتی مجبان کتبیدن بریسی غزته لره شویله بر اعلان ویرمشدی: « ۱۹۶۲

تاریخنده شو فرک مایانسه طبع ایلدیکی توراتک جلد
 نانیسنی الده ایدن بر صاحب مراق بونادر کتابک یالکیز
 جلد اولنه صاحب اولان ذاتی طانیق آرزو ایدر . جلد
 نانیسنک صاحبی کمال سهولت و شرائط معتدله ایله شواییکی
 جلدی برلشدیره جکدر . »

جلدارندن جدا دوشمش کتابلر حقنده ۱۷۷۷ سنه سی
 پارس کتابخچیلارندن بریمی بر زمانلر بر غزته بیله نشر
 ایلمشدر . بوکون ایسه بونک ایچون یالکیز پارسده ایکی
 غزته نشر ایدیلور .

محبان کتبک کتابلرده آرادقلمی شرائطدن بریسی ده
 صحیفه کنارلرینک کنیشلرکدر . کنار نه قدر کنیش
 اولورسه قیمت او قدر آرتار . صحیفه نک آلت باش کناری
 یوقاریدن برثلث زیاده اولمق و کناری ده آلت باشدن برثلث
 مقداری فضله بولمق پک مقبولدر . کتاب قابلمی ده
 محبلمی آزا اشغال ایدن مسالمدن دکدر . جلدلر فوق العاده
 ظریف اولمقدن زیاده طیانقلی اولمق مطلوبدر . بناء علیه
 بونلر جلدلرک صنعت نقطه نظریله ظرافت و متانتی آرارلر .

حقى بوسيله كتاب مجبرى سوکيليرنى اغيار اولان
مجلدله امنيت ايده ميهرک کنديلرى متين و ظريف جلدلره
اکسا و تزين ايدرلر .

کتابلره ويريان اهميت مندرجاتنک اهميته کوره اولمق
محبان کتب ايچون شرطدر . بوکا اهميت و يرمينلر ايسه
مجانين کتبدر . کتاب مجبرى کتب نادره يه فوق العاده
مائدلرلر . بوندن طولاي کنديليرنى مؤاخذه ايدنلر
چوقدر . فقط حد ذاتنده او قدر اهميتي اولميان نادر
برکتاب بر زمانده بر ماده ايچون غايت مهم اوله بيلور .
مثلا ۱۶۵۵ سنه سي (الزوير) نام طابعک باصديغى
« فرانسز خير ايشجيلرى » اسمنده کى کتاب ايکى عصر قدر
مطبخلرده اشجيلر النده سورينه رک نسخه سي قالماشدر .
حال بوکه بو اثر او عصرک اخلاقى حقنده کى تدقيقاته يغى ،
او قتلر خير ايشلرى نصل اولديغنه دائر خيلى مهم اولديغندن
بوکون بر نسخه سي ۲۰۰ فرائق ايدىيور .

کتابلرک ندرتى ياندرت مطلقه و يا نسبيه اوله بيلور .
ندر ت مطلقه کتابک اساساً آز باصيليشندن و ندرت نسبيه ده

چوق باصلا دینی حالدہ الدہ موجودی آزمہ سندن ایلری
کلور .

مطابعك يكي تأسسنده کی کتابلر بوکون آز بولندی
حالدہ کیتدکجه بزه یاقین اولان زمانلر مطبوعاتی چوق
بولنور .

محبان کتب برطاقم صنفلره تقسیم اولنور . مثال
اوله رق سویلیه لم که مثلا برطاقلری ابراهیم متفرقه
مطبوعاتنی . کیمیسی سلطان حمید اول دورنده مطبعه نك
ایکنجی تأسسنده کی کتابلری و مثلا برطاقلری ده رجائی
افندی مرحومك مطبعه عامره مدیریتنده بولندی و قتده کی
آثار مطبوعه یی ایدنمك ایستر . برطاقلری ده برفنه دائر
نه قدر کتاب وارسه هپسندن ایدنمك ایستر . برطاقلری ده
سلاجوقیلر زماننده ترکیه یازلمش اثرلری طوپلار .
بونلر آرتق کتابلرک اشکال و اوصافنه باقه میهرق
یالکز ایدنمه سنی غنیمت صایارلر .

برطاقم انسانلرده واردر که مرقاقلری کتاب طوپلامقندن
زیاده کتاب سرلوحه لری ، شکیلر ، طغرار فلانلر

طوپلامقدن عبارتدر. بونلر نروده برکتاب کورسهر بویه
ایشلرینه یارایه جق شیلرینی آلوب اصل کتابلری برباد
ایدرلر.

مجان کتب، کتاب دلایلری کی کتابلری طوپلامق،
ایدنمک ایچون دکل تتبع وتخصص ایچون آلرلر. بونلر
حقنده « بوقدر کتابی نه یاه جق؟ نه وقت اوقویه جق؟ »
دینمز. بونلر کتاب تدقیق وتبعنده پک زیاده ملاکلی
ذوات اولدقلرندن ایدنکلری کتابلرک هپسنی اوقودقلرینه
وهر بریسنک درجه اهمیتنه واقف بولندقلرینه امنیت
ایدملیدر.

اوروپاده کتاب مجبانی کثرتلی در. بوعصرد. بونلر
جمعیتر تشکیل ایدرک کتب نادره طبیی وفنون وادیاتک
تعمیمی وندرتلری حسبیلله غائب اولمه درجه سنه کلن کتب
معتبره بی یکیدن طبع ایتمک ایله معارفه جدا خدمت ایدرلر.
مؤسس بنیان سلطنت سلطان عثمان خان غازی
حضرتلری، مؤخرأ قاین پدرلری اولان شیخ اده بالینک
سعادتخانه لرنده مسافر قالدقلری برکیجه ده، بر موقع

احترامده برکتاب کوره رک نه اولديغنى سؤال ايتمشلر
وکتاب الله اولديغنى جوابنى آلمشلايدى . بونک اوزرينه
سلطان مشاراليه حضرتلرى صباحه قدر درست برسينه
تعظيم اولدقلرى حاله آياقده طورمشلردر .

اخلاف عظام حضراتى ايسه متحلى بولندقلرى
هربر خلق على برداهى ايچون موجب اقتحار اولديغنى
حاله برچوق فضائل عاليه ايله متخلق بولنمشلردر .
اوصاف برکزيده شهر ياريانندن بريسي ده عالم اولملرى وعموماً
تبعه صادقلرينه اولاد نظريله باقورق تربيه مغنويه لرينه
خادم هر درلو وسائط تحصيلي تدارك واحضار بيورمه لريدر .
سلاطين جوامع شريفه سنندن هيچ بريسي يوقدرکه
تتماندن برقايچ مدرسه ، مکتب و کتبخانه سي بولنمسون .
حتي سلاطين مشار اليهمک اثرينه تابع اولان رجال دولت
واصحاب حميت دخی برچوق مدرسه و کتبخانه لر احداث
ايلمشلردر .

پای تخت سلطنت سنیه ده ايلک کتبخانه ، بالطبع
جناب فاتحک تأسيس بيوردیغى سراي همايون دارالکتبی

در که حاوی اولدیغی نوادر آثار حسبیه بالجمله امثالنه غبطه بخش اولسه سزادر .

تدقیقات تاریخیه دن اکلاشیلدیغنه کوره ، بزده ایلك کتابخانه مؤیدزاده افندی طرفدن اخداث ایدلمشدر .

دولت ابد مدته ابراز ایتدیگی خدمات برکزیده - سیله ده ابقای نام ایدن وزیر شهر کوپرلی محمد پاشا کوزل بر کتابخانه تأسیس ایلیمش و اولاد کرامی مؤخر آ بونی نوادر آثار ایله تزیننه همت ایتمشدر .

سلطان احمد ثالث حضرتلرینک عهد هایونلری بردور آسایش اولدیغدن ذات شاهانه لری یکی جامع و وزیرلرندن چورلیلی علی پاشا وفا ، و داماد ابراهیم پاشا عموجه زاده حسین پاشا کتبخانه لرینی تأسیس ایتمشدر . سلطان محمود خان اول حضرتلری کرک ذات شاهانه لرینک و کرکسه وزرای دولتلرینک احداث ایلدکلری کتبخانه لر سیبیه «سلطان مجبان کتب» عنواننده کسب استحقاق ایتمشدر . ذات شاهانه لری ۱۱۵۲ ده آیاصوفیه ، فاتح ، نور عثمانیه جوامع شریفه سنک هر برنده

برر دارالکتاب احداث بیوردقلری کی مقام صدارتہ چن
وزراسندن مصطفی پاشا سلیمانیہ ، حکیم اوغلی علی پاشا
ودارالسعادة الشریفہ آغالری مشہور حاجی بشیر آغادخی
ایوب ، کتابخانہ لرینی تأسیس ایتمشلردر . حتی تربیت کردہ
شاهانہ لری اولان قوجه راغب پاشانک ۱۱۷۶ دە تأسیس
ایتدیکی کتبخانہ نہ ینہ اثر مشارالیه اقتفادن ایلری کلمہ در
دینہ بیلور .

عثمانلی کتاب محبلمرینک شیخی ، فنون غریبہ نک
لسانمزه نقلندہ خدمت برکمزیدہ سی سبقت ایدن کاتب چلبی
مرحومدر .

کاتب چلبی «میزان الحق فی اختیار الحق» آدلی رسالہ سندہ
شویاہ : «... قرق بشده (۱۰۴۵) دونوب درونی
صدقہ نیت وبووجهله تصحیح توجه وعزیمت اولندیکه :
اونیل قدر زمان ، اوقات سفر وحرکتده کچوب نیجه
جنکله ووقعه لر کوریلوب حج وغزا مصلحتی تمام اولدی .
«رجعنا من الجهاد الا صغر الی الجهاد الا کبر» فحواسی اوزره
من بعدراه کلبدہ تعبہ نفس نفیسی توطین وعلم شریف

تحصیل نہ بقیہ عمر عزیز تعیین اولنوب رزق مقدر اسباب علم و خرج و صرف اولنمق مقرر قلندی . بونیتله استانبوله کلدکده حلبده اقامت اثناسنده صحاف دکانک کتابلری کوریلوب الهام الہی ایلہ (اسامی کتب) تحریرینہ شروع اولندی . استانبوله کلوب علی طریق الارث برازمال انتقال ایلدکده میراث مالی کتابہ ویریلوب حرص عظیم ایلہ اشتغاله شروع اولندی . قرق آلتیده اول کتابلرہ مطالعہ میسر اولوب میل طبیعی حسیلہ تواریخ و طبقات ووفیات کتابلرین تتبع خوش کلور ایدی . قرق یدیده کیرو اقربادن برمالدار تاجر وفات وماندن برقاچ یوک آچہ انتقال ایدوب صدق عزیمت و خلوص طویت برکتیلہ فتح باب و سهولت اسباب میسر اولدی . تیسرالہی ایلہ تحصیل فنون سمتی مسخر اولوب میل طبیعیہ انتظام امر معاش امداد ایتمکین آرزمانده چوق مسافہ و منزل آندی . مبلغ میرانک اوچ یوک آچہ قدرنی کتابہ و یروب و باقیسیلہ تجدید منزل و تدبیر لوازم تأهل ایدوب ... » دیور . و براز آشاغیده ده : « اون سنہ قدر زمان کیجه وکوندز اشتغال ایدوب یجد

کتب کورمک واکثر فنونی تتبع ایتک میسر اولدی .
 کاهی بر کتاب کورمکه شوق دوشوب غروب شمسدن
 طلوعه دک شمعہ یناردی . کلال و ملال گلزدی . »

کاتب چلبیدن صوکره عثمانلی کتاب محباری ایچنده
 کسب اشتہار ایدن صدر اسبق احمد و فیک پاشا مرحومدر .
 مشار الیهک مطبوع کتب خانہ لری دفتر ندہ ۳۰۰۰ ی متجاوز
 کتباب مقیددر . ایچار ندہ پک نادر و عاتیکانہ کتابلر
 وار ایدی .

متحلی بولندقلری خصائل جمیلہ دن بریسیدہ حامی
 علوم و فنون عنوان جلیلی اولان شہریار عالیبتار من
 سوکیلی پادشاهمن افندیمن حضرتلرینک انافس آثار ایله
 مملو بر کتب خانہ هایونلری بولندیغی مسموع کترانہم
 اولدیغی کی سائر امثالنه بحق فائق اولان (کتبخانہ عمومی)
 دخی جملة مؤسسات هایون ملوکانہ لرندن اولمغله ذات کروی
 صفات ملکداریلری دخی جد اعلالری مثللو « سلطان
 محبان کتب و محیی علم و ادب » عنوانیله دخی مجلدلر .



مجانين کتب

علوم و فنونك ترقى ايتديكى مملكتلرده جنت كتب
دينلن برخستهلق كورولمكده در .

بوخستهلق ميلادك اون آلتنجى عصرنده معلوم
اولمش واكز ياده انكليزلرده كورولمكده بولمشدرد . وقتيله
بوخستهلغك يونانستان ورومده بولنديغى ده كورو -
لمكده در . (لوسيهن) ك كتابخانه تشكيل ايدن برجاهله
يازديغى رسالهده « اصلا استفاده دوشونميدرك استفاده
ايمكه قابليتى اولمديغى حالده بويله برمراقه دوشمهسنى
موجب تعذير و تخدير بوليور .

ايكنجى عصر ميلاديدن برى كتابلارك عددى
چوغالدقجه كتاب دليلرى ده آرتمغه باشلادى .

كتابلارك اندر ويكانهسنه مالل اولمق ايستهينلرك
كيفينى بوزان طباعت بوعلته چاره اولمقدن ياده مقدارلرينى
آرتيردى .

کتاب دلیلی ، کتاب محبرینه بکزه مزلر . بونلر
یالکیز کتاب طوپلامق ایسترلر . بونلرله مثلاً پوسته پولی ،
قوندره ، چوبوق ، صفه ، یومورطه طوپلامه مراقنده
اولانلر آراسنده برفرق یوقدر .

کتاب دلیلی کتابک مندرجانه هیچ اهمیت
ویرمزلر . بونلر کتابک قیمت ماده وندرته باقارلر .
مثلاً تورات طوپلایان کتاب دلیلی ۱۵۹۰ سنه سی
پاپاشنچی (سیکت) ک نظارتیه رومه ده طبع ایدیلن
و برچوق ترتیب سهولرینی حاوی اولان برکتابی ارارلر .
بونک سببی ده پاپانک کتاب نهایتنه علاوه ایتدیکی برتنیهده
کتابه ؛ قلم قاریش دیرانلری آفاروز ائیمه سی حسبیه خلقک
استهزاسنی موجب اولمی و صوکره بوکتابک ینه پاپانک
امرله طوپلانوب محو ایدیلرک یالکیز برقاچ نسخه سنک
قورتلمه سی در .

ایشته شو سبب بوکون اوکتابک بردانه سی ۱۲۱۰
فرانقه چیقارمشدر .

محبان کتب محبتلرینی افراطه واردیرلر سه کتاب

دلیسی عنوانندن کندیلرینی قورتاره مازلر . مثلاً انکلیز -
 لردن لورد (اسپنچر) برسنه روماده مطبوعات قدیمه
 طوپلایه رق نه واتیقان سرایینی ونه ده رومنه ک عالی و مشهور
 اولان آثار نادره و مقبوله سنی تماشا ایتمیدن مملکتنه
 کیتمشدر (۱۴۷۳) . کتاب دلیلری کیمسه یه کتاب اعاره
 ایتمز . کیمسه نك کتابندن مطالعه ایتمز . کتابخانه لره
 کیرمزلر . دلامبر هیئت کتابی دلیلرندن بریسنی نقل ایدرکه
 بوذات هیئتدن حرف واحد بیلمز ، نه کندیسینی او قور
 ونه ده . کیمسه یه عاریت ویرر ایش . « سن سیمون »
 خاطر اتنده قونت استرد اسمنده بر خریفک ۵۲۵۰۰ جلد
 مالک اولدیغی حالدده او قومق بیلمدیکنی بیان ایدر .
 بو کتاب دلیلری جنتده پک ایلری کیتدکلرندن
 حقلرنده شاعرلر پک چوق هجویه لر سویلشمشدر . احتمالکه
 سعدینک سوزی ده بونلر حقنده اوله . کتاب دلیلکی
 پک ایلری کیدر بره وای مجنونانه در . مجانین کتب
 کندیلرینه محایب قلوب ایدندکاری شیلری ایچون پاره
 وشدت کی فداکارلقلردن چکنمزلر . اک مقتصد آدملر

بیله بومراق سائقه سیله اتلاف نقوددن کندیلرینی
آله مازلر. مارکی دوبلاند فورت ۱۶۷۱ سنه سی مطبوعاتندن
(ده قانه رون) ک براتری ایچون ۱۸۱۲ سنه سی (دوق-
دورو کسبورغ) ک ترکه سنده ۵۶۵۰۰ فرانق ویرمشرکه
شمیدی یه قدر بوقدر غالی بره ایلله هیچ بر کتاب
صاتلما مشدر.

کتاب مزایده لری کتاب دلیلری ایچون اک بیوک
فرصتلردندر. کندیسنه برکتابی دکیشرمکن امتناع
ایدن برکتاب دلیسنه کندیسی کبی بر دیکری «انشالله
ترکه گدن آلیرم!» دیمشدر.

بودلیلکدن استفاده ایدن اصناف ده واردر. بونلر کتب
غریبه ونادره آلیم صاتمى ایلله اشتغال ایدهرک اربابنه
مخصوص فهرستلر نشر ایدرلر.


کتاب دلیلری کتابلره پاره ویرمک و کتاب آرامق
ایچون اتلاف نقود ووجودده قالمازلر. بونلر ناموسلرینی ده
تهلکه یه قویارلر. انکلیز لوردلرندن «سیر ادوارجران»
کتاب سرقتیله شهرت آلمشدر. برکزه (نور تجرلاند)

شاتوسندن کتاب چالارکن قاریسی اوستنه وارمش
وبرکرده پارسده السنه متعده باصلمش برانجیل چالارکن
یاقه بی اله ویره رک ایکی سنه حبسه محکوم اولمشدر .

لیبری اسمنده برحریف ماسبقلرینه مسابقت ایدهرک
پارس کتبخانه لرینک هپسندن یازمه کتب نادره ومحرره
سرقه ایله اجنبی مملکتلره صاتمشددر .

بارسلونه کتـابـجیلرندن (دون ونسانت) اسمنده
بریسی یکانه ظن ایدیلن برکتابک مزایدوسی مناسبتیه
رفیقنه سؤ قصد ایتمشدر (۱۸۴۲) . حال بوکه صوکره
اوکتاب یالکیز برنسخه دن عبارت اولیوب پارسده برایکی
دانه دهها بولندیخی محاکمه ائناسنده میدان چیقمشدر .
ینه بوکتاجی کنج برپایاس ، المانیالی برشاگرد ، براسپانیول
شاعری ایله صاتیغنی کتابلری کیری المق ایچون طقوز
محب کتب تلف ایتمشدر . اعدامه محکوم اولدیغی زمان
کتابلرینه طوقونلماقسنزین بارسلونه کتبخانه عمومیسنه
تسلیم ایدلمه نی وصیت ایتمشدر .

ایشته کتاب دلیلکی موقع ومزاجه کوره برطاقم
افال ناموس شکنانه وجنایاته سبب اولمقدهدر .



﴿﴾ تقدمة آثار ﴿﴾


بر طاقم کتابلری حکمداران عظام ، مشاهیر واجبا
نامنه تقدیم ایله حمایت وصحابتلرینی التزام ایتمکدن عبارت
اولان دأب مؤلفین هر یرده وچوقدن بری جاریدر .

مؤلفین عثمانیه یازدقلری کتابلرک مقدمه لرنده عهد
عالیسنده بولندقلری سلطان ذیشانک اوصاف حمیده
وخصائل جلیله سنی یادوتعداد ایدرک حمایه شهریاریلرینی
استرحام ایدرلر . عادتاً آثار مهمه میاننده بودأب دیرینه
رعايت ایدلمه مامش بر اثر بولنه ماز .

بعض مؤلفلرده اثرلرینی وقلترینک ، مشایخ اسلام
وصدور عظامی ناملرینه وسائر وزرایه اهدا ایدرلر .

مؤلفلردن اوغللری نامنه ده اهدای اثر ایدنلر واردرکه
ناینک خیریه ووهیینک لطیفه سی بوقیلدندر .

فرانسه شعرا سندن (قورنهی) «هوراس» نام اثرینی
 مالیوندن مونتورونه اهدا ایتمش و بوحرکتی ایله براز آچمه
 قویار مق کبی برقبالق کوسترمش اولدینی بک مشهور و حتی
 زمانجه بوحرکتی ایله شاعر شهر منفور اولمشدر .



❦ کتابخانہ ❦

انسانلر آراسنده نظاماً و نثراً یازی یازمق انتشاره باشلادیغی کوندن اعتباراً کتبخانه تأسیسی فکری حاصل اولمشدر . زاده طبعیت اولان علوم و فنون مقتضای طبعیته تبعیته مجبور اولدیغندن مدنیت ده کونش کی شرقدن طوغمش و قرون اولی دیدیکمز دوردن اولجه بلکه ده هند و چین تنویر ایلمش اولدیغندن بوایکی قطعه ده کی مؤسسات علمیہ سائر مملکتلردن ده اقدیم وزنکیندر .

هند و چینک تاریخندن زیاده بزه آق دکر حوضه سننده کی اقوامک تاریخنی بیلیمک اهمدر ؛ اوسبیله اورالرك احوالندن براز بحث ایدلم :

وقتیله طوپلانیله بیلن یازی مجموعهلری مقدس طانیله رق معبدلرده بر موقع احترامده صاقلانور ایدی . نینوا و بابل خرابهلرنده مقدس منلر ، هیئت جدوللری ، مباحث تاریخیه

صرف ونحو رساله لرینی حاوی مینالی طوغله لر بولمشددر .
 قویونجق حصارنده بولنان وقرال (آسورانیال) ظرفندن
 جمع و حفظ ایدیلن بو طوغله لردن بولنانلر انکلتزه موزه سنه
 نقل ایدیلهرک بواسکی دولتک تاریخ ومدنیتی کشف ولسانی
 حل ایدلمشددر . بو طوغله لردن آزچوق عبادتخانه لر خرابه
 سنده ده بولمشددر . فراغه مصریه دن بیوک رامسس جمع
 ایدیلکی برکتبخانه یه (طب روح) اسمنی ویرمشددر .

کتبخانه عنوانه لایق بر محل ابتدا آتنده (پزیستراتید)
 طرفندن تأسیس ایدلمش واغلب اعتماله کوره ایرانیلرک
 هجومی زماننده محو اولمشددر .

یونان کتبخانه لرینک اشهری ایکیدر : بری برغه
 ودیکری اسکندریه کتبخانه لریدر . برنجیسی میلاددن اوچ
 عصر اول قرال (آطال) طرفندن تأسیس ایدلمش و صوکره
 اسکندریه یه نقل اولمشددر . اووقته قدر کتابلر (ابردی)
 دنیلن (پایروس) یاراغی ویاخو دمشین اوزرینه یازیلرکن
 پرغمه ده دری بی ترشه یه تحویل ایتمک اصولی بولمشددر .

اصل کتبخانه لړك مشهوری ایکنجیسی اولان
اسکندریه کتبخانه سیدر. بودار کتب میلاددن ۲۸۳ -
۲۴۷ سنه اول بطلمیوس صوتر ویاخود اوغلی فیلادلف
طرفندن تأسیس ایدلمشدر .

حاوی اولدیغی کتابلړك عددنجه اختلاف واردر .
بعضیسی ۵۰۰۰۰۰ برطاقی ده ۷۰۰۰۰۰ دیورلر . فقط
کتابلړك مقداری پك ده انسانی اعجاب ایده جك درجه ده
دكلدر؛ زیرا بونلړك ایچنده برچوق مکرر کتابلر بولندیغی
کبی قوغهلق یاپراقلری اوپله بزم بیلدیکمزکبی جسم جلدلر
تشکیلنه قابلیتلری اولمیدیغندن برکتاب برچوق جلد نامیله
طومارلره تقسیم ایدیلور ویاخود برطوماره بر رساله
صیغشدیریلور ایدی . بناء علیه بوکون اورو پانك ولایت
مرکز لرنده بولنان اوافق کتبخانه لړ قدر بیله زنکین
دکلدی .

اسکندریه کتبخانه سی موزه نك بر قسمنی اشغال
ایدردی . موزه دنیلن یر بر کتبخانه ، بر مطالعه خانه ،
بر آلاتخانه ، نباتات باغچه سی ، نادر حیوانلره مخصوص بریر ،

مصر قرالی طرفندن معاشلی علمانك اقامتنه مخصوص
بر دائرہی حاوی بیوجك برکتبخانه، موزه وانجمن
دانش ایدی.

اسکندریه نك حاوی اولدیغی ایکی مشهور کتبخانه نك
حضرت عمر (رضی الله عنه) طرفندن تخریب ایدلدیکی
حقنده بر طاقم جاهلار طرفندن بروایت اویدرلمش وحتی
بوروایت ابن خلدون کی محققلر طرفندن تصدیق ایدلمش
ایسه ده، اوروپا علماسی طرفندن ایدیلن تحقیقات موشکافانه
بونك اصل سزلغنی اثبات، ایله دردنجی عصر میلادیده
خرستیانلر طرفندن محو ایدلدیکی اثبات اولمشدر.

یونانیلردن صوکره کتبخانه ترتیبی مراقی رومه لیلره
کچهرک قیصر آغستوس طرفندن رومه ده مکمل برکتبخانه
تأسیس ایدلمش و صوکره بومراق تعمم ایده رک هر شهر
وحتی هراوده بر طاقم کتبخانه لر احداث وجمع ایدلمشدر.
فقط بو آثار مدنیت ده رومه اوزرینه هجوم ایدن
باربارلرک اجرا ایتدکاری تخریبات ایله محو اولدی کتیدی.
اوروپاده هرکسک یکیدن علمه مراق صالیرمه لری

اوتنجی عصر میلادیدن سوکره یعنی اوروپانک چیلغنجہ -
سنہ اہل صلیب محارباتنہ قالقشہرق اراضی مقدسہ یہ
ہجوملرنده اورادہ کوردکلری ترقیات اسلامیہی تقلید
سائقہ سیلہ وقوعہ کلشدر .

یازمہ کتابلرک بہالینغی وفرنگلرک ہنوز یازی یہ
آلشہ ماملری حسیلہ کتابلر دارالفنونلرہ مربوط
کتابخانہلردہ بولندیلور وبولردن چیقسان ومناصب
دولتدہ ترقی ایدن ذواتک اعانہلریلہ خطاط وناسخلرہ
پارہلر ویریلہرک کتبخانہلرک مقدارکتبی آتیریلور ایدی .
بوکتبخانہلر ایکی دائرہ یی حاوی بولنوردی .
بریسندہ اک زیادہ مراجعت ایدیلن کتابلر بولندیلور
ایدی . بو طرفک کتابلری زنجیرلرلہ رحلہلرہ باغلی
اولہرق ہرکس مطلقا اورادہ بولنری اوقور وبویلہ
برکتابک یرندن اوینامہسی بیلہک کوچ اولور ایدی . ایکنجی
قسمندہ نادراً مراجعت ایدیلن وعددلری چفت اولان
کتابلر بولنور ایدی . بوکتابلرک آلتندہ قیمتی محرر
اولوب عاریت آلانلردن اومقدارہ رهن ویاسند آنور

و فقط استنلی کی قدر حفظه مساعدہ ایدیلور ایدی .
 کتابخانه لره کتابلر شمیدی کی آرقه سی دیشاری کلک
 اوزره قونلماز ایدی . بوسبیلہ کتاب جلدلرینک آرقه سنہ
 نہ اسم ونده بر اشارت وضع ایدلمز و حتی سوسنہ بیلہ
 اهمیت ویرلمز ایدی . کتابلر دولابلره یا نلامه سنہ یا ترلد-
 یغندن کتاب اسملری اورالره یازیلور ایدی . بزم عثمانلی
 کتبخانه لرنده کتابلره جلدن ماعدا برده محفظه کچیریلهرک
 کتابک اسمی محفظه اوزرینه یازیلور ایدی .

برده زمانمز کتبخانه لرینه باقملم ،

فرانسه ده ۵۰۰ کتابخانه و بونلرده درت میلیون
 بش یوز طقسان سکز بیک کتاب واردر . بونلرک
 ۱۳۵۰۰۰ جلدی یازمه در .

آوستریاده ۵۷۰ کتبخانه و بونلرده ۵۴۷۵۷۹۸ جلد
 کتاب واردر . خریطه لرله یازمه کتابلر بو حسابدن خارجدر .


پروسیاده ۳۹۸ کتابخانه و بونلرده ۲۶۴۴۵۰
 کتاب وار . بونلرک ۵۸۰۰۰ جلدی یازمه در .

انگلترده ۲۰۰ کتابخانه و بونلرده ۲۸۷۱۴۹۵
 کتاب بولنیور . ایچلرندن ۲۶۰۰۰ جلدی یازمه در .

ایتالیاده ۹۳ کتابخانه واردر. بونلرده ۴۳۴۹۳۰۰
 کتاب وار. بونلرک ۳۳۵۰۰ عددی ال یازیسیدر.
 روسیهده ۱۴۵ کتابخانه ایچنده ۹۵۲۰۰۰
 کتاب بولنیور. بونلرک ۲۴۳۰۰ جلدی یازمهدر.
 باویراده ۱۶۹ کتابخانه ایچنده ۱۳۵۸۵۰۰
 کتاب وار. ایچلرندن ۲۴۰۰ ی یازمهدر.
 فقط هر حالده پارسک ملی کتابخانهسی: ۲۰۷۸۰۰۰
 کتابی حاوی اولدیغندن دنیانک اک زنکین کتابخانهسی
 دیمک اولور.

شمیدیه مشهور کتابخانهلرک موجودینی بیلدیرهلم:

۲۰۷۸۰۰۰	پارس
۱۰۰۰۰۰۰	لوندرد
۸۰۰۰۰۰	مونیک
۷۰۰۰۰۰	برلین
۴۲۰۰۰۰	ویانه
۳۰۰۰۰۰	انکلتزده اوقسفورد دارالفنونی
۳۰۰۰۰۰	هایدلبرغ دارالفنونی
۲۰۰۰۰۰۰	انکلتزه موزهسی کتابخانهسی



﴿ قرائت عمومی ﴾

وقتیه عربلرده ، روملرده ، رومه ایلرده مؤلفلر ،
 شاعرلر آثار نثریه و شعریه لرینی عمومی اوقورلردی .
 حتی مؤرخ هرودوت طقوز کتابخی خلقه اوقومشدر .
 رومه ده قیصر آغستوس زماننده بوقبیل قرائتلر پک
 ایلری واردلدی . هریرده هر درلو اثرلر اوقونوردی .
 حتی آغستوس ، قلود ، نهرون بیله بوکا هوس ایتشلر ،
 و (سەنک) کُ تراژدیالری کجی برچوق ادیبلر محضا
 عمومی یرلرده اوقونمق ایچون اثرلر یازمشلردر .

عربلرک زمان جاهلیتنده ایسه سوق عکاظ دینلن
 یرده ادبا، شعرا تنظیم ایتدکلری خطبه و شعرلری
 اوقورلردی .


اسلامیت قرائت عمومی بی عادتاً تشویق ایتمش و حتی
 استماع قرآن عظیم الشان بزه فرض اولمشدر .

منظومهٔ مولد شریف و معراجیه‌لر حالا مواجههٔ
 جماعتده اوقونور . سوریه و سائر بلاد عربیه قهوه
 خانه‌لرنده عنتر . عوج بن عناق و سائر خرافات اوقویانلر
 و بوضورتده پاره قازانانلر واردر . و قتیله یکی چری
 اورطه‌لرنده اوقونمق اوزره بطلانامه و سائر مغازی
 کتابلری تدوین ایدلمش ایدی . حالا آناتولی ایچنده
 قیش کیجه‌لرینی کچیرمک ایچون کرم و عاشق غریب
 کتابلری اوقوتدریلور .

استانبولمزدده بیلهاحب و عائله‌لر آراسنده خوش وقت
 کچیرمک ایچون تاریخ ، سیر و سائر آثار قرائت ایدیلور .
 انکلتزه و آمریقاده عمومی قرائت اصولی حالا
 جاریدر . بونی کندیسنه صنعت ایدنلردن خیلی پاره
 قازانانلر واردر .

آوروپانک بیوک شهرلرنده علما و ادبا قونفرانسلر
 ویره‌رک خلاقه علوم و فنونی اکلنجه صورتیله تدریس
 ایتمکده‌درلر .

وقتیه رومه و یونانستانده یمک زمانلری کتتاب
 اوقومیه مأمور اسیرلر وار ایدی .
 زمانمزدده فرنک مکتبلرنده جزایه مستحق اولان
 شاگردان ، ارقداشلری یمک یرکن کتتاب اوقومقله جزا
 ایدلمکده در .



﴿﴾ حفاظ کتب ﴿﴾

کتابخانه لرده کتابلرک حسن محافظه سنه مأمور ذواته
حافظ کتب دیرز .

اک اسکی حافظ کتب (فالر) لی ده متریوس درکه
اسکندریه کتابخانه سنک تنظیمه مأمور اولمشدر .
رومه دده آزینیوس پولیون ، وارون ، صرفیوندن
ملیومه لیسوس ، لوچیوس هیثرین کبی ذوات کسب شهرت
ایتمشدر . قرون وسطاده حافظ کتب لر قرالار ، پاپالر ،
دسپوطلرک اوامرینی تحریر وارسال ایدرلردی .

حقیقهٔ حافظ کتبلاک و طیفه سی پک قولای ایفا اولنور
خدمتلردن دکلدر . چونکه بر کتابخانه ترتیبی تصنیف
علوم کبی پک نازک ومهم معلوماتی ایدنمکه متوققدر .



﴿﴾ علم اسمی کتب ﴿﴾

مادی و یا عقلی اوله رق کتابلری تعریف و صنفلره
تقسیم ایدن علمه . اسمی کتب « دیرلر .

بو علمی بر چوق قسملره تقسیم ایتشلر و از جمله بری
کتابلرک صرف ماهیت ادبیه و یا قیمت فیه و علمییه سی
نقطه نظریله و دیگرى ده یالکز بهاسنه کوره ایکی یه آیر -
مشلر سه ده بو تقسیمات طوغری دکلدرد . بو علمده کز زیاده
شایان اهمیت اولان اوچ شیدر ؛ برنجیسی علم اسمی کتبک
اصولی ، ایکنجیسی کتابلرک تعریف و توصیفی ، اوچنجیسی ده
فهرست در .

بو علمک فائده سی اوتهدن بری تقدیر ایدلمش ایسه ده
حالا کندیسندن بکله نیلن منفعتی ویره جک قدر توسع
و انتشار ایدمه مشدر .

بو علمک شو تعریفنه نظراً صحافلرک کتاب جدوللریله

کتابچیلرک اسامیء کتب دفترلری، کتبخانه دفترلری هپ
بو علمه عائد جدوللردندر .

وقتيله مطبعه اولمديغندن اسامیء کتب علمنه احتياج
يوق ایدی : يالکز کتبخانه فهرستلری وار ایدی .

اسامیء کتب اصولنه دائر ابتدا کتاب تالیف ایدن

« گسنر » نامنده بر ذات اولوب ۱۵۴۵ سنه سی بونک ایچون

تالیف ایلدیکي بر کتابده بالجمله علوم وفنونی ایکی صنفه

تقسیم ایتشدیر که برنجیسی علوم اعدادیه ایکنجیسی علوم

مثبتهدر . بوهر ایکی قسمکده اقسام وشعبه لری واردر .

علوم اعدادیه ویابتدائیةنک تقسیماتندن برنجیسی تکلم

شعبه سیدر که : « صرف ، نحو ، منطق ، مناظره ، بدیع ،

بیان ، شعر وعروض » فنلرینی ؛ ایکنجیسی ریاضیه که :

« حساب ، هندسه ، موسیقی ، هیئت ، نجوم » علملرینی ؛

حاوی ایدی که بویکی شعبه هرکسه الزمدر . شعبه لردن

بری ده مزیناندر که صاحبلرینک علمنه وکندیلرینه زینت

اولور : تاریخ ، جغرافیا ، فال ، حقه بازلق کبی ، برشعبه ده

ماکنه یه متعلق علومدر .

علوم مثبتہ حکمت طبیعیہ، حکمت مابعدالطبیعہ، علم مذاہب وادیان، اخلاق، علوم ادارہ، سیاسیات، حقوق، طب، علم دین .

عثمان لوردن دہ بو علمہ مراقلی برطاقم ذوات یتشمشدر؛ شوراسی غریبدرکہ، بو علم اوروپادہ مطبعہ لک اختراعندن صوکرہ رواج بولدیغی حالہ بزده آندن اول یتشمش در . ازجملہ طاش کوپر یلینک «مفتاح السعاده» سمنده علوم و فونی معلومات بشریہ نک درت صورتہ کورہ درده تقسیم ایتمشدرکہ، بو قسم لردہ خط، نطق، فکر، قانوندر . علوم ادبیہ ولسانیہ ایلہ تاریخ قسم ثانیہ؛ ریاضیات، حکمیات قسم ثالثہ؛ علوم دینیہ و قوانین قسم رابعہ داخلدر .

کاتب چلبی نامیلہ شہرتشعار اولان مصطفی افندی مرحوم دہ علم اسمی کتبہ دائر عربجہ «کشف الظنون عن اسمی الکتب والفنون» دیہ پک کوزل ایکی جلد بر اثر یازمش وحتی بو کتاب اوروپاجہ دہ مقبولہ کچدرک لاتین و انیکلینز لسانلرینہ ترجمہ ایدلمشدر . [*]

[*] کاتب چلبی مرحوم میزان الحقدہ کشف الظنونک نصل تألیف ایدلدیکنی شویله حکایہ ایدر .

کتابلرک نصل بر ترتیب اوزره بیانی لازم اولدیغنه دائر
بر چوق مناقشات و مباحثات موجوددر .

کتابخانه و کتابچی فهرستلرینه کئنجه بونده اوچ ترتیب
وارد خاطر اولیور . برنجیسی کتاب اسملرینک اساس
اتخاذیله حروف هجا اوزره ترتیندن ؛ ایکنجیسی مؤلف
اسملرینی حروف هجا ترتیبی اوزره صردلیوب یانلرینه
تالیفلرینی یازمقدن، اوچنجیسی شعبات فنونه کوره کتابلری
آیرمقدن عبارتدر .

اکثر کتاب اسملری او کتابک نهدن بحث ایتدکلرینه
دلالت ایتدکلری جهتله بزباقشده موضوعلرینه انتقال
ایده مەمک محذوری وارددر .


«... واسامیء کتب بوزمان کئنجه کوریلوب مطالعه اولنان توارینخ
وطبقات کتابلرندن محالارینه نقلندن غیرى بشخصه الدن کچن
کتاب خانهلرک نیجه بیک جلد کتابی ویکرمی سنه دن برو صحافلر
آقیدوب کتوردیکی کتاب جمله یرلرینه یازیلوب موضوعات علوم
کتابلرنده مسطور اولان اوچ یوزدن زیاده فن دخی حروف
ترتیبیله محلنه نقل اولندی . نیجه مباحث و مسائل غریبه یازلدى
که آنکله جمله علوم و کتبه علم اجمالی حاصل اوله و بوکه
«کشف الظنون عن اسماء الکتب والفنون» نامی قونوب»

اسامیء مؤلفینہ کورہ ترتیبدهده ینہ اومحذور باقی
ایسهده بر مؤلفك مجموع آثاری نهلردن عبارت اولدیغی
آکلاشلمق فائدهسی واردر .

تبع ایچون تقسیمات فیه قبول اولنهرق هرفنه متعلق
کتابلر مؤلفلرینك اسامیسی هجا ترتیبدهده اساس اتحاد
اولنورسه پك مفید بر اصول اولمش اولور .

ممالك شاهانهده علوم وفنونك مبدأ ترقیاتی دور
دلارای حضرت پادشاهییه مصادف اولدیغندن علم اسامیء
کتبك اصولنه دائر هنوز کتابلر تدوین ایدلمدی
ایسهده استانبول کتبخانهلرندن اکثرینك فهرستی نشر
اولندیغی کبی کتاجبیلر مزده نشرینه وسطت ایلدکلری
کتابلر حقنده اسامیء کتب دفترلری نشر ایللمکده درلر .

اوروپاده اسامیء کتب علمنه فوق العاده اهتمام اولنهرق
اصولنه فهرستلرینه وسائر سنه متعلق برچوق کتابلر
وغزتهلر نشر ایلدیکی کبی هرفنه متعلق آریجه اسامیء
کتب تدوین ایدیلور .



❦ كتابچىلىق ❦

ازمنه قديمده كتابچىلر ، كتاب يازانلر وناس-خلىرى
 ايدى . آتته كتابچى دكانلرينه ايش-سزله عقلا طوپلانور
 ايدى . مؤلفلىر بودكانلره كلهرك كتابنى اوقور و صحاف
 افندى يه بكنديررسه اوده كتابنى استنساخ ايچون لازم كان
 مصارفى درعهده ايدر ايدى . كتابلىر اوللرى پك بهالى
 اولوردى ؛ ترشه استحضارى اوكرنلدىكن صوكره ايسه
 براز اوچوزلدى . اكثريا طلبه معلملىرىنك كتابلىرىنى
 مطالعه ايچون استنساخ ايدرلردى .

زىكىنلر كتاب قوپيه ايتمك اوزره اسيرلىرىنى تعليم
 ايدر وبوسايده جسيم كتابخانهلىر ايدى نورلردى . اووقتلىر
 كتاب تجارتى ، بالخاصه اسكندريهده ، پك رواجده ايدى .
 رومهده جمهوريتك آواخرى و ايمپراطورلىق زمانلرنده
 حال بويله ايدى . كتاب استنساخ ايتديروب صاتان كتاه
 بچىلر بتون محلهلره يايلىمش ايدى . دكانلىرىنك اوكى

صاتیلق کتابلرک اعلانی ایله مستور و کتابلر رافلرده کمال
اهتمامله تنظیم اولندقلرندن حسن حالده منظور ایدی .
کتابچیلق حقنده معلومات مفصله ویرن (مارتیال)
زماننده کتابلر اوجوزایدی . بونلردن مؤلفلرک آزچوق
استفاده معنویهلری اولدیغی مظهوندر . کتابچیلرکی کتابلری
ایمپراطورلغک هر طرفه کوندرلردی . صحافلرک تمامیه
سربست ایدی .

خرستیانلر عقائد دینییه متعلق برچوق کتاب
طوبالارلردی . انطاکیه پسقیوسی لوسیهن ، سن ژه روم
وسائرلرک برچوق ناسخلری اولوب اونلره کتاب یازدیرر
وحتی بو خصوصده قادینلر بیله قوللانیلوردی . فقط
برطرفندنده کتابلری آلت اوست ایتک و مناسبتسز
برحاله قویمقدنده چکنمز لردی . بوسبیله کلیسا و مناسترلر
کندی ناسخلرینی نظارت آلتده بولندرمیه مجبور
اولدیلر . صوکره فنون و تعلیم اما کن دینییهده مجتمع اولمیه
باشلادی . بناء علیه کتابچیلر واسطه سیله کتاب تجارتی
قرون وسطاده ، کلیاً قالقدی . عربلرک دور فتوحاتی

زماننده پاپروس تجارتی منع ایدلدی . ترشه بهایه چیقیدیغندن
اسکی کتابلر قازیلوب یرلرینه دین کتابلری یازلدی .
بعض مناسترلرک فوق العاده اقدامیله برابر کتابلره ندرت
کلهرک بیوک سنیورلرده ، بیوک اماکن دینیهدده بولنور
اولدی . اون اوچنچی عصره قدر حال بویله دوام ایدلدی .
او آراق یعنی ۱۲۷۵ تاریخ میلادیسنده کتاجیلق صنعتی
فرانسه دولتیجه حمایه ایدلدی . اوروپاده کتاجیلق بو حـاـ
للرده ایکن سایه اسلامیتده بغداد ، شام ، حلب ، قرطبه ،
سیچلیا ، اندلس ، بخارا ، شهرلری وبونلرک بولندقلری
اقلیملرده برچوق کتابخانهلر ، صحافلر ، مدرسهلر کتابلرله
طولی ایدی . حالا کاتب چلبی مرحوم معارف اسلامیهنک
دور انحطاطنده کشف الظنون عن اسماء الکتب والفنون
آدلی اثر معتبرینی حلب صحاف چارشیسندن معاینه ایتدیکی
کتابلر اوزرینه یازمشدر اوزمانلر اون دردنجی عصر
میلادیده کاغد ایجادی ، اون بشنجی عصرده طباعتک
اختراعی کتاجیلغه رواج و بردی .
پک قدیم زماندنبری ممالک عثمانیهنک اکثر بیوک

شهرلرنده وبالحاصله استانبولده برر صحاف چارشوسی
واردر . بو صحافلر کتابلرک حسن خط ، زینت و ندرتی
بیلور و آکا کوره ، مزایده طریقیله کتاب آلوب او یغون
بها ایله ساتارلر .

بزده کتابچیلق صنعتی ایکی قسم اولوب بریسی یازمه
کتابلر ایله طلبه علومه لازملی کتابلرک آلم صاتمى ایله
اشتغال ایدرکه بونلره « صحاف » دینور . کتابچی دیدکلر من
ایسه مطبوعات جدیده ایله اشتغال ایدلر درکه بونلر کندی
حسابنه کتاب باصدیرانلردن یوزده یکر می بش اسقونطو
ایله امانه کتاب آلوب صاندقلری کبی مؤلف و مترجملرک
اثرلرینی ده فورمه سنی عادتایوق بهاسندن بر آلتونه قدر
ساتون آله رق کندی حسابلرینه باصار ساتارلر .

زمانمزدده کتابچیلق صنعتیک اک زیاده رواجی اولان
مملکتلر انکلتره ، فرانسه ، آلمانیا وبالحاصله حکومات
متفقہ آمریقادر . آمریقاده یالکز برسنه ده برکتابدن
۳۰۰۰۰۰۰ نسخہ صاندیغی چوق اولور . هر سنه
وبسترک مبادی قرائت نام اثرندن بر میلیون ساتیلور .


آلمانیاده لایحیق شهری بتون آوروپانک دارالکتابی
صاییلور .

بلاد متمدنهك اكثرینسندہ كتابجیلوق صنعتنه متعلق
غزتهلر بیلہ تأسیس ایدلمشدر .

كتابجیلوقك بر قسمی ده طابع وناشرلكدر . اوروپاده
بوخدمتی ایفا ایدنلر اصحاب معلوماتدن ایسهده بزم طابع
افدیلدردہ یاخود آغالردہ بویله بو حال تصور ایدیله مز .
بونلر مؤلفلرك شهرتنه نظراً اثرلرینه پاره ویرر وخلقہ
اوشهرتله کتابلرینی صاتهرق استفادہ ایدرلر .

اوروپاده طابع وناشرلر یامؤلفلردن ویاخود ورثهلر-
ندن کتابك حق طبعی صاتون آلهرق کندی حسابلرینه
باصارلر . فرانسهده ۱۷۷۷ سنهسی جاری اولان برنظامده
حق طبع مؤلفك حیاتیله قائم ایدی . اوراده طابعلرله
مؤلفلر آردسندہ اجرت تحریریه وسائرهدن طولایی خیلی
اختلاف ظهور ایتمش وکوز نوری دوکهرك اثر وجوده
کترین مؤلفلری حمایه ایچون جمعیتلر تشکیل ایدلمش
ایسهده کتابجیلرك سؤنیت وکندی منفعتلرینه اولان غیرتلی

بوتشیشلری منع ایتشدیر . ۱۷۳۰ سنه سی لوندرده تشکل
ایدن حمایه مؤلفین جمعی برخیلی اعانه آلدیغی حالده ینه
طوب آتشدیر . فقط هر حالده مؤلفلرک حقوقی محافظه
هر دولته بروجیه اولدیغندن بوکاده ایلروده برچاره بولنور
ظن ایدیلور . اوروپا دولتلری آراسنده مؤلفلرک و طابعلرک
خارجاً حقوقی محافظه ایچون برطاقم معارف معاهده
نامهلری واردرکه او عهدنامهلر موجبنجه فرضاً بر آلمان
برفرانسز مؤلفنک اثرینی ترجمه ایچون مؤلفنک رخصتینی
آلمهیه وعیناً طبع ایدهجک برطابعده اولکی طابعندن
اجازت آلمهیه مجبوردر .



﴿﴾ كتاب فالجيلنى ﴿﴾

انسانلارك كشف استقبال هوسى معلومدر . هانكى
شى واردركه اويولده استخدامه قالقشلمش اولسون ؟
كتابلرده انسانلارك بو آرزوسنى استيفا ايچون قوللا-
نلمشدر . قرون وسطاده كتاب فالجيلنى يهوديلر آراسنده
پك شايع ايدى :

نورات شريفى كيف مالتفق آچهرق بيلمهسنى آرزو
ايتدكلرينه مطلع اولمق ايتترلردى .

بوعادت بزدهده شايع اولمشدر . قرآن عظيم الشاندى
تقال ايديلور ايدى .

تقال ايچون سائر كتابلارك صحيفه بالالرينده بر طاقم
آيات كريمه احاديث شريفه ، ويا اقوال مشهوره يازيلور ،
كتاب آچيلدينى وقت بونلردن معنالى استخراج ايديلور .
برده ديوانلر ، از جمله ديوان حافظ تقالده پك زياده شهرت
آلمشدر .

حافظ دیواندن آچیلان فاللره دائر کتب ادبیه ده
خیلی نوادر بولندیغی کبی شاعر کفه لی حسین افندی
بوابده بر کتاب بیله قلمه آلمشدر .



❧ کتب ممنوعه ❧

رومه حکومت روحانیہ سی کندی منافعه مخالف
اولان کتابلرک اوقونمہ سنی منع ایتمش و بونلرک مؤلف
واسمیلرینی حاوی Index نامیلہ فہرستلر نشر ایلمشدر .
بواند کسلر (فہرست) بری صورت قطعہ دہ ممنوع
اولان و دیگر قرائتی تصحیحہ معلق بولنان کتابلری
حاوی اولمق اوزرہ ایکی قسمدر . ۱۵۸۵ : ۱۵۹۰ پایا
کرسی روحانیسندہ اجرای حکومت ایدن بشنجی (سکت)
زمانندہ بوقیل کتابلری تدقیق ایچون بر مجلس تشکیل
ایدلمشدر .

بوندن اول قونسلطین کی ایمپراطورلر . پاپالر « قونسیل »
دینلن جمعیات دینیہ نصرانیہ ، دین ایچون مضر عد
ایتدکلری کتابلری منع ایدرلردی . فقط طباعتک
انتشارندن سوکرہ پاپالق مقامی غیرتنی ، شدتی آرتیرمغہ
باشلادی . ۱۵۴۳ سنہ سی ایلک دفعہ اولہرق و ندیکدہ

کتاب ممنوعه فهرستی نشر ایدلش وایرتهسی ییل پارس مدرسه دینهسی تدقیق ایتدیکی کتاب مضره دفتری میخانه قومشدر ؛ ۱۵۵۱ سنهسی بودفتک برده علاوهسی چیقارلشدر .


کتاب ممنوعه فهرستی کیتدیجه بیویه رک هانکی کتابک ممنوع اولدیغی عادتا بیلنمز درجهیه کلدیکندن اک خالص قاتولیکلر بیه بیلیمیه رک کتاب ممنوعه یی اوقومق وحتی تقدیر ایلمک درجهسنه وارمشدر .

بوراده اوکتابلردن بزجه مشهور اولانلرینی ذکر ایددجکیز : بالزاقک کلیات آناری، بهرانره نک شرقی مجموعه سی، اوگوست قونتک فلسفه کتابی، قوندیلاقک اثری، قوندورسه نک ترقیات فکریه بشریه سی، قوکلینک قاموس اقتصادی، (دیدرو) والکساندر دومانک آناری، آنسیقلوپه دی، رهایندن فلورینک کلیسا تاریخی، فوتنلک «عوالمک کترتی حقنده مکالمه سی» ، و یقتور هوغونک سفیللر ونوتردام دوپاری، لافونتک امثال و حکایاتی، لامارتینک ایکی اثری، برده بعض مؤلفلرک یازدقلری آنارک کافه سی

یعنی او آدم لک ناملرینی حاوی اولان کتابلر بودفتلره
داخلدر .

وقتیله علمای اعلام علم منطق تدریسی منع بیورمشلر
ایکن حکما ایله معارضه ایچون علم کلامک تدوینه لزوم
کورلدیکی زمان او ممنوعیتی الفا وحتی علم مزبورک تدریسی
واجب اولدیغنی بیان ایتمشلردی .

طلبه علوم منحصرأ خدمه دیندن معدود اولدقلرندن
ومدار اشتغاللری مطلقاً علم شریف اولمق لازم کله جکی
شبهه سزدر . بناء علیه اساتده کرام طلبة لرینه ویردکلری
اجازتنامه لرده منحصرأ علوم دینیه ایله توغلی توصیه
وفلسفیات ایله اشتغالدن انلری تنزیه ایدر .



﴿﴾ احراق کتب ﴿﴾

کتاب مجملکی ودلیلکنه قارشو بر عادت دها واردرکه
اوده کتاب یاقه سیدر .

بوماده حقنده « لغات علمیه وفنیه » نام اثر مشترکمزده
شو معلومات واردر :

« پک قدیم بر زماندن بری ادیان واخلاقه منافی کتب
ورسائلک احراقی خصوصی یونانیلر ورومهلیر نزدنده
مرعی الاجرا بر قاعده در . وحدانیت باری پی شکه دوشورن
(پروتاگوراس) ک آثاری میدانده یاقلدی . (انیتو خس
اپیفان) یهودی کتابلرینی احراق ایتدیردی . (تبیر) زماننده
(لابیة نوس) ک محرراتی احراقه محکوم اولدی . (طاقیا
نوس - دیوقله تیهن) ورفقاسی خرستیانلغه عائد کتابلرک
احراقنی امر ایتدیلر .

کلیسانک حکمی جاری اولدینی آوانده ، رومه لیلردن
زیاده ، احراق کتبه اهمیت ویریلهرک مؤلفلر کتابلرله

احراق اولندی . رفض والحادلرینه حکم ایدیلن (آریوس ،
آبهلار ، آرنود ، برسیا) نك آثارینی احراقله خوشنود
اولندی . آرسطونك برچوق آناری یاقلدی . (۱۴۳۶
- ۱۵۱۷) اسپانیا باش وکیلی قاردینال (کیرخس)
بش بیک قرآن کریم وتفاسیر شریفه وسائر کتب اسلامیه یی
احراق ایلدی . دیگر جهتدن دفعاتله فرانسز قرالاری
ویاپارلمنتوس قراریله برچوق پاپانك اوامری احراق
ایدلیکی ده واردر . طباعتك شیوعندن صوکره کلیسا
رهایی و حکام سائر ، اوروپاده کتابلر آرتدقجه شدتلرینی
آرتیره رق برچوق اثرلری یا قدرمشلردر . بونلرک اسامیسنی
تعداده کیرشمک اوزون اولدیغندن معروف اولان آناردن
بومحکومیتی قازانانلری یازاجغز :

هانری اتیه نك ، هرودوت تاریخنه یازدیغی شرح ،
(پاسقال) ك ولایت مکتوبلری ، فنه لونك تلماقی ، اون
سکزنجی عصر حکما سندن بابل ، فرهره ، ژان ژاق روسو ،
وولتر ، رهنال ، وولنه نك آناری یا قلمش و ۱۷۸۹ سنه سنه

قدر فرانسه ده برچوق کتب دینه و حکمیه احراق
ایدلشدر . (پنیو) اسمنده برذات یاقیلان کتابلرک
باشلیجه لری حقنده ایکی جلد برلغت کتابی یازمشددر !



کتابلر نه یولده تالیف ایدیلور ؟

کتاب تالیفی پک کوچ برصنعتدر . اونک ایچون عربلر « من الف فقد استهدف » یمشلردر . دنیاده هیج برکتاب یوقدرکه ، قبول عامهیه مظهر اولسون ؛ اک ای کتابلری بیلر برصنّف خلق تقدیر ایلدیکی حالدّه، اوتده برصنّف تنقید وحتی موأخذ ایدر .

اونک ایچون نیجه اقتدار صاحبلری اوقدر امک صرفیلر اوکرنکلری علومه وفتونه دائر برشی یازمهدهن، اسملرینی اخلافه براقهمدن ترك دنیا ایدوب کیمشلردر . فقط اوقدرده قورقاق اولمالی . انسان ای بیلدیکی ولساننده لزومنی کوردیکی کتابی یازمقدن چکنمهملیدر . برشی لایقیله اوکرنمدهن ویاخود اوکرندیکی حالدّه لزومنی وجداناً تصدیق ایتمدهن کتاب یازمهیه قالماملیدر .

وقتیله علمای اعلام حضراتی محضا خیر و ثواب ایچون کتاب یازارلردی . اسکی مؤلفلردن چوغی تالیفلرندن

برمنفعت ماده بکلمزدی . بعض معلملرک طلبه لرینه ویر-
دکلری درس لری شاگردان طوپلار ، بر مجموعه یه یازار
وصوکره کندیسینه تقدیم ایله تصحیح ایتدیره رک اثرلر
وجوده کتیرلردی . حتی عربی کتابلرک چوغنک باش
طرفنده مؤلف حقنده « قال الشيخ العلامة افضل المتأخرین
وقدوة العلماء المحققین . . . » دیه یازلمشدرکه بویله اثرلرک
شاگردان طرفندن ضبط ایدلیکنه شبهه برافقاز .

بعض مؤلفلرک اثرلری ده وفاتلرندن صوکره حیقار .
بو ، خلقک موأخذه سنی طویماق ایچون اختیار ایدلمش ،
بر تدبیر احتیاطی اولسه کرکدر . بر طاقم آدملرده اکابر دن
شونک بونک نامنه اثرلر نسبت ایدرلر . « فقه اکبر » ایچون
ایم اعظم افندمزک دیانلر اولدینی کبی بونی انکار ایدنلرده
واردر . هر نه ایسه بر کتاب تالیف ایدیه چکی زمان ابتدا
پلانی یاپیلور . یعنی او کتایده نهلردن بحث ایدیه جکسه
اونلر صره سیله بر کاغده یازیلور . و او بحثلر هانکی کتابلردن
آله حق ایسه یانلرینه قید ایدیلور . صوکره یازمه یه
باشلانور . هر حالده بو کتاب موجود اولانلردن ای

اولمیدر . برده لسانمزدده هیچ بولمیان اثرلر واردر .
 طبیعی اوله لری ترجمه ایدیلور . ترجمه شایان سائر لسانده
 بر کتاب وارسه نه اعلا ، اولمدیغی صورته اوکا دائر بش اون
 کتاب ایدینلرک هپسنه باقیلور وهر برندن بکنیلن یرلر
 طویلانور .

بعض کیمسه لرده وقتیلر یاپیلان کتابلره شرحلر ،
 حاشیه لر یازارلر . واقعاً شارح و محشیلردن کوزل شیلر
 یازانلر واردر . بعضلری ده پک بوشنه اوغراشمش
 اولورلر . شرح و حاشیه یانلر اصل مؤلفک فکرینی
 آکایه جق قدر اصحاب اقتداردن اولمی . متک نره سی
 کوچ و محتاج ایضاح ایسه اوراسنی شرح ایتلی . بعض
 شرح و حاشیه لر کوریلورکه انسان یازانده اوقویانلرده
 آجیر . فرض ایدم که منطقدن برمنته شرح یاپیلر جق ،
 آرتق او شرحده متک هر کله سنک صرف ونحو جه اولان
 تصریف واعرانی یازمق عبثدر . منطق اوقویان اکر
 صرف ونحو بیلمیورسه ، او شرح سایه سنده اولری
 اوکرده من . بیلمیورسه اوله شرحه محتاج اولماز . شمدی

شارح، شرحنده متنک غوامضنی تفصیل وایضاح ایدرسه
فائده‌لی برایش کورمش اولور .

حتی‌کاتب چلبی مرحوم «میزان‌الحق و اختیار‌الحق»
نام اثرنده «مرحوم یحیی افندی» — درس دیرمیسکز
وحاشیه‌لر مطالعه ایدرمیسکز؟ «دیر ایدی . فقیر دخی
«درس اوقورلر، لیکن حاشیه التزامی نادر اولور» دیر ایدم؛
زیرا آداب فقیر هر کثرته جانب وحدتدن دخول واحاطه
کلیات ایله ضبط اصول ایدی . جزئیاتله تقید و جربزه
سمتنه التفات تضییع اوقات اولمق اوزره قرار ویرلمش
ایدی . «دیر .

اسکی مؤلفلر محضاً ثواب ایچون کتابلر تألیف
ایدرلر و کندیسنه لزومی اولانلرده یازار ویا یازدیرر-
لردی؛ طباعت چیقدی چیقهلی ایشاری دیکشدی؛ تألیف
صنعت حکمنه کیردی . زمانمز مؤلفلری خلقک استفاده‌سندن
زیاده ذوقنه خادم اثرلر یازمه‌یه باشلادی؛ بوسیله رومان
ورسائل موقوته چوغالیدی . واقعا رومانلردن شایان
استفاده و موجب عبرت اولانلری بولنیورسه‌ده، بوخده‌تی

تاریخ دها مکمل ایفا ایده بیلور . رسائل موقوتہ ویا لغت
طرزنده یازیلان اثرلر ایسه بر بحث حقنده معلومات
مکمله ویره مز . تخصص ایچون ارباب اختصاصک یازدیغی
جلدلره مراجعت لازمدر . حال بوکه او یله جدی اثرلره
رغبت ایدن آز ! طابعلر طبعندن استغنا ایدر . مؤلفلرده
یازدقلری شیئی طبع ایتدیرمک مجبوریتنده بولنور؛ چونکه
بوکون اک جدی بر اثری استساخ ایده جک وایتدیره جک
ذوات آذرر . معارفده ترقیمزى آرزو ایدنلر جدی
کتابلره رغبت ایتلیدرکه مطلوب حاصل اولسون .

برده هرکسده بر کتبخانه ایدنمک فیکری ، یمک
دولابی ایدنمک احتیاجی قدر تعمم ایتلیدر . بزده ایسه چوق
آدملر بیلورم که اگر تی کتاب المقله مطالعه احتیاجلرینی
دفع ایدر .

بونلرک بوحرکتلری ترقی معارفه مانعدر . هرکس
کندینه لازم اولان کتابی صانون آملیدر . معارفزک
ترقیسنی آرزو ایدنلرده کیسه یه کتاب ویرمه ملیدر .
لطائفدن اوله رق غزته نک بریسنه شویله بر فقره یازلمشدی :

— مادموازل ، نه قدر چوق کتابلرکز وار .
 شونلردن بردانه ویرسه کزده او قویوب کیری ویرسه م ؟
 — آه قرداشجغم ، بو کتابلر هپ شونلردن بردانه
 ویرسه کزده او قویوب کیری ویرسه م ، دیهرک آلمشدر !!
 بعض مؤلفلر کتابلرینی نشر ایلدکن صوکره مطا-
 لعه سی آرتمه سی وسائر سببلردن طولایی کتابلرینی تصحیح
 ایدرلرکه بوکا «تذهیب» دیرلر . متقدمینک آثارنده کوریلن
 اختلاف اکثریا بوتذهیب عادتندن ایلری کلمشدر .
 بعضاری ده اسکی کتابلرینی حالیه براقه رق یکیسنی یازار .
 بوایکی صورتدن بریسینک ترجیحی ایجاب ایدن حاله
 باغلی اولدیغندن بوبابده برشی دیه میز .
 یالکنز مؤلفلر ایکنجی دفعه یاپدقلری اثرلرک برنجیدن
 ده اای اولمه سنه دقت ایتلیدرلر .

ابن خلدون مشهور تاریخینک مقدمه سنده تألیف
 ایچون یدی شرط صایمشدرکه شودر :

اولکیسی ، بر علمی موضوعیه استنباط و ابواب و فصول
 اوزره ترتیب ، یا خود بر طاقم مسائل و مباحثی استنباط

خصوصاً در آنکه ، بوجای بر عالم محقق مظفر اولوبده نفی عام اولوق ایچون بونی سائر ایصال آرزوسنده بولمغین ، متأخرین اول فائدهیه ظفریاب اولملری املیه اول علمی ودیعۀ صحائف ایلر . نته کیم اصول فقهده واقع اولمشدرکه اولامام شافعی ادله شرعیۀ لفظیه ده تکلم و آنلری تلخیص ایلدی ؛ صکره فقهای حنیفه کلوب ، مسائل قیاسی استنباط واستیعاب ایلدیلر و آنلردن صکره کلنلر بو آنه دک منتفع اولمده درلر .

ایکنجیسی ، بودرکه بر عالم محقق تألیفات قدمایه واقف اولوبده آنلری مطلق وعسیر الفهم بولمغله وفهمنه جناب حق آنی موفق ایتمکله اودخی تألیفات مرقومه ده عسرت چکه جک سائر کیمسه لره موفق اولدیغی مفهومات ومعلوماتی اظهار وایصال آرزوسنه دوشر ، تاکه مستحقنه فائده متصل اوله . اشته بونوع تألیف دخی کتب معقول ومنقولک شرح و بیاننده برمسلك شریفدر .

اوچنجیسی ، متأخریندن بری متقدمیندن فضلی مشهر وصیتی آفاقه منتشر ومعتمد ومستند بر ذاتک کلامنده

برغلط و خطایه کسب و قوف و شک و شبهه دن عاری برهان
واضح ایله بونی اثبات ایتمکه کندودن صکره کله جکلره
دخی بونی ایصاله حریص اولمسیدر؛ چونکه اولکی
تألیفک انتشاری ومؤلفنک شهرتی وناسک کندویه وثوق
واعتمادی حسبیله اول غلط و خطانک محو وتصحیحی
قابل اوله ماز. بوجهته اول عالم متأخر بونی تحریر ایله
سأترینه بیلدرمک لازم کلور.

دردنجیسی. برفنک موضوعنه نظراً برطاقم مسائلی
یاخود بعض فصولی ناقص اولمسیدرکه، بوکا مطلع اولان
کیمسه فنک اکمالی قصد ایلر.

بشنجیسی، برعلمک مسائلی ابوابنده مرتب ومنتظم
اولماسیدرکه، بوکا مطلع اولان کیمسه او مسائلی ترتیب
وتهذیب ایله هر مسئله یی کندی بابنه وضع ایتمک استر.
آلتنجیسی، برعلمک مسائلی دیگر علومک ابوابنده
متفرق اوله رق بولمسیدرکه، بعض فضلا بوکا آگاه اوله رق
اول فنک موضوعنی تعیین و مسائلی جمع ایدوب برفن
مستقل میداننه چیقاریر.

یدنجیسی ، امهات فنون توالیفدن بری مطول و مورت
 کلال اولمسیدرکه ، مؤلف اولک مقصدینه خلل ویرمامک
 اوزره لازم اولنلرک حذفدن احتراز ایله مکرراتی وارایسه
 حذف واختصار وایجاز ایله اول تألیفک تلخیصی قصدیه
 دیگر برکتاب تألیف اولنور .



ترجمه

برلسانده بولنان برکتابی دیکرینه نقل ایتک فائده لی
وحتی الزم برخدمتدر .

فرانسه شعرا سندن لامارتین : « یاپیله جق کتابلردن
اک کوچی ، اعتقادمجه ، ترجمه در » دیمش : فی الواقع ای
ترجمه غایت کوجدر .

ترجمه ده شرائط اصلیه تامیله فکر مؤلفی افاده ومحاسن
انشایه رعایتدن عبارت ایسه ده . بر ترجمه نیک ای اولمه سیچون ،
باشدن باشه مؤلفک اثرنده الهامات معنویه سی صنایع
ایتمه مکده التزام اولنورسه ، آثار ادبیه وشعریه ترجمه سی
عادتا امکان خارجه چیقار . اوتهدن بری آثار مترجمیه
اصلیرینک ترس یوزی نظریله باقیله رق ، ترجمه ده اصلک
صنایع ادبیه سندن صرف نظره فکر مؤلفک نقلنه رعایت
اولنه کلمشدر ؛ ترجمه شو صورتله عادتا اختراع صورتنه
کیرمش اولور .

هله ترجمه ده صنایع لفظیه نك اداسی قابل اوله ماز ؛
 بوکا اوغراشانلر برایش کوره مز . حمدی افندی مرحوم
 مقامات حریری ترجمه سنده صنایع لفظیه نك ده محافظه سنه
 غیرت ایتدیکندن کتابی ترجمه لکدن وحقی ترجمه لکدن
 چیقمش وعادتا عربیسنی اوقومق دها خیرلی اولمشدر .
 براترك ترجمه سنده اهل لسانه پك غریب کورینه جك ،
 تعبیرات ، اصطلاحات ، حسیات و سائر نك محافظه سنی
 التزام ایدنلر وارسه ده بوندن پك غریب و تحف نتیجه لر
 ظهوری کورلمکده اولدیغندن حرفیاً ترجمه لر ایچون
 بيله بعض شرائط و حدود تعیینی الزمدر ظن ایدرز .
 ترجمه نك واضح ، سهل الاستفاده اولمه سی شرطدر . بویه
 اولیانلر بزم ایچون ترجمه لکدن چیقهرق برده اونلرك
 ترجمه سنه لزوم کوریلور .

ترجمه ایکی صورتله اولور . بریسی سربست ترجمه درکه ،
 برکتابك مالنی مترجم کندی ذوقنه کوره لسانه نقل
 ایدر . آثار فنیه نك بویولده ترجمه سی ، هم ای آکلاشلمسنی ،
 هم ده آز زمانده ایشك ایچندن چیقلمه سنی موجب

اولور . بوسبيله اكثر مترجملر من بويولى اختيار ايدرلر .
آثار ادبيه نك ايسه عيناَ ترجمه سى ملتزمدر . بناءً عليه
اويله ترجمه يه هوس ايدنلر ك ايكي لسانده ده فوق العاده
ملكه صاحبي اولملرى شرطدر .

ترجمه لرك كتب قديمه محافظه سنه پك چوق يارديمى
اولمشدر . مثلاً كتب يونانيه دن چوغنك بوكون اصلى غائب
اولدينى حالده عرب مترجملرينك سايه سنده آثار متقدمينه
اطلاع ممكن اولمشدر . عرب آثار حكيمه سنك برچوغنى
صوكره دن محوه قيام ايدلمش ايدى . اونلرك ده چوغنى
يهوديلر عبرانى يه ترجمه ايتدكلرندن بوكون حكمت عربيه
معلوم اولمشدر .

ترجمه حقنده اصحاب كمالدن بريسى شويولده بيان
مطالعه ايتمشدر :

« . . . البته برلساندن برلسانه ترجمه اولنان شى مثلاً
مائ كوزلى ، آق بكزلى ، صارى صاحلى برانكلير قزينه
قاره كوزلى . قره قاشلى ، اسمر بكزلى برعرب دلبرينك
البسه سيله زينت ويرمك ديمك اوله جنى ايچون بدايع

پسندان عالم نظر نده طبیعتك ایجاد ایدہ بیلہ جکی ہر درلو
محاسنی جامع اولہ ماز . ادبیاتجہ ترجمہ دن، اولسہ اولسہ
یالکیز اصحاب قلم بعض فوائد استحصال ایدہ بیلہ دیک
واختراعتدن ایسہ ولو مکمل اولسہ بیلہ ہر اوقور یازارک
مستفید اولہ کلدیکی فکر حکیم وطبع نقاد عالیترینہ خفی
دکلدز . »

بعض اثرلر وارددرکہ برباقشده ترجمہ سی اوقدر قولای
کورندیکی حالده دیگر لسانہ ترجمہ سی ممکن اولہ ماز ؛
اولسہ ده اصلنده کی لطافت بولنہ ماز . « سهل ممتنع » تعبیرینہ
ماصدق اولان (برہ بوف) ک شویتی کتابزہ مناسب
وصدق مدعای مؤید اولدیغندن اشاعی یہ یازلدی :

Cet art ingénieux ,

De peindre la parole et de parler aux


[yeux,

Et par des traits divers de figures tracées,

Donner de la couleur et du corps aux pensées

(قورنہی) بویٹہ اک ای یکی پیہ سنی ویرہ بیلہ جکی

سویلیور .



﴿﴾ اختصار کتب ﴿﴾

بيوك كىتابلىرى كوچلىتمىگە اختصار، تلخىص دىرلر .
آثار متقدميندن ژوستن دوفلوروس، قورنيلوس پنوس،
ولليوس، پاتركولوس، قونستانن پورفيروژنت كې
مشاهيرك تلخىصلرى مشهوردر .

اختصار عادى اصل كىتابلىك غىوبتنى انتاج ايتدىكى
جهتله شاين موآخذدر . ژوستنك اختصارى، تروغ
پومپه تارىخ عمومىسنك ضيافى موجب اولدىغى كې فلورسك
اختصارى ده (تىت ليو) (دمقاد) ينك برقىمىنك غائب
اولمىسنى سبب اولمشدر .

عربلرده بو عادته رعايت ايتىمىلردر . حتى اكثر
مؤلفلر كندى اثرلىرىنىك برده خلاصه سنى يامىشلردر .
بونلر كده بو حركىتلىرى بيوك كىتابلىك ضياعنى موجب
اولمشدر . مثلاً فيروز آبادى؛ قاموسنى ۶۰ جلد اوزره
يازدقدن صوكره برده تلخىص ايدىرك شمدى الله

متداول اولانی میدانہ قویمش و بوحرکتیله ، او قدر
امک و یردیکی اثر جسیمنک یالکز نامنی براقه بیلمشدر .
زمانمزدہ کتابلرک اختصاری بویله برفعالغه سبب
اوله ماز ؛ چونکه مطبوعات اصل اولان کتابلری محافظه
کافلدر . بالعکس شمدی اختصارات ، علوم و فنونک
تدریس و تعمیمی ایچون پک فائده لیدر .



❦ هانكى كىتابلىرى اوقوملى ؟ ❦

عالمده كىتاب تاليفى عادتى پك اسكيدر . مؤلفلى
انسانلردن اولور؛ بونلك ايچنده عالمى ، فاضلى اولديغى
كى ابي وفنا خويلوسى ده واردر .

مؤلفلى تاليفلىرىنى كندى اقتدار و ذوقلرينه كوره
تاليف ايدرلىر . قارئلرد، كندى ذوق واستفادهلرينه مناسب
كىتابلىرى ايدينورلىر .

فقط كىتابلىر ايچنده اوقدر لزومسىز ، اوقدر مضرلىرى
بولنور كه ، تجربه ومعلوماتى آزا اولانلىرى آلداتير ، فنا
يوللره كوتورور . بويلا كىتابلىرى اله آلمقدن حذر ايتملىدر .
برده كىتابلىر اوقدر چوقدر كه ائزىككىن آدملىر بتون
ماللرىنى او اوغورده فدا ايتسهلرينه هر برندن برر دانه
ايدنه مىز ، نه قدر اوقوميه ادمانى اولسه ينه بتون
كىتابلىر بر كره كوزدن كچيره مىز .

اوپله ایسه نه یاپه لم ؟ کتاب آلمیه لم می ؟ او قومه دن
 وازمی کچه لم ؟ حاشا ! هم کتاب آلمی ، هم ده او قوملی .
 هر انسان بر مسلک صاحبی بولمق لازمدر ،
 هر مسلکه مخصوص کتابلر وار . او کتابلر همان
 عموماً ایدنلسه فائده سی واردر . فرضا عسکرلرمن ، فنون
 عسکریه یه دائر اسکی یکی نه قدر ترجه کتاب وارسه ، نه
 قدر چیقارسه هپ بردانه آلمی . بشقه لسان بیلورسه
 اولسانده کندی مسالکنه دائر اولان اثرلردن ده اک
 فائده لیلرینی آلمی . انسانلرک برده بر ذوق مخصوصی
 واردر . یعنی مسلکی خارجنده برقه ، صنعته مراق ایدر .
 ایشته او مراق ایتدیکی علمه وهنره دائر اولان
 کتابلرکده کندی لساننده بولنانلرندن تکمیلانی ایدنلی ،
 سائر بیلدیکی لسانلرده ده اونلره دائر یازلمش اثرلرک
 مقبوللرینی آلمی .

دهانه آلمی ؟ اوت ، دهه انسانک کتابخانه سنده
 بولنه حق کتابلر واردر . اوپله کتابلر که هر مسلک ،
 هر ذوق اربایچون مشترکدر . فقط تأسف ایدرم که ،

اوقییل کتابلر من پک آذر . حتی اوروپا کتابلری
ایچنده آز بولنیور . کچنلرده اوروپا غزتہ لرندہ
« هرکسه لازملی کتابلر هانکیلریدر ؟ » مسئله سی میدانه
قونمش ایدی ؛ ویریلن جوابلر ایچنده ۲۰۰ قدر کتاب
اسمی کورلدی . بزدهده عموماً بولنمہ سی الزم اولان
کتابلری عقل قاصر مچہ آرادم ، پک آزشی بوله بیلدکم ،
اونلرده شونلردر :

تفسیر تیان — مولد شریف — حلیه خاقانی
— تلماق ترجمہ سی — خمیر و نامہ ترجمہ سی —
ابن خلدون تاریخک مقدمہ سی — هایون نامہ —
کلیستان ترجمہ سی — حنیفینک مشوی شریف
ترجمہ سی — ضروب امثال عثمانیه — فذلک تاریخ
عثمانی — اخلاق علائی — قوچی پک رسالہ سی
— کاتب چلبینک : میزان الحق فی اختیار الاحق —
رسالہ سی — جدال سعدی بامدعی . کبی
ارباب اقتدار من ، بویولده یعنی فائده سی عمومی
کتابلر منی چوغالتمہ همت ایتلیدر .

اولجده عرض ایتدیکم وجه ایله ، شو صایدیغم
کتابلر کندمجه فائده سنی تصدیق ایتدیکم وسائر ارباب
عرفان طرفندن توصیه ایدیلنلردر ، هنوز کورمدیکم
فائده لی کتابلر وارسه ، اسمیسنگ نشرینی اصحاب
اقدارمزدن تمنی ایلرم .



﴿﴾ كتابلره مكافات ﴿﴾

اوتهدن بری ، بالخاصه خلفا و حکمداران اسلامیه
مؤلف و مترجملره پک بیوک احسانلر ویره رک
مکافاتلندر مشلردر .

مظهر مکافات اولان مؤلف و کتابلرک اسامیسی
همان صایيله ماز .


سلاطین عظام عثمانیه نک ایسه بوبابده پک بیوک
احسانلر اعطا بیوردیغی هر مؤلفک ترجمه حالنده
کوریلور .

حتی مؤلفلرک وظیفه لری آرتیرلق رتبه لری ترفیع
ایدلک کبی مکافاتلره نائلیتی همان عمومی کبی برشیدر .
بوعادت حسننه الی ماشاء زمانمزه قدر دوام ایتمش
وحتی شوکتآب معارفصا ب افندمنر حضرتلرینک عنایت
ملوکانه لرینه نائل اولمدق بر صاحب قلم قالماشدر . حتی
عبد عاجز ایکی دفعه ، آثار ناچیزانه تقدیمنه جسارتیاب

اوله رق، هر اکیسینده نشان ذیشانلر ایله تلطف
بیورلدم.

اوروپاده مؤلفلره اقاده میلر واسطه سیله مکافاتلر تعیین
ایدیلور. هر آقاده می شعبه سی کندی شعبه سنه مخصوص
کتابلری مسابقه قویه رق کسب استحقاق ایدنلره مکافاة
تقدیه و یامدالیه ویرر. بعض ارباب مراقدن اقاده می وسار
جمعیت خیریه بر مقدار پاره تبرع ایدرک یا آنا و یا خود
نمسی ایله آرزو ایتدیکی شیئه دائر الی اثر یازانلره
بر مقدار مکافات ویرلمه سنی شرط اتخاذا ایدر. اونلرده
ایجابی اجرا ایدرلر. بویولده کی تبرعاتک مقداری هر سنه
خیلی چوغالمقده در.

وقتیله بزده ده مکتب کتابلری مسابقه قونلمش
واصحاب آثاره کتابلرک اهمیتنه کوره مکافاتلر تعیین ایدلمش
ایدی. حالاده مکتب عسکریه ده بو اصول قسماً جاریدر.
فقط مکتب کتابلری آرتق اتمام ایددیکی جهتله یواش
یواش اونوع مکافاته ده لزوم قالمامشدر.



﴿﴾ طباعت ﴿﴾

حروفات متحرکه ایله کتاب طبعی ۱۴۶۰ سنه لرینه
طوغری گوتنبرغ احداث ایتیش و شرکاسی اولان (فوست)
و (شوفر) طرفندن اکمال ایدلمشدر .

اون بشنجی عصر میلادیدن چوق اول طباعتک
بولنوب موقع تطبیقه قوندیغی اثبات ایچون پک غریب
وبرچوق تدقیقات اجرا ایدلمشدر . چینلیلر ، قرون قدیمه
ومتوسطه اقوامندن بعضلری طباعت ایچون بعض قبا
اصوللر بولدقلری محققدر ؛ فقط هیج بریسی هیج بروقتده
طباعتک اساسی اولان حروف متحرکه ، تضییق ماکنه .
سیله طبع ایتک اصولی دکدر . چینلیلر یکپاره صحیفه لری
حاوی نخته لر اویهرق رسملر و یازیلر باصمشلر ؛ قدما دنده
طوغله اوزرینه باصه جق قالبلر ، سکه قالبلری ، مهر ،
اسرانک آلنه باصمق ایچون قالب احداث ایدلمشدر .

اوستروغوت قرالی ته ئودوريق ، كيوم و سائر حكمدار-
ران مهر استعمال ايتمشلردر .

بعثت حضرت رسالت پناهيده اطراف حكمداران نه شرف
تسطير بيوريله جق نامه سعادت لره خاتم تطبيق ايجاب
ايتديكندن كلمه جليله شهادتي حاوي خاتم نبوت استعمال
بيورلمشدر .

مذهبلر ، اويون كاغد جيلري ، شمديكي بزم باصمه جيلر
كبي آغاج و يامعدنن قالب لره ايستدكاري شكللري باصارلر
ايدى . حتى بر آراق اوروپادهده اويولده بر طاقم اثرلر
طبع ايدلمشدر كه بونلره « مطبوعات خشبيه » ديرلر .

كوتنبرغ ابتدا استراز بورغده تختهدن متحرك حرفلر
ابداع و صوكره مايچده قويومجى فوست و خطاط شوفر
ايله اشتراك ايدهرلك معدنى حرفلر اصاغه و اعمال ايتمشدر .
حرف قالبلريني ده كنديسى و بوكا باصقي ماكنه سى ده
اويدريله رق طباعت حقيقه ميدانه چيقمشدر .

۱۴۵۷ تاريخلى مايچده باصلمش بر كتاب بونى اثبات
ايتديكندن سائر اقوامك كندى مملكترلينه اسناد ايچون
اوغراشدقلرى بوشه چيقمشدر .

مايچدن طباعت اورويانك هر طرفه ياييله رق ۱۴۷۰
سنه سي پارسده اوليرق گهرينغ ، ميشل فريبورغر ، مارتن
قرايخ اسمنده اوچ آلمان (آلتون كونشلى) بر مطبعه
آچديلر .

انكلتره لى (ايزرائئلى) قبول عمومى يه قارشو نشر
ايلديكى بر اثرده رومه اكبرى طباعتى بيلدكاري ني واسباب
سياسيه مبنى انتشارينى منع ايلدكاري ني ادعا ايتمشدر .
ابتدا هر حكمدار مطبوعات اربانه برخيلى رعائتلر
كوستردى .

طباعتك حكومات مختلفه ده بالاخره دوچار اولديني
تعقيباتى يازمق ايسته ميز .

كوتنبرغ زماننده بر حال مكملته واصل اولان طباعتده
مؤخرأ دواملى كاغد فابريقه سنك احداثى واستره ئوتتپي
اصولنك ايجادى كبي خيلى اكالات وقوعه كتمرلمشدر .
ما كنه نك چورلمسى ايچون بخار قوتى تطبيق ايدلمش
وكاغدنك ايكي يوزى بردن باصلمق ايچون اسطوانه لى
ما كنه ياپلمش . ليتوغرافيا ، غالوانو پلاستى ، رنگلى

مطبوعات و سائرہ اصوللری بولنہرق طباعتده پک چوق
ایلری وارلمشدر .

۱۱۳۹ سنه سی ۲۸ محمد افندی نام ذاتک پارسه
طرف [*] سلطنت سنیهدن سفارتله کیتمه سی طباعتک
ممالک شاهانده موقع تطبیقه وضعنه سبب اولمشدر .
مشارالیه محمد افدینک مخدومی اولوب مؤخرأ صدارت
عظما مسندینه ارتقا ایدن سعید پاشا مرحومک همی
وجار مهتدیلرندن متفرقه ابراهیم افدینک وساطتیه ترجه
حرفلرک اتصال وانفصال ایدن عضولری بر قلم وبر سیاقده بر
خطاطه تحریر و قویومجی قلمکارلرندن زانباق اوغلنه قالبلری
یادرده رق طلبیه لزومی اولان وانقولی لغتی ایله کاتب
چلبینک خریطه لی جهانما ، تقویم التواریخ ، اسفار البحار
نام اثرلری ، ابراهیم متفرقه نک کندی آثارندن اصول -
الحکم ، تاریخ افغان ، اثرنو ، دها صوکره نعما ، راشد ،
وقره چلبی تاریخلری ، احوال بوسنه ، تاریخ تیمور ، فیوضات

[*] ابراهیم متفرقه معرفتیه باصیلان کاتب چلبینک تقویم
التواریخنده بویلهدر .

مقناطیسیه، کلشن خلفا، تاریخ مصر قدیم و جدید باصلدینی
 کبی ابراهیم افندیکنک وفاتنده دامادی دیگر ابراهیم افندی
 یرینه کچهرک ۱۱۶۹ تاریخنه قدر ۲۰ قدر کتاب طبع
 ایلدی . بر آراق مطبعه اموری یوزاوستنه قاهره مؤخرأ
 سلطان عبدالحمید خان اول حضر تلرینک عصر هایونلر -
 نده بردها تجدید ایدلمش و سلطان سلیم خان ثالث حضر تلری
 زماننده خطاط دلی عثمانک مهارت قلمی و عرب اوغلنک
 اثر حکی اولق اوزره الیوم مستعمل اولان حرفلر یاپدیر -
 یلهرق اسکدارده سلیمیه جامع شریفی جوارنده ، حالا
 انقاضی موجود اولان کتابخانه خانی آچلدی؛ مهندسخانه
 بری هایون ایچون کتابلر طبع ایلدی .

سلطان محمود خان ثانی حضر تلرینک اجراسنه موفق
 بالخیر اولدقلری تنظیمات خیریه مطبعه عامره نک احیاسنی ده
 موجب اولهرق یساری مرحومک ایجه تعلیق حروفی
 دو کدرلدیکی کبی برخیلی کتابلر دخی طبع ایلدی .
 سلطان سلیم ثالث زماننده دارالطبع اسکدارده ایدی .

سلطان محمود خان ثانی حضرت تبری باب سرعسگری جوار -
نده مخصوص بر بنا تأسیس و آلات طبعی احضار بیوره رق
(مطبعة عامره) یی کشاد بیوردی .


دور سلطان محمودیده عاصم افندینک نظارتیله قاموس
ترجمه سندن باشلانهرق صرف ونحو کتابلرینه وارنجه یه
قدر لزومی اولان کتابلر طبع ایدلی .

پدر بزرگوار حضرت پادشاهی سلطان عبدالمجید
خان غازی حضرتلرینک عهد هایونلرنده ، اندرون
هایون فارسی معلمی مرحوم راجح افندینک اثر قلمی
اولهرق بیوک تعلیق حروف اصاغه ایدیلهرک مطبعه
برقاندهارونق بولمشدر .

اوزمانه کلنجه یه قدر بتون ممالک محروسه ده یالکیز
بردولت مطبعه سی وار ایکن احاددنده مطبعه آچانلر
بولندی . خصوصی اولهرق آچیلان مطبعه لک مکملنی
شناسی مرحوم ۱۲۷۸ سنه سی آچمشدر . شناسی اووقته قدر
انواع منفصله سی بش یوز پارچه یه بالغ اولان حروف
عثمانیه یی ، بر ایکی هواسنی محو ایدی ویرمکله ، یوز یوز

یکرمی پارچه به تنزیل ایلدی . مطبعه جیلر آراسنده
(مهندسین) حروفی دیه آگیلان نسخ حرفلری قاضی
عسکر مرحوم مصطفی عزت افندی یازمش و مهندس
اوغلی اوخانس حک ایتمشدرکه بوایکی ذاتک طباعت
عثمانیه به اولان خدمتلی هیج بروقت اونودلمیه جقدر .
وحدتی افندی مرحوم ده اوافق حرفلری یاری به قدر
یازمش ایکن عمری وفا ایتدیکندن متبایسنی خطاط شفیق
بک اکمال ایلمش و فقط نه چاره که قالم قارشمه سی حسبیله
وحدتی یازیلری براز بوزوق چیقمشدر .

طباعت عثمانیه نك اصل دور ترقیسی عهد هایون
حضرت شهریارى اولدیغنه شبهه ایتمه ملیدر . سایه شاهانه -
لرنده وجود بولان عثمانلی مطبعه لرینك مطبوعاتی حتی
اوروپاده بیله تقدیر و صاحبباری مدالیه لره نائل اولمشدر .



❦ یازی بیلگیجلگی ❦

فرانسزجه وسائر اوروپا لسانلرنده یکی بر علم تدوین ایدلمش و بوکا (غرافولوژی Giraphologie) یعنی مبحث خط دینلمشدر . لکن مبحث خط تعبیری بو علمک موضوعنه دلالت ایدمه مکده اولد بغندن لسانمزه « یازی بیلگیجلگی » تعبیر یله نقل ایدیورم ؛ بو علمک علمای عرب طرفندن ده تدقیق و تدوین ایدلمش اولمه سی و بناء علیه براسم ايله توسیم ایدلمه سی محتمل اینسه ده مطلع اوله مدق . ارباب مطالعه دن بویله بر شیئه راست کلن بولنورسه کیفیتک اعلانی تمی ایدیلور . ذاتاً ماخذمرك روش افاده سی بو علمک شرقدن غربه انتقالی ایما ایدیور .

اون سکزنجی عصرک اواخر ویا اون طقوزنجینک اوائلنه طوغری « مارتن » اسمنده بریسوعی تعریفی صد دنده بولندیغمز بحشه متعلق بر اثر ایدنمش و بونی شمدی اربابی نزدنده رئیس نامیله یاد ایدلمکده بولنمش اولان

برذاته تبليغ ايتىش و بولدى ايجلرندن بريسى پاپاس (فلاندرن)
اولمق اوزره بر طاقم شا كر دلر يتشدير مش و بولمده شهرت
آلان موسيو ميشون ده . فلاندرندن تحصيل ايتمشدر .
موسيو ميشون بولمك تعميمنده پك زياده غيرت
كوسترمشدر .

بولم « انساني يازيسيله طائيقدن » عبارتدر .
شوبخنده كى مأخذمز « مادام لوتى مون » اسمنده
برقادينك اثيريدر . مادامك معلمى لاواتر شويله دييور :
« بن يازيده حرفلرك ماده و جوهرينى ، شكل و ترتيبنى ،
وضعنى ، كيفيت اتصالى ، بر برندن تفريق ايدن فاصله يى ،
سطرلرك آرائق و استقامتى ، يازينك سلاست ، خفت
و غلظتى ، بونلرك بر آهنگ مكملده اولوب اولمديلرينى ،
الح ، تدقيق ايدرم »

حكيم شهير بوفون نطق مشهورنده : « اسلوب بيان
عينى انساندر » ديمش ايدى . يازى بيلكچلرى ايسه :
« خط انسان عينيله طبع آدمياندر » دييورلر .
بولم يد ايله مترافقدر . زيرا ال كوچك بر عالمدر ،

یازی ده اویله : بونلرک هر ایکیسی بربرندن مشتق
وهر ایکیسی ده برحرکتله متحرکدر .

یازی کندیسینی حاصل ایدن ال ایله متناسبدر .
طوپارلاق ، طولغون برال یووارلاق ، طولغون یازار .
جلیز ، قوری برالدن ده جلیز ، قوری بریازی چیقار .
واقعا هر اوزایان مانوله نك تأثیراتی آزلوب قیسه -
لانا نکی ایسه ده ازیاده محسوس اولور . بوکا بناء بر بیوک
ال آز چوق دقیق وبرکوچک ال ده آز چوق ایری یازار ؛
الک جسماتنه کوره یازی دکی شیر .

اوزون وطار برالک یازاجنی حرفلر بربرینه مربوط
وصولدن صاغه مائل اولور . قیسه وکنیش برالک یازیسی
ایسه بربری اوستنه بینمش و آز چوق یوقارلنمش بولنور .
بویله « آز چوق » دیشمز اللرک وسعت وجسماتنه کوره
سویلمک ایسته دیکمز ایچوندر ؛ قوری برالک یازیسی مزوا ،
طولغون ، و طوپارلاق الی ده طولغون و یووارلاق اولور .
هرکسه خاص اولان بو خاصه طبعیه یی تبدیل ایچون
قصد ، جبر نفس کرکدر . فقط انسان دائماً نفسه غلب

وصاحب اوله ميه جغندن البته طبيعتك غلبه سي كوريلور .
 بونی تجربه ايچون قلمی يوقايدن طوتوب پارماقلىرىنى
 اوزاده رق يازملى ، بوصورتله يازيلان حرفلر بربرينه
 مربوط ، اينجه ، مزوا و مائل اولور ؛ يعنى اوزون برالدين
 چيقمسه بکزر .

برقلم آشاغيدن طوتيلور وال طويلانه رق يازيلورسه ،
 يازى ايرى . طويلارلاق ، بربرى اوستنه ينمش . يوقارلاق
 اولور . يعنى قيصه وكنيش برالدين چيقمسه بکزر .
 باش پارمغك شكلى يعنى آز چوق اوزونلغى ده يازى يه
 تأثير ايدر . سائر پارمقلرده بويله در . بونلرده خطى
 تعديل ايدرلر .

عجبا ال ايله طبع بشر آراسنده كي بومناسبست نه دن
 نشئت ايدىور ! ال ققانك آثار علويه سنك واسطه اجرا -
 يه سيدر . يعنى دماغك خادى و متعلقيدر . آلتايشجى يه
 كوره اولديغندن ال ده دماغه كوره برآلدر ، محصولى ده
 آكا كوره در .

بونی آکلامق ايچون اطرافه برکوز کزدردملى .

چالشقان بر آدمک الی ایله استراحتیه میال اولانگکنه
باقلی . بویکی ال هیج بروقنده بربرینه بکزه مز .

الر انسانک واسطه انتعاشیدر . « ایکی ال برباش
ایچون » ضرب مثللی حکمنجه چالشانالر چالشمیانلر
کی اوله ماز ، تنبلرک محصولیه ارباب مساعینک آثاریه ده
بربرینه اویه ماز .

شو حالدیه قالب ایله جلی وثلث یازان خطاطلرک آثار
قلمیه لری شوویه برطرفه براقیلوب ده طبیعی بر صورتله
یازلمش بر یازی اله آلدینی زمان اونی وجوده کترین
الی تصور ایتک واولدن صاحبنی آکلامق بر آز قولای
اوله جنی تسلیم ایدیلور .

برال ویا محمولی اولان یازی یی اوقومق ایچون اول
بیوک سطرلره ، صوکره ایکنجی درجه ده اولانلره دها
صوکره تفصیلاته دقت ایتلیدر . بونلرک بربریه
مقایسه سندن بر نتیجه چیقار .

بوعلم ازبانى يازىلىرى اوتوز ايكى يه قدر تفريق ايدىدرك
 هر برىسنىك دلالت ايتدىكلرى طبيعتى ده تعين ايتىشلردىر.
 فقط بوتدقيقات وتتبعات هپ لاتن حرفلارينه كوره ياپلمش
 شيلر اولدىغندن ترجمه سندن صرف نظر ايتدىك . بوبابده
 كندىمىز ده بر تجربه سى اولدىغندن طبعى برشى ديه مىز .
 شمدى ويردىكمىز شومعلوماتى اساس اتخاذايدىدرك تدقيقاته
 كيريشنلر بلدىك كندى يازىمىز حقننده بر اثر وجوده
 كتيره بيلىرلى .

بعض طبيعت ازبانىك صورت تحريرى ده بيان ايدىلم :
 صاف مشرف اولانلرىك يازدىغى حرفلار آچىق اولور ،
 كلمه لرى بيويديرك كيدر . زيرا بونلرىك قلى ده آچىقدىر ،
 قولايجه تسليم اولنورلىر . بونلر دائما طاشان قاب كىدىرلىر .
 اچىلانده كى هر زمان ترشح ايدر .
 فكر ديق اصحابنىك يازىسى اينجه اولور . چونكه
 بونلر تفصيلاتى تدقيق ايدرلىر .

خسیسلر ادخار و اقتصاد ایدرلر ، حرفلری بر برینه
بتیشیک کلهلری بربر اوزرینه ییغلی اولور .

واقعا کوکل شو علمک قواعدنی تسلیم اتمک
ایسته میور . فقط برخاطره انسانی متردد ایدیور .
برمکتبدہ ، برخواجهدن ، برزمانده مشق آلان بش یوز
شاگردک یازیزی نه دن بربرینه بکزه میور . ارباب دقت
اوبش یوز چوجغکده یازیلرینی بربرندن آیرد ایدیور .
حتی بوکا ارباب قوانین بیلہ دقت ایدرک اورتیه بر « تطبیق
خط و خاتم » اصولی قویملر ؛ بوکا نه دیهلم ؟

طبیعی امضالرده بوعلمه داخل اوله جغندن مثال
اوله رق مشاهیردن برقچ ذاتک امضالریله بونلر حقنده
ارباب علمک تدقیقاتی عرض ایندیورز .

فرانسه قرالردن اون دردنجی لوئیک

امضاسی فوق العاده حکمدارانه و حاکمانه در .

Louis

پرنس بیسمارکک یازیزی حاکمانه ، امضاسی امیرانه ،

آمرانه ، شخصیه ، مجادلانه ، اعطای امره ، محبانه ، عنودانه ،

فکرده صلابتکارانه ، حرص ملزمانه ، موفقیت
ونائیت اشعار ایدر . فقط
امضاسنک کشیده سی نهایتنه
طوغری میال اولدیغندن ،
حیاتنک صو کی سقوط
واعتبار سنزلق تهلهکه سند
ایمش .

Amuzgar

لغت صاحبی مشهور لیترنک امضاسی : علم حقیقی ،

ساده ظریف وبالذات اکتساب
قوت ایتمش برذکا ، کشف حقایق

E. Litte

ومجهولاته میلان ، فعال وصاحب حسن حال اولدیغنه
دالدر .



❦ امضا ❦

یازیلان ویایازدیریلان برشیئك حکمی تصدیق ایچون آلتنه چکیلن اشارت ویاخود صورت مخصوصده یازیلان اسمنه « امضا » دیندیکی معلومدر .

ممالك اسلامیهده امضانك صورت استعمالنه دائر معلومات تاریخیهیه تصادف ایدهمدم ایسهده عربجه یازیلان نامه لرك باشنده « من فلان . . . الی فلان » دیه یازلمق عادت اولدینی کورلدی .

وقتيله اوروپاده دره بکلری وسینورلر علمی واربابنی تزئین و تحقیر ایدر اولدقلرندن یازدردقلری شیئه « امضاسنی قویمه یی بیلمیور » عباره سنی مقام افتخارده درج ایتدیرلردی . حالا اوروپا زادکانی آراسنده جهل لوازم اصالتدن معدود اولدینی جهتله مکمل درس کوردکلری حالده یازدقلری شیلرك املاسنی قصداً یا ککش یازمق اصولدن ایمش !

قرون وسطیہ ہر شیئی کو سترن اشارتوں امضایرینہ
مستعمل ایدی . اصل اسمیلہ امضا کیفیتی اور وپادہ
اون التتجی عصر ده مجبوری اولدی .
فرنگر امضایرینہ بر اشارتله خاچ علامتی قوللانورلر
ایدی .

بزده یازمه سی اولیانلر پارمق باصارلر . بو عادت
چینده ده جاری ایمش . بو اصولک چینده ده بولنیشی
مغوللردن سرایت ایتسه کر کدر . شو حالده پارمق باصمق
ترکلرده پک قدیم اولدینی آکلاشیلور . اوروپا مدققینک
تدقیقاتنه نظراً پارمق حاصل ایلدیکی این هر آدمده
تخلف ایدر و هیچ کیمسه نکی بشقه سنککنه بکزه مزه مش .
حتی جانینری تشخیص ایچون استنطاقنامه لرك آلتنه
پارمق باصمق اصولنی توصیه ایدنلر واردر .

بزده اوتهدن بری امضا عادتدر . حتی باب عالیده
اوتهدن بری برنشانجیلق مأموریتی واردر . برات وسائر
اوراق مهمه یه غایت گرفت و تقلید دکل حتی او قومه سی مشکل
(صح) لر چکیلور . امضا مهر قدر مقبول دکلدر . تذکره

وامور دولته متعلق یازیلان شیرک اجراسنه مخصوص
 اوراقه وکلای فیخام و سائر مأمورلر امضا قورلر .
 کوچکارک بیوکاره یازدیغی شیرلری مهرلرلری آدابنددر .
 فقط کوندن کونه امضا عادتلی تعمم ایتمکده وهرکس تقلید
 ایدلمسون دیه پک قاریشق امضالر اویدرمقدهدر . حق
 امضالره نقطه قویماق عادت اولدیغندن هرامضایی اولور
 اولماز آدملر اوقویهماز . بکا قالیرسه امضالر هم کوزل
 یازملی همده نقطه لئملیدر .



❦ مهر ❦

قاموسده بولكه نك برچوق معناسى وارسهده لسان
ناسده (خاتم) معناسنه قوللانيلانى قادينلرك زينت ايچون
قوللاندقلىرى بونجـقـلره اسم اولان (مهره) كـلـهـسـنـدن
ماخوذدر . سـبـبـيـده مهرلرك عقيق وسليمانى مقولهسى
اجاردن اتخاذا اولمئـه سـيـدر .

لسانمزدهده قوللانيلان (خاتم) كـلـهـسـيـده ختام لفظندن
مشتـقـدر . بو ختام كـلـهـسـيـده برشيئى مهرليهـجـكـ باـلـچـق
ديمكدر كه سلفده مهر مومى يرينه باـلـچـق استعمال ايدرلردى .
خلاصه، خاتم، مكتوب اوزرينه اورمق اوزره اوزرنده
يا اسم ويا برنوع اشارت محكوك اولان شيلردر . بـوصـورت
مصرده حضرت يوسف زمانندن برى معلوم اولديغى كـيـ،
يهوديلردهده معلوم اولديغى (مهر سليمان) دينلان شكلك
شهرتيله مشهوردر . حاصلـي مهر عجملر وبتون شرقـلـيلـر
يـنـنـده معروف ايدي .

مهر لر درلو معدن و طاشلر اوزینه قازیلور و اوزر لرینه
اسم، رسم، آرمه، بیت، ضرب مثل و سائر یازیلور .
رومه لیلرده بر کیمسه یه . مهر تسلیمی اوزات حقنده
فوق العاده محبت و امنیت ابرازی دیمک ایدی . آناختار ،
کلید طانیمن آوروپا اقوام قدیمه سی محافظه ایده جکاری
اشیا اوزرینه بال مومی ایله مهر اوررلر ایدی .

مهر لره اسم یازلق مطلقا عادت دکدر . هر کسک
کندیسنه کوره بر علامتی ده مهری اوله ییلور . مثلاً ژول-
سه زار مهری اوزرینه بر (ونوس) حک ایتدیر مش ایدی .
قیصر آغستوسک مهرنده بر ابوالهول ، پومپه نگکنده
بر کمی پروواسی اوزرنده بر کوپک رسمی بولنور ایدی .
آوروپا حکمدار لرینک ده مهر لری مصور و منقوش ایدی .
حتی کندی رسم لرینی حاوی اولانلرده واردر .

پاپا ایکی مهر قوللانور . برنجیسنک اوزرنده سن پیه رک ،
بالق طولی آغنی صودن چیقارییور بر حالد رسمنی حاوی
بیوک بر یوز کدر . پاپانک امر نامه لرینی تمهیره مخصوص اولان
ایکنجیسی ایسه صاغده سن پیه ر وصولده سن پولک باشی

وايكیسی آراسنده برخاچ وديكر طرفنده پاپانك كندی
اسمى حاویدر .

حضرت فخر رسالت افندمر حضرتلری جـوار
حکمدارانى دائرۀ اسلامیه دعوت بیورمق اوزره یازدقلری
نامه سـعادتـه کلمۀ شهادتی حاوی اتخاذ بیوردقلری خاتم
رسالتی باصمشلردی .

جوار حکمدارانـه طرف اشرف حضرت رسالتپناهیدن
نامه تسطیری اراده بیورلدیغی زمان اصحاب کرامدن برینک :
« خاتمسز نامه یه بونلر اعتماد ایتمزلر » دیمه سی اوزرینه خاتم
اتخاذ بیورلمشدر .

بوکیفیت هجرت سنیه نك آلتنجی سالنده وقوعه کلشدر .
خاتم نبوی کوموشدن اولوب فصی عقیق حبشیه دن
ایدی . [*]

اصحاب کرامدن (انس) (ر . ض) خاتم نبویه
(محمد رسول الله) عبارۀ جلیله سی ، اسم نبوی برنجی سطری

[*] عقیقك قرمزینسه (یمانی) قره سنه (حبشی) دیرلر .

تشکیل ایتمک اوزره اوچ سطرده یازیلی اولدیغنی روایت
ایدر . ابن عمر (رضی الله عنهما) ده بوروایتی تصدیق ایله
بوخاتم حضرت خاتم الانبیانک وداع عالم فنا بیوردقلری
آنه قدر دست یمین سعادته بولنه رق ، صوکره حضرت
ابوبکره واونلرک ارتحالنده خلیفه لری حضرت فاروقه
وبونلردنه حضرت عثمانه انتقال وبونک یدنده بئاریسه
دوشدیکنی بیان بیورمشلردر .

خاتم نبونک شکلی حقنده مضبوط برروایت
اولدیغندن هرکس دیلدیکی شکله اتخاذا خاتم ایده بیلیر .
حضرت پیغمبر خاتمی صاغ اللرینه طاقندقلری کبی
خلفا راشدین دخی مثال نبوییه امثال ایتدیلر . فقط
حضرت معاویه صول انه طاقندیغندن امویلرده بونی
تقلید ایتدیلر .

خلفای عباسیه نک اولی اولان سفاح یوزوکی صاغه
طاقنمش وهارون الرشیده قدر اخلافی کنیدیسنی تقلید
ایتمشدر ؛ لکن هارون صوله طاقندیغندن اخلافی

کندیسنک اثرینه اوینش و حالا خلق آراسنده بو عادت بقا بولمشدر .

خاتم سعادت بئرایسه سقوط ایدنجیه قدر خلفای راشدین خاتم اتخاذ ایتمه مشلردی . حضرت عثمان صوکرده دن ایکی مهر یاپدیروب، برینک اوزرینه « امنت بالذی خلق فسوی » و دیگرینده « لتصبون اولتدمن » عبارهلرینی نقش ایتدر مشلردر .

حضرت علینک دخی « الملك الله الواحد القهار » و « ربی الله مخلصا » عبارهلر ایکی خاتملری اولدیغی کبی حضرت حسنک « لا اله الا الله الملك الحق المبين » و « العزة لله عز وجل وحده » عبارۀ جلیله لرینی حاوی ایکی مهرلری وارایدی .

خلفای امویه مهرلری

جناب معاویہنک اوچ مهری وارایدی :

(۱) لکل عمل ثواب

(۲) لا قوۃ الا بالله

(۳) ربی اغفر لی

اوغلی یزیدک « ربنا الله »

معاویہ بن یزیدک « الدنيا غرور »

مروان بن الحکمک « الله ثقتی ورجائی »

اوغلی عبد الملکک « آمنت بالله مخلصاً »

اوغلی ولیدک « یا ولید انک میت و محاسب »

برادر ی سلیمانک « آمنت بالله وحده »

عمر بن عبدالعزیزک « عمر، یؤمن بالله مخلصاً »

یزید بن عبد الملکک « قبی السیئات یا عزیز »

برادر ی هشامک « الحکم للحکم الحکیم » و « الحکم لله »

ولید بن یزیدک « یا ولید، احذر الموت »

اوغلی یزیدک « یا یزید، قم بالحق »

قرداشی ابراهیمک « توکلت علی الحی القيوم »

مروان الحمار بن محمد بن مروانک « اذکر الله یا غافل »

خلفای عباسیه مهر لری

سفاحك : « الله ثقة عبدالله وبه يؤمن »

برادرى منصورك « اتق الله تزد فتعلم »

اوغلى مهدينك « حسبي الله »

اوغلى موسى الهادينك « موسى يؤمن بالله »

برادرى هارون الرشيدك « العظمة والقدرة لله عز وجل »

و « كن من الله على الحذر »

اوغلى امينك « محمد واثق بالله » و « لكل عمل ثواب »

برادرى مأمونك « سل الله يعطيك » و « الموت حق »

معتصمك « الله ثقة ابى اسحق بن الرشيد وبه يؤمن »

اوغلى واثقك « الله ثقة واثق »

قرداشى جعفر المتوكلك « على الحى اتكالى » و « المتوكل »

على اب »

اوغلى محمد المتصرك « يؤتى الحذر من مأمنه » و « انا »

من آل محمد لله لى و محمد »

احمد المستعين بن معتصمك « فى الاعتبار غنا عن الاختيار »

زیر بن المعتز بن متوکلک « الحمد لله رب کل شیء و خالق
کل شیء »

محمد المهدی بن واثقک « من تعدی الحق ضاقت مذاهبه »
احمد بن متوکلک « السعيد من وعظ بغيره »
احمد المعتضد بن طاحه الموفق بن المتوکلک « الاضطرار
یزیل الاختیار »

اوغلی علی المکتفینک « علی بن احمد یثق بالله »
قرداشی جعفر المقتدرک « الحمد لله الذی لیس کمثلہ شیء
وهو خالق کل شیء »

قرداشی محمد القاهرک « محمد رسول الله صلی الله تعالی
علیه وسلم »

محمد الرضی بن المقتدرک « من بالرضی »

قرداشی ابراهیم المتقینک « المتقی لله »

قرداشی مستکفینک « المستکفی بالله یثق »

عثمانیلر ده مهرلرینه اسملرینی حاوی بریت و یا مصرع
یا زملق عادت کی برشی ایدی . ۹۰ سنه صکره یالکیز اسم
و مخلص یازملق تعمم ایتمش ایدی . شمدی ایسه اسم ایله

نام پدر و منسوب بولینلان عاٹله اسمی یازملق عادت اولمق
اوزره در .

۹۸۶ سنه سی دولت علیه یه التجا ایدن کورجستان
حاکی «الکمندره» خانک نقش خاتمی ، حافظ شیرازینک :
نه عمر خضر بماندنه ملک اسکندر
نزاع بر سردنیای دون مکن درویش
بیتی ایدی .

شاعر شهر باقی ده :

فانیست جهان درو و فانیست

باقی همه اوست جمله فانیست

بیتی نقش خاتم ایدنمش ایدی .



﴿ كِتَابْلَرَكْ صَوَكِ ﴾

وقتيله يازيلان كِتَابْلَرَكْ ختامنده بر عبارۀ دعائيۀ ايله
نه وقت بيتديكي وهانكي پادشاهك زماننده اولديني وسائر
يازيلور ايدى .

بوعادت بيوك كِتَابْلَرَكْ پك ياقن زمانلره قدرجاري
ايدى . اوافق رساله لرده ايسه (تمت ، تم) كبي كلهلر
يازيلور ايدى . حالاده يازلديني واردر .


صوكره محررين عثمانيه دن (ش . سامى) بك افندي
كندى اثرلرينك نهايته « صوك » كلهسنى يازمه يه باشلامش
وبرچوق محررلرده بونى قبول ايتمكده بولمشد .


ايسته راقم الحروف ده او اثره مراجعت ايدييورم .


فى ١٢ ربيع الاول سنه ١٣١١



صوك







3 1761 07486351 5

Z
4
Z9Y3